

6
2023

Горыт керыл



ПЕТӢ 1926 ВОСЯНЬ

ЛЭДЗӢНЫ: КОМИ РЕСПУБЛИКАСА ЮРАЛЫСЬЛӢН АДМИНИСТРАЦИЯ, КОМИ
РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӢЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

6 (918) ЛӢДДЗА-НОМЪЯ (ИЮНЬ) 2023

ТАЙӢ НОМЕРЫН:

Олег УЛЯШЕВ. Панкар . История подула эпоса драма	3
Евгений ВАЛЕРИАН. Веж му вылас . Повесът	26
Галина ИВКУЧЕВА. Дженьыдик висьтъяс	32

В.Е.НАПАЛКОВЛЫ 85 ВО ТЫРИГКЕЖЛӢ

Виктор Егорович Напалков	41
Виктор НАПАЛКОВ. Менам гӢлӢслӢн йӢлӢга шы . Кывбуръяс	42

ВОЯС ДА ЙӢЗ

Мария ПЛОСКОВА. СьӢд вуджӢра война...	48
--	----

ВУДЖӢДӢМЪЯС

Роман РУГИН. Ланги . Повесът	60
Юрий ЯКОВЛЕВ. ИчӢтдырся казътылӢмъясысь	77
Виль небӢгъяс	79

12+

Обложка вылын снимокыс Павел КаневлӢн (Мокчой).

© «Войвыв кодзув» («Северная звезда»), 2023 г.

СЫКТЫВКАР

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР МАКАРОВА Г.В.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

КОЗЛОВ Е.В.

УЛЯШЕВ О.И.

ЛИМЕРОВА В.А.



Олег УЛЯШЕВ



Панкар

ИСТОРИЯ ПОДУЛА ЭПОСА ДРАМА

ВОРСЫСЬЯС:

ПАН ОРТ

ЗАРАНЬ — сійö жö Ен мам-Богородичалöн пертасыс.

ЕРМАК — казакъяслöн атаман.

ЗЫРАН-КАЗАК — том морт, ар кызя.

КУЧУМ — Сибырса хан.

МАМЕТКУЛ — Кучумлöн пи.

КУТУГАЙ — Кучумлöн мурза.

ДЕВЛЕТИМ — Бичик Тура карса (вöвлöм Панкарса) бай.

ЗЕЙНА — Девлетимлöн ныв, ар дас көкъямыса.

СИБЫРСА ТУНЪЯС-КАМЪЯС

ТОТАРА

ЙÖГРА (öстякъяс: хантъяс, селькупъяс) войтыр.

ВОГУЛ (маньси) войтыр.

КАЗАКЪЯС

НЫВЪЯС

АМАНАТЪЯС

ВОДДЗА ЮКÖН

Медводдза петкöдчöм

Бичик Тура кар. Гожся енэж вуджöрын лöзальштöны джуджыд стынъяс да башняяс. Рöмьд. Көнкö асыввылын муртса вежöдыштö енэжа-муа костыс. Кар гөгöрыс, горулынджык лöзалö сус пуяса Сибыр парма, тыдыштö ю ковтыс. Мыччысьö Пан орт. Еджыд дөрöм-гача, юр кышöда лазъя. Мышкас — козъянын¹ неыджыд чер. Коскас — кучик пуртöсын пурт да кучик зудъянын зуд. Киас — эзысь йыла шы. Вуджрасьö-ветлö стын пöлöныс.

¹ Козъян — лаз мышкын чер сюйыштны вурöм кучик петля.

ПАН ОРТ (*броткөдчө вомгорулас*). Кольома тай менам му выв кадыс. Эштөма тай менам му выв олөмыс. Рочьяс воисны Эжва вожө, выль енмөс вайисны. Ковмис вогиляскөд¹ Сибырө мунны. Көсийи бур ю вылө, Тура ю вылө овмөдчыны. Кар лэпті мича джуджыд кыр йылө. Паськөдчи гулыд ягъяс вылас, помтөм ю ковтысьясас. Ачым аслым ыджыд, ачым аслым юр. Панкарөн менсьым карөс бур йөзыс шуисны. Коми вокъяс, маньси вокъяс пыравлісны бур сёян-юан дорө, паськыд пызан сайө пуксьывлісны, дона козинөн вежласим, ентяслы өтүв юрбитім.

Зырисны и татысь, ковмис сетчыны Атлымлань. Мөмөт кан локтіс Иртыша Тобола йитчанінысь. Съөд геб-ном мында тотара воис, менсьым карөс сотісны, ассыныс карнысө лэптісны. Мөмөт канлөн йылөмыс каналө менам карын, ассыс вежаинтьяс менам вежаинтьясын лэптіс. Некодлы менө тан бур кывйөн казтыштны лоис. Некодлы менө зарни коръя пызан сайө вошйөдны лоис. Со и лоө ветлыны инасьтөм ортөн важ ветланінтьясті.

Кывсис Войпель² вокөсянь, Кылдысь³ чойөсянь, локтөны выль йөз, зырасны съөд тотараөс менам важ ветланінтьясысь, менам вежаинтьясысь. Роч казак таланьө сюртчөма, нырвизь босьтөма. Көть роч өксыяскөд да роч ентяскөд быдсяма ногыс овлім, бурөн и лёкөн, а менам карысь кө вөтгасны Девлетимөс, отсөг налы сета, Войпель вокө дорө шыөдча, став вокөс-ёртөс Мөдар мусыс вайөда.

Косталыштө. Синмалө кар мыгөрсө.

Энлы, отсышта роч казакыслы. Энлы, шуштөмта Девлетимөс. Кад воис Панкарөс весавны кортөм гөсьтьясысь. Кад воис бөр восьтыны важ вежаинтьяссө, важ ортьяслысь ветланінтьяссө.

Лэптө шысө юр весьтас, сувтө карлань чужөмөн. Ёрсьө.

Войпель вокө, Ен Чур вокө, Енэж айө!
Вынсьөдөй вежөрөс! Чорзьөдөй кывйөс!
Мед тіраліс Девлетим бай! Мед весьөпөрис Девлетим войтыр!
Мед юр вежөрныс гудыртчис! Мед асланыс лов шыысь полісны!

Сатшка эзысь шыөс кар шөрас! Чукөста важ вокъясөс-ёртьясөс!

Весала вежаинтьясөс-оланінтьясөс съөд войтырысь, пемыд войтырысь!

¹ Вогиляс, вогуляс (маньси) — Урал-Из бердса войтыр. Пан кадгясө водзасисны Панкөд өтүв комиясөс Кристос эскөмө пыртөмлы. Степан Крап кадө комиаманьсиа усыласисны Яренск, Емдін, Чердін вылө, волісны Устюг да Вятка дорөдз. Сёрөнджык виисны Перымса епископ Питиримөс Помөс ю вылын. Сэсся Сибырө туй тасавлісны роч да коми казакъясысь, а бөрас накөд өтүв тышкасисны Сибырса тотаралы да мукөд войтырлы воча.

² Войпель — Төлысь мыгөрөн да ыджыд төлөн ветлысь важ коми мужичйен, дорйис-посйис комиясөс, отсавліс вөралысьяслы да туйө ветлысьяслы.

³ Кылдысь — комилөн Му выв олөм чужтысь нывбаба-ен, вөр-васа быд ловъя лолөс лелькуйтись-быдтысь. Шонді-ныв Зараньөс моз корсьөрө шулісны и Зарни аньён. Комиянь пырөма хант-маньсилы Калтась ним улын.

Сатшкө шысö муас. Кар шөрö кыптö югыд би сюръя. Кытысянькө энэжсяньыс йиркакывны заводитö гым-чард. Кылö көртөн көртö гальскөм, керасьом, овзөм-горзөм, важ олөмысь йөлаөн юралысь тыш шыяс. Карын ыпнитöны-өзйöны бияс. Котралö полошуйтчөм войтыр, йөз ву-джөръяс гылалöны стын вывсьянь, чепсасьöны-пышйöны карысь. Кар-сянь дыр на кылö ойзөм-горзөм.

Абу бур водзö тайö!
Тенгриным¹, Аллахным эновтисны миянös!
Сотасны карнымös! Вөтласны миянös Бичик Тураысь!
Ыджыд грөз локтö кысянькө кар выланым!
Мый нö тайö?!

Колö камгясös-тунгясös чукөртлыны!

Би сюръя кусö. Пан орт вошö. Пуксьö сап пемыд.

Мöд петкөдчөм

Сэн жö. Лун сьомös. Кар дорын йөз чукөр. На пövстын Девлетим бай Зейна нылыскөд, гөтыръясыскөд, багатуръясыскөд. Шөрас пукалö куим кам, зильганъяса маскааös да паськөмаös, бубеньясаös. Ставныс чöv олöны, мыйкө нускөмөн ноксьöны, лөсьöдчöны тунасьны-камавыны. Карлань матыстчöны Кучум да Маметкул. Кыкнанныс мича шөвк халатаös, кольквиж серьяса турунвиж ичигаös², руч да көин ку көлыса ёсь йыла шапкааös, боканыс саблясаös. Быдсөн дзир-далöны-югьялöны.

КУЧУМ. Мыйкө лөньюма карыс. Быттö кулöма. Эз-ö ло мыйкө? Некод оз горзы, оз баксыны мөсьяс, оз гөрдлыны вөвъяс, вузасысьяс оз чуксасыны, дорччысьяс оз камгыны...

МАМЕТКУЛ. Эз жö öд мунны кытчөкө? Кывсьö, Ермак-казак локтö миян вылö.

КУЧУМ. Кыдз локтас, сідз и мунас. Сылөн, шуöны, сюрсөн-джынийөн казак сөмын. А Девлетимлөн дас сюрс чукөрмас йög-раөн-маньсийөн³, дай аслас йөзыс тырмө.

МАМЕТКУЛ. Казымса да Кондаса маньси пö Ермак-казак дор сувтöма, дай миянлысь иштякъяснымös⁴ сийö чорыда повзьöдöма, пышгьялöмаös пармаас-тундраас, разöдчöмаös посни юяс вылас.

КУЧУМ. На кындзи на эмös миян дорыс. Менам, пиö, став Сибырыс то көн! *(Кабырсö шамыртлö.)* Дай сөмын на Казань-са ханлысь нывсö верös сайö босьтi. Казаньса хан, көть и ворсис Роч сарлы, отсалас и Кондасаös-Казымсаös кусыньтны, и рочьясös налыштны. Сэсся менам дум эм Девлетимлысь нывсö, Зейнаös, дас öтикөд гөтырөн босьтны. А та ыджда öтув выннад

¹ Тенгри — *тюркгяслөн Энэж-Ен.*

² Ичиг — *мича сера сапөг.*

³ Йögра — *тадзи комияс шулөмаös Из сайса войтырös, кызвыннас хантгясös да кутшöмсюрö яран рөдгяс, сэсся нимыс пырöма роч кывйö да, дас öкмысöд нэмсянь нимтыны кутöмаös сөмын хантгясös. А кызьöд нэмын — хантгясös да маньсийös ийтöмаös тайö ним улас — йögра войтыр, рөчөн кө — обские угры.*

⁴ Иштяк — *тотара ног тадз шуöны слуга-казакös. Тайö кывсяньыс и артмöма öстяк кыв. Водзын öстякнас нимтывлöмаös Сибырса тотара улын олысь войтырös (хант, селькуп, яран рөдгяс), сэсся XIX нэмсянь — сөмын хантгясös.*

ми быдөнös вермам. Рочыдлы öд гыж ыджда мутор кө сетам, ылькнитас виль войтырыд татчö ытва моз. Роч сарыдлы Сибырыд да Казаньыд голяас шашаритчöм кияс кодьöсь, сэсся и гримса да ,ухарасаяс отсыштасны. Ноко! Тонö тай кутшöмкö йöз вуджрасьö. Матыстчывлам.

Матыстчöны Девлетимьяслань.

О-о! Девлетим-вокö! Мый нö тан вöчанныд? Мый лоис? Мый йылысь тунавны-камавыны көсьяанныд?

Девлетим матыстчö на дорö. Зумыш. Сьöкыд думьяса. Дзигласьöны-киасьöны Кучумкöд, сэсся Маметкулкöд.

ДЕВЛЕТИМ. Войнас полошуйтис мяннös ёна. Сувтис биа сюръя кар шöрсянь енэжöдзыс. Зэв ыджыд тыш пансис енэжас. Керасисны асылöдзыс важөн мунлöм багатурьяс, важөн овлöм багатурьяс. Карас йöзыс весьöпöрисны: джын олысьыс, гашкö, шыбитчис крепосът стын вывсянь, кодкö йöймис, кодкö повзёмйивсьыс асьсö виис... От тöд, мый водзö, но абу бур тайö. Косья камьяслысь-туньяслысь юавны...

КУЧУМ (*шензьöмөн*). Аттö! Мый вöчсьö! Гашкö, вын локтö кутшöмкö? Гашкö, мянлы индöны еньяс, мый вермам Аллах да мян важ багатурьяс отсöгөн.

ДЕВЛЕТИМ. Йöзыс шуöны, эз мян багатурьяс вöвны, эз мян багатурьяс тышкасьны, эз мян багатурьяс вермыны. Кутшöмкö лазъя багатурьяс вермисны.

МАМЕТКУЛ. Мед туньяс-камьяс тунасясны-камаласны. Мед юасясны важ Тенгрилысь да видзысьясылысь. Тöдмалам, мыйсяма шемös да полошуйтчöм вöлi.

Камьяс камалöны, бергалöны бипур гөгөр, нöйтöны бубеньясас, нöйтчöны-шыбласьöны, сэсся усьöны эбöstöгныс. Камалiгкостiныс на гөгөр вуджрасьö Пан-орт: шенасьö да ыршасьö на вылö эзысь йыла шынас. Дырөн камьяс воöны ас садяс.

ДЕВЛЕТИМ ДА КУЧУМ (*матыстчöны на дорö*). Но? Мый Тенгри шуис? Мый вуджöрьясныд висьталiсны?

ÖТИ КАМ (*синсö дзебö*). Ме нинöм эг аддзыв... Мен нинöм эз висьтавыны...

МÖД КАМ. Локтас роч казак неыджыд вынөн, но ыджыд биа ньöвьясөн, пузувтас олöмнымös, виас уна йöзös, кисьтас Бичик Тура карнымös, Кучумлысь писö, Маметкулös аманатö босьтас. (*Улöдз копыртчö.*)

КУЧУМ (*кыскыштö саблясö*). Мый?! Юртö керышта татшöм сөрöмсьыд! Кодi вермас та ыджда вын венны?! Кодлы менам Маметкул пий сеччас?! Сыысь ён багатурыс да сыысь пельк жигитыс Сибыр пасьтасьыс оз сюр!

ДЕВЛЕТИМ (*кутыштö Кучумös сойбордйöдыс*). Энлы, Кучум вокö. Эн тэрмась. Мый коймöдыс шуас? Мый сылы воссис?

КОЙМÖД КАМ. Карыслөн важ көзяиныс, важ видзысьыс волiс. Шуис, мый карсö бөр босьтас аслыс. Сийös пö тан казь-

тывлыны кутасны, сійӧс пӧ тан вошйӧдны кутасны. Сылӧн рӧд-мӧм йылӧмыскӧд рочъяс кисьтасны Бичикнымӧс. Эн дӧзмы, Девлетим бай... Но рочъяс да саранъяс¹ уна ханӧс да байӧс виасны... Да и тэ тшӧтш... (Джӧмдӧ.) Олӧмас вошан... Уна миян багатур юрсӧ воштас...

КУЧУМ (Девлетимлы). Да мый тэ найӧс кывзан?! Асьныс повзӧмйивсьыс сӧрӧны! Асьныс весьӧпӧрӧмаӧсь!

ДЕВЛЕТИМ (аслас йӧзлы зумыша). Кӧрталӧй вӧвъяс костӧ тайӧ кыксӧ. Чашвартӧй нель пельӧ.

Мӧд да коймӧд камъясӧс кыскӧны да нуӧны. Кыскӧ дыр на кылӧ налӧн горзӧмыс.

Эг ми!.. Енъяс шуисны!.. Тенгри тадз шуис!.. Вуджӧръяс тадз шуисны!..

ЗЕЙНА (айыслань шыбитчӧ). Айӧ! Мыйысь?! Найӧ ӧд абу мыжаӧсь, мый каститчӧ нинӧм абуыс! Прӧстит найӧс! Он ӧмӧй аддзы, мый повзӧмаӧсь. Абу дивӧ татшӧм страститӧм-полошуйтӧм бӧрад.

ДЕВЛЕТИМ (малыштӧ юрӧдыс Зейна нывсӧ). Оз позь ылӧдчысьяссӧ жалитны. Сідз нин йӧзыс повзӧмаӧсь, а найӧ шуштӧмсӧ содтӧны да ыззӧдӧны на, родысьясӧс дзик нинӧмӧдз воштӧны. Полысылӧн кийс личалӧ, кок сӧныс лыжалӧ. (Бергӧдчӧ Кучума Маметкулалань.) Пырамӧй, туй выв гӧсьтъяс, дона гӧсьтъяс, ме ордӧ. Эз бура ло тӧянӧс паныдалӧмыс да, эн дивитӧй.

Ставныс мунӧны. Сӧмын Зейна кольччышглӧ недыр кезлӧ.

ЗЕЙНА (аслыс моз). Мыйла айӧ йӧз дорас татшӧм чорыд? Морт олӧм босьтӧ, быттьӧ кумыс пиала юӧ. Видзӧднысӧ, и менӧ быттьӧ радейтӧ-лелькуйтӧ, а радейтӧ вӧвсӧ моз, оз кӧ омӧльдзыка. Быттьӧ ме абу морт, а кутшӧмкӧ кывтӧм пемӧс. Сӧмын донысь нӧбӧм да дзик вештӧм дон пондаыс жаладдза видзантор. А сэсся сетас кодлыкӧ верӧс сайӧ. Вузалас. Оз юась, лов серти жӧникпуыс меным али абу, муса али абу... Ок, эськӧ миян ныв олӧмыд да! Кӧч бӧж кузя нимкодясьӧмыд да! (Видзӧдлӧ гӧгӧр. Дрӧгнитыштӧ.) Ой-ей... Дзик быттьӧ кыйӧдчӧ кодкӧ ме бӧрся... Зьвер ли, морт ли... Йӧзсьыс весьшӧрӧ кольччи... (Зэв тэрыба, посни воськолӧн котӧртӧ йӧзыс бӧрся.)

Кыскӧ быйкнитӧ ӧнӧдз тыдавтӧм Зыран-казак. Руд дӧрӧм-гача, кучик лазъя, козъянас кузь пуа чер-чекан, бокас вель ыджыд пурт. Зыран-казак шыбитчӧмӧн водӧ куст улӧ. Видзӧдласнас кольбӧдӧ мунысьясӧс, кынык-кынык мӧдӧдчывлӧ Зейна бӧрся. Сэсся друг быттьӧ сайкалӧ да чепӧсйӧ кытчӧкӧ бокӧ.

Коймӧд петкӧдчӧм

Пуяс пӧвстӧ саймовтчӧма казакъяслӧн бивак. Тшынтӧг сотчӧны бипуръяс. Лӧня вуджрасьӧны казакъяс. Кодкӧ сабля кеслӧ, кодкӧ пищаль лӧсьӧдӧ. Сылӧны «Рытъя, шу, войӧ, матушка» <йӧзкост горыс

¹ Саран — тадз Сибырса войтыр шуӧны комиясӧс (зыранъясӧс).

и кывъясыс меён шыльөдөм — О.У.>. Ссыланкывыйс юргө гораа,
Ермака-Зырана сёрнитигөн чинлө, кылө фон моз, сэсса бөр гораммыштө.

Рытъя, шу, войө, матушка, менө шогалін.
Асъя, шу, войө, матушка, сьокыда чужтін.
Лун шөр кадө, шу, матушка, караб эштөдін.
Рытсёр кадө, шу, матушка, чернеч¹ грузитін.

Асъя войө, шу, матушка, менө мөдөдін.
«Прощай, шу, прощай, вердөмөй», — помся шуалін.
Прощай эськө, шу, матушка, да ёртъяс колясны.
Самөй жө нин юръяснас ворсны петісны.

Пета, шу, тшөтшъя ёртъяскөд паськыд мореас,
Сөта, шу, сөта, матушка, лэчыд саблянас.
Виччысь менө, шу, матушка, куим-өкмыс во,
Виччысь нөшта куим час, ог кө другөн во.

Коркө, шу, бөрддзан, матушка, курыд синваён,
Көкан, шу, көкан, матушка, позтөм көкиньөн.
Пөртся, шу, пөртся, матушка, сөкөл-титсаө,
Пукся, шу, пукся, матушка, тэнад веж садйө.

Лэбзя, шу, пыра, матушка, восьса өшиньө,
Чышка, шу, борднам, матушка, курыд синватө.
Рытъя, шу, войө, матушка, менө шогалін,
Асъя, шу, войө, матушка, туйө мөдөдін.

Ермак ставсьыс бокын виччысьө кодөскө, кывзысьө. Мыш сайсянныс
гусьөник петө Зыран-казак.

ЗЫРАН-КАЗАК (*гусьөнмоз*). Но, атаман, локті.

ЕРМАК (*виччысьтөмысла весиг грөгнитыштө, бергөдчө
Зыран-казаклань да шпыньмунө.*) Вуджөрөн, шуан, ветлан? Вуджөр и эм. Кылөм ни төдөм. Турун сі оз вөрзышт, увтор оз тачнит. Но, мый висьталан бурсө? Мый аддзывлін? Мый казялін?

ЗЫРАН-КАЗАК (*висьтасьө зэв лабутнөя*). Вөлі Панкар дорын, тотара ног кө? Бичик Тура. Воя-луна коллялі сэн. Быдсяма чудесасө аддзывлі. Войнас кыптіс кар шөрас би сюръя, став карсө шызыөдіс: быдсөн стын вивсянныс йөзыс чеччалісны повзём-йивсьыс. И быттө тыш муніс көнкө зэв ылын да зэв вылын. Прамо енэжас-кымөрас. Быттө горзісны кодъяскө комиөн и маньсиён, йөгра кывйөн и тотара ног. Ачым тшук эг весьөпөр шемөссьыс. Кымынкө пернапас и чөвті. Аттө, и полошуйтыштіс!

ЕРМАК (*шпыннәлө*). Да тэ, Зыран-казакө, абү-ө узыөмыд кыйөдчөм пыддиыд? Он-ө войся вөттө висьтав? Би сюръяяс кутшөмкө... Енэжын тышъяс...

ЗЫРАН-КАЗАК (*зэв збыльысь*). Эг, Ермак-атаман. Узьсяс өмөй, кор кар гөгөрыс тотара шыркыйсьө? Збыль сідз вөлі. То, көть пернапас чөвта! (*Паськыда пернапасасьө.*) Асывнас петісны кар саяс, кыр йылө Девлетим бай гөтыръясыскөд, кипеля войтырыскөд, нылыскөд. (А нылыс байыдлөн... Ок, мича вөлөма! Прамо морөс пытшкөс пөсьөн койыштіс!) И куим тун петіс бубена, тыр тун паськөмаөсь, кам паськөмаөсь, сөмын зелякылөны

¹ Чернеч — груз новлан караб.

көртөн-ыргөнөн. Сэсса рытыввывсянь локтіс ыджыд тотара кельöб. Водзаныс кык озыр морт: бийяс ли, байяс ли, а гашкө и, сполной канъяс. Дзигласисны Девлетимкөд, вокъясөн öта-мөдсö шуисны ас ногыс. Сэсса и тунасыны кутісны тунъясыс. Вель кузя тунасисны. Сэсса, эштіс да, мыйкө «булга-балга-асисны», ас ногыс бызгисны. Эг бура велав: тотара кывтö лёка тöда, дай ылынкодъ наöдз вöлі. Локтöм каныс, пöрысыджыкыс керыштны көсйис öти тунöс, Девлетим эз лэдз. Сэсса бара мыйкө сёрнитісны да, ачыс кык тунöс вöвъясөн чашйыны тшөк-тіс. Но и лют оласногныс! Он жö, босът да, вöвъясөн чашйы?! (Аслыс моз.) А мый сэсса насянь босътан? Бусурман — бусурман и эм. Сэсса карланыс ставөн мунісны. Девлетим локтысьсö тшук эз миян ног, зыран ног *Ку-чомөн* ли, *Кутшөмөн* ли нимты... Но, а ме сэсса татчö, Ен отсөгөн...

ЕРМАК (*гумыштчö*). Кучум, шуан? Уна сыкөд локтысьыс вöлі?

ЗЫРАН-КАЗАК. Морт витсё, аманатъястöгыс¹.

ЕРМАК (*мыйкө бергöдлö юрас*). ...Да Девлетимлөн карас сюрс кымыныд эм. Унджык лоö... Менам и сюрсыс öні абу... Ковмас виччысылыны Кучумлысь мунöмсö, эз кө ыджыд могөн лок. Кывсьыліс, Казаньысь дасöд гöтырöс босътöма да, Девлетимлысь нывсö көсйö босътны дас öтиöднас. Паськөдчö, любай, Кучумыд: Сибырсö и Коммусö көсйö öти кийн кутны. Но, видзöдлам. Миянлы тэрмасыны некытчö, а мышкын сöмын сарлөн чиршöд-лöмыс.

ЗЫРАН-КАЗАК (*нюмъялö аслыс*). А Девлетимлөн нылыс мича! Ок, эськө аманатö босътны. Гусявны ли. Батыс, дерт, ме сайö бурөн оз сет-а. (*Ермакы.*) Но, Ермак, ог кө ков, сэсса муна.

Ермак шпыньмунö, тапнитö Зыран-казакöс пельпомас да вешйö казакъяслань. Ветлö, сёрнитö öти-мөдкөд. Зыран-казак вуджөр моз вошö пуяс сайö.

Нельöд петкөдчөм

Бичик Тура карын. Неыджыд биторъяс дзулалöны шатёр сяма кер-каясын. Лөнъ. Сöмын Девлетим байлөн ыджыд шатёр югыд биа, да гора сёрни сзсь кылö. Восьса шатёр öдзöсöд тыдалöны ляпкыдик пы-зан сайын юрлöсьяс вылын пукалысь Кучум, Маметкул, Девлетим да ещö некымын озыр морт. Пыранінас öтар-мөдарсяныс сулалöны Девлетимлөн видзысьяс. Вуджөртö-мыччысьö шатёр бокрын Зыран-казак. Кывзысьö.

ДЕВЛЕТИМ. Да-а. Эг тадз чайт дона гöсьтъясöс примитны. Буксанъясөн да кимвалъясөн эськө коліс... Лöз ной кок уланыд вольсалöмөн...

КУЧУМ. Шогмас и тадз. Ачым водзвывсö эг юöрт. Урус-казакод² матын көнкö да, мед ыстөм мортсö эз кут, мед туй эз потшны. Ыстывлі Ермакы воча некымынысь йöграöс да ас-

¹ Аманат — заложник, плён босътöм морт. Тшөкыда вөрöг öксыяслысь босът-лісны челядсьö, бöрас вежöм вылö либö ас öбичайн быдтöм вылö.

² Урус — тотара ног роч морт.

ссым йөзөс. Ставсө вермис, другө. Кутшөмкө биа ньөвйөн лый-сёны, да и сабянас өвтчөны оз ми вок ног, кызкө ас ногыс. Кутугай-мурзаөс ыстывлі вот чукөртны. Мыйкө нинөм оз кывсы сысянь. Некутшөм юөр абу. Дай вотсө оз ысты. (*Друг бергөдө сёрнисө.*) Кывзы, Девлетим вокө, ме өд могөн тэ дорө кежи. Эм тэнад нывъяс пөвстын өти: воддза волігас дзоля на вөлі, а өні арлыд вуджанвийын. Зэв ёна меным сьөлөм вылө воис...

ДЕВЛЕТИМ. Төда, код вылө видзөдасян. Зейналы дас көкъямыс тырис. Сійө и видзөд, пөрысьмас, эндас...

КУЧУМ (*сералө, тапкөдө Девлетимөс пельномас*). А-а. Тэысь нинөм он дзеб, вокө...

ЗЫРАН-КАЗАК (*гусьөник, вомгорулас*). Аттө, пөрысь кутш! Оз-ө менам ныв йылысь сёрнит?!

ДЕВЛЕТИМ (*шлопнитө ки пыдөсьяснас*). Ноко! Нывъяс! Зейна! Айда! Гажөдыштөй госьтъяссө!

Кодъяскө тыдавтөм ворсысьяс ворсөны сазъясөн да домраясөн. Зейна да нывъяс петөны госьтъяс водзө. Йөктөны, но Зейна оз зэв сьөлөмсяныс. Зыран-казак видзөдө дзебассяныс вомсө калькөдөмөн. Нывъяслөн да Зейналөн йөктыссьө. Госьтъяс ошкөны, акйөдлөны. Нывъяс саймовтчөны. Зейна вевттьө чужөмсө чышьянөн да чепөсйө ортсө, дзебсьө шатёр бокө Зыран-казаксянь неылын, сыркъяломөн бөрдө.

ДЕВЛЕТИМ (*Кучумлы зэв гөвөля тошсө шыльөдө*). Но, мый? Шогмө бур гөтыр вылө?

КУЧУМ. Ак! Бур нылөс быдтөмыд; и йөктө бура, и яндысьыс, и туша-мыгөрнас пелькиник!

ДЕВЛЕТИМ. Сөмын өд тэнад өкмыс гөтыр эм нин. Весиг Казаньса ханумөс босьтөмыд... Мед эськө Зейнаөс найө оз жө чиршөддыны ёна...

КУЧУМ. Оз. Ме первой кадсө Зейнатө Бичик Тураө кольла. Мед батыскөд орччөн олыштас, а сэсса виль кар сылы лэпта. (*Ышнясьыштөмөн.*) Либө босьта, кутшөмөс шуан. Нылыд ачыс ыджыд лоас сійө карас. Козинъясөн ог топөдчы, тэ менө төдан. Да и... рочъяслы воча кө ковмасны багатуръяс, ыста көть сюрс, көть дас сюрсөс. Да то... (*Пи вылас ингө.*) Маметкулөс войска водзас сувтөда! Кад нин сылы асьсө петкөддыны. Тырмас сэсса менам вөв бөжө кутчысьөмөн ветлыны.

Юргө «Труба, труба, му труба» сьыланкыв.

Труба, труба, му труба...
Трубасьыс пө тшын кайө,
Море вомөн туман пуксьө да.
Туманыс пө не туман.
Юсь-дзодзөгъяс лэбөны.
Юсь-дзодзөгъяс бөрсяныс да
Пөрысь-пөрысь кутш вөтчө.
Пөрысь-пөрысь кутш бөрся дай
Том жө и чикыш вөтчө.
Сійө чикышыс думыштас да
Пөрысь кутшөс пановтны.
Труба, труба, му труба.

Трубасьыс пö тшын кайö,
Море вомöн туман пуксьö да.
Туманыс пö не туман.

Витöд петкöдчöм

Ывлаын. Зыран-казак видзöдö бөрдысь Зейна вылö, оз тöд, мый вöч-ны... Сы мыш сайын сувтö Пан орт вуджör. Небыда инмöдчö Зыран-казаклы пельпомас. Зыран-казак крута бергöдчö, көсийö тшапкыны киöдыс, но киас нинöм оз шед. Адзö Пан ортöс.

ЗЫРАН-КАЗАК. О! Тэ нö код лоан? Быттö и зыран пась-кöма...

ПАН ОРТ. Абу зыран паськöма, а коми паськöма. Дзикöдз тай рочъяс дорад «зыранмöмьд». Комияс ми, комияс, зонмö.

ЗЫРАН-КАЗАК. Коми эськö да, велавсьöма нин тай «зыран-нөн» шуöмас. Весиг вогул да йöгра «саранөн» ми вокöс шуöны да... А тэ кодi лоан, да кытысь усин?

ПАН ОРТ (*шпыньмунö*). Менам öнiя Муö тэ дыр на он во: абу на тырöма ни шог пöртйид, ни шуд пöртйид. (*Коставлö. Гуся лачаөн.*) А Пан йывсьыс кывсьö на мыйкö Коми муас? Эз-ö вунöдны та дыранад?

ЗЫРАН-КАЗАК. Кывлi сы йылысь пöльсянь. Некрисът-языч-ник пö тай вöлöма во сёяс сайын, вичкояс соталöма, рочьяскöд вензьöма. Сэсся Из сайö вогульяскöд мунлöма.

ПАН ОРТ (*бара шпыньмунö*). Но вот, ме и эм сийö некрисът-язычникиыс. Сöмын комияс менö водзын вылöджык лэптывлiсны, менам енъяслы юрбитлiсны, кытчöдз Крап Степан Емва вылö эз пуксьы да тэ коддьöм, юда енма комиясыс менам пармаö эз локны. Но, да мый нин öнi сэсся керан? Олöмыс тай вежсьö-мунö, миянлысь оз юась. (*Аслыс моз.*) Да-а, кадыс тай визувтöма. Виль кадъяс пуксисны. Медтыкö коми рутö эн воштöй-а, юр-битöй, кодлы көсьянныд, Панпиян, Пан быдтасъяс. Ыджыд Ен-мыслөн нимыс уна. Ыджыд Енмыд дзоньнас некодлы оз пет-кöдчы. Ыджыд Енмöс кодзула Енэж сайöдны оз вермы. Ыджыд Енлы Муыд лыа чир ыджда. Мый нин сылы дженъид нэма мортыд...

ЗЫРАН-КАЗАК (*видзöдалö эскытöг, чуймö*). Тэ — Пан?! Мый нö тэныд кыксё саяс во öмöй? Сы дырасö öд оз овны!

ПАН ОРТ (*шпыньмунö*). Менам öнi во лыд ни арлыд абу... Кытчöдз казтыывлысьяс кольöны, сэтчöдз и овны кута. Сöмын тай то мый жугыльтö: менö вошйöданiнö мöд кывъя йöз пук-сисны. Юрбитöны асланыс енъяслы: кодi Алахлы, кодi Тенгри-лы, кодi Торумлы¹. А мен колö, мед Панкарын казтыывлiсны менсьым енъясöс, мед и менö накöд öтлаын вошйöдiсны. Со и көсья весавны ассьым карöс, Панкарöс тiян отсöгөн. Роч ка-закъяслы көсья отсыштны, да и тэ коддьöмыслы...

ЗЫРАН-КАЗАК (*мыйкö гөгөрвоыштö*). А-а! Гашкö, этайö би сюръясö тэ и кыпöдлiн, тэ и полошуйтчин да?!

ПАН ОРТ. Ме. Чуксалi Войпель вокöс, Ен-Чурöс, Гым-Чар-дöс, а полошуйтчисны менам вокъяс-ёртыяс, бур ортыяс-ву-

¹ Торум — йöгралөн Енэж-Ен.

джөръяс: важ коми багатыръяс, важ вогул матуръяс... (Нюмъ-ёвтö долыга.) А мый, шогмис видзöднысö-кывзынысö?!

ЗЫРАН-КАЗАК (воча нюмъёвтö). Ачым тшук эг весьöпөр. «Съвят-съвят-съвятаси» этша. Этша и юрбиті Иля пророкы и Микöла угодникы. А тэ, сідзкö, инасьтöм лов артман?

ПАН ОРТ. Мыйла инасьтöм? Индöма меным тиянлы тыдав-тöм Муын овны. Синмөн аддзытöм Муын. Сöмын колö, мед кодралісны-вошйöдісны тшöкыдджыка тэ коддьöмыс. Мед бур кывйөн казътывлісны. Оз кö вошйöдны, вын-эбösöй чинö, лов-нам уся. А вын-эбös кö чинö, и тиянлы Таладорас отсыштны ог вермы.

ЗЫРАН-КАЗАК. Ме сöмын ай-мамös вошйöдла пösь сёян дорö да кодрасян лунъясö...

ПАН ОРТ. Но вошйöд, вошйöд, меöдз öд волö жö вошйöдан руыс, бур кывйыс. Да-а, ай-мамыд, дерт, водзджык на тэнö эновтісны... А ме öд тэнад зэв нин пöрысь пöль лоа ордпу сертид. Тэ менам дас кыкöд тшупöда пöльöн шуысь.

ЗЫРАН-КАЗАК. Ме? Тэнад пöльöн шуысь? Аттö, дивö! Кывзы. А тэ öд абу кристианин. Кыдз ме тэнö верма Кристос водзын казътывлыны, Кристос водзын тэ вöсна юрбитны? Тэ öд (эн дивит, дерт), но артмö — некрисът, мöд енма морт. Тэ öд манастыръяс сотлін! Православнöйяскöд тышкасин!

ПАН ОРТ. Но, шуам, менсьым вежаинъясös Степан водзджык сотіс, менсьым енъясös водзджык кераліс. Сійö менам чös туй ылö биөн локтіс, эг ме сы дорö. Сійö менсьым войтырös ылöдіс. Мый меным колис вöчнысö? Эг кö кыпöдчы сэки, кыдзи аслам войтырлы синмас видзöді? Верми-ö батъяслысь, пöльяслысь видзысьяссö вузавны? Ассьым видзысьяссö? Эг, дерт.

ЗЫРАН-КАЗАК (шензыштöмönкодъ). Тэ серти артмö, мый ме комиясö вузалі? Но öд менам пöльяс, пöрысь пöльяс ставныс нин пыртчöмъясөн вöлісны. Но, дерт, тэысь да тэнад пиянысь кындзи... Нэм сайö нин ми Кристослы юрбитам. Нэм сайö нин православнöйяс. И ставным комияс.

ПАН ОРТ (нюмъялö). Эн зэвтчы. Сэсянь му вылас уна ва визувтіс. Чайтанныд, мый ыль Енлы юрбитны босьтчинныд дай асьныд ёна вежсинныд. Тайö сöмын му выв олöмыс вежласö. Тайö ті му вылас век на асланыд енъяснаныд вермасянныд, йöзсö юканныд. А Таладорас, менам öнiя оланінас абу сэтшöмыс. Тані Енмыс öтувъя. И быд ловлы вичмö му выв оласног кузяыс, ёна-ö мортыс лов сертиыс овліс. Кыдз тэнад Кристосыд шуліс? «Абу ни эллин, ни юда»...

А дзик нин кö менö вөрöгөн лыддян, казътыштлы, мый тэнад Кристосыд жö тшöктіс не сöмын матыссатö, но и вөрөгтö жалитны. И сы вöсна юрбитны, бур кывйөн казътывлыны. Да и кутшöм ме тэд вөрөг? Ме тэнад панасыд.

Ме кö эг вöv, и тэ эськö эн вöv. Тэ менам вужйысь, менам петас. И абу сöмын петас, а му выв олөмас менам мыгөрöй, яйсянь яйöй, вирсянь вирöй. Сідзкö, и öтувъя вирыд йылысь оз ков вунöдны. Тэ, кристиана моданад, эн сöмын менсьым мыжъясös Ен водзад казътывлы, но и олөмтö козьналомысь, кыдз ассьыд рөдительтö, аттьöав.

А ме тэ водзын уджайёзаён ог коль. Съёкыд здукё казытышт менё, век нин отсала.

ЗЫРАН-КАЗАК (*груг ызыё, кежё сёрнисъыс*). А отсышт меным Зейнаёс татысь гусявны...

ПАН ОРТ (*кёрсьыштё*). Он кё ачыд мусмы, кыз мусанас вёчан? Мустомкёд весиг кага оз чуж... Гусявнытё верма отсыштны, а мусмодны сылы ог вермы... Сійё сэсся дзик нин ас саяд...

ЗЫРАН-КАЗАК. Тэ отсав гусявнысё, а сэсся нин, дерт, ме сайын.

Зейна оз казав гуся сёрнитысьясёс, пуксьё, чышъян пельёснас синвасё косёдö. Кучум да Девлетим сёйёны-юёны, сёрнитёны олом-вылом йывсыс, ошйысёны вермомъяснас, озыруннас, вөвъяснас...

Квайтöд петкөдчөм

ЗЕЙНА (*Съылö «Ылын-ылын ю сайын виль слöбöда тыдалö»*).

Ылын-ылын ю сайын виль слöбöда тыдалö.
 Виль слöбöдаас сэні томиник дөва олö.
 Томиник дөваыслөн пö томиник жö ныв выйым.
 Сэтшөм мичаник нылыс да нинöкытöнi абу.
 Чужөм вылас вир ворсö, туша сылөн пелькиник.
 Сійö мичлуныс кузя ылö славаыс мунö.
 Эта славаыс кузя пöрысь сайö сетöны.
 Пöрысь сайö мунас да, пöрысь сійöс чиршöдлö.
 Бöрдас да и бöрдас да, чöлöй чышъян кöтасяс.
 Кильчö вылас петас да другыскöд паныд лöй.
 Другыслы зептас сюяс да: «Кыз тайö чышъян сiсьмас,
 Кыз чышъяныс сiсьмас да, сiдз менам съölөм косьмас».
 Старикыс пö да казьявлас, и куим вожа да плеть пыртас.
 А нöйтас пö да, нöйтас да, улич вылас и тойыштас.

Маметкул петö ывлаö. Видзöдлö енэжö, кывзысьыштö.

МАМЕТКУЛ. Кутшөм лөнъ ызгысь Казань бöрад... (*Сибöдчö Зейналань*). Зейна, сэсся айö тэнö гөтырөн көсийö босытны да, петан дай?

ЗЕЙНА (*жугыля*). А кытчö ме воштыся? Менам айöй вузалас, тэнад айыд ньобас. Ме öд сөмын айлөн лавкаын дона төвар. Менö оз юавны.

МАМЕТКУЛ (*пöся*). Менам айö öд вывтi жö нин пöрысь тэнлы вылö! Дай тэтöг сылөн гөтырыс тырмö. (*Косталыштö*.) А ме тэныд лов вылад воа-ог?

ЗЕЙНА (*синбöжалö Маметкулöс*). А мый торъя лов вылас воöмыс? Жигит — жигит и эм. Синма-пеля, киа-кока. Озыр паськөма. Пельк вöраса.

МАМЕТКУЛ (*пöся*). А тэ меным зэв ёна мусмин! Некор водзын эг аддзысьлöй, йöзсянныс сөмын кывлi тэ йылысь. А аддзи да, быттö чардөн швачкис юрсян кок улöдз. Гашкö, айясынкöд сёрнитла да, Девлетима-Кучума ме сайö тэнö сетасны? Айö, гашкö, оз пыксы, муса пиыслы тэнö сетас.

ЗЕЙНА (*бара синбөжалө Маметкулос. Гальскөмөн*). Танө, ещö өти купеч сюрис! Менсым юалін, ёна-ө көсья, мед Кучум доддысь Маметкул доддö шыбитісны? Дай айыдлы юрас кө пырöма аслыс гөтрасыны, меысь оз лэдзчысь.

МАМЕТКУЛ. Мый сылы тэысь?! Мый тэныд сыысь?! Пöрысь мортлы öд и гөтырыд пöрысь колö. (*Кутыштолө нылос пель-помодыс.*) А вай пышгьям мекöд! Айда! Тавой жö! Меным дыр эмбур чукöртны оз ков. Морт-мөдöс чукöста. Вöв дас торйöда, дай төвзям! А?!

ЗЕЙНА (*курыда шпыньмунö*). Тэкöд? Кытчö? Суödасны, кор-сясны быдлаысь. Кыкнаннымöс чаньяс костын косявласны. Эн öмöй аддзывлы, мый камгьясыскöд лоис. Чайтан, тэа-меаöс жалитасны? Оз.

МАМЕТКУЛ. Оз аддзыны. Муыс паськыд, Мунам Рочланьö либö асывывы сетчам, кытчöдз айölөн кийс оз судз. Лунвылö, кыргызгьяс дорö мунам, степö. Самаркандö мунам. Кытчö көсьян, сэтчö и мунам.

ЗЕЙНА (*гöзмөмөн*). Мун вай, нинөм абусö эн бызгы! Некытчö ог мун тэкöд. Тэ тані да öні озыр Кучум хан пи, а сэн тэ лоан некод. Пышгьялысь. Да ещö и сэтшöм жö пышгьялысь хан нывкöд. Уджавны тэ он куж, му ни овмöс абу, иштякгьяс абуюсь. Ковмас тэныд паськыд туй вылö петны, каравангьяс шышжавны, а ме шыш гөтырөн лоны ог көсйы.

МАМЕТКУЛ (*тшапкысьö Зейналы соскас, сингьясыс öзйöны, киргö*). Менам аслам йöз эмöсь айölөн иштякгьяс пöвстын! Мекöд мунасны. Нэмсö öд айölөн вöв бöжас кутчысьмөмөн ог котрав. Сэсса и нэмыс сылөн пома... Дыр олысь оз ло... Отсышта сылы тайö мусö эновтны... А сэсса став Сибырыс ме улö водас. Тэ сöмын ассыйд кывтö шу, а сэсса аддзывлан!

ЗЕЙНА. Мун, шуи, Маметкул! Сибыр водтöдысь! Кучум-хан кө кывлас... Мун! Тэтöг шог.

Нетшыштчö Маметкул кийсь, чепöсйö шатөрö да сэн саймовтчö кытчöкö.

МАМЕТКУЛ (*скöрысь*). Ладнö. Видзöдлам. Ме ног на лоас. Он кө Кучум пи сайö пет, Маметкул-хан сайö петан. (*Видзöг-лö друг шатёрлань. Повзыйштөмөн.*) Оз жö öд явит менö?! Аттö! Кывйыд пышйö мортыдлөн да... (*Такöдö асьсö.*) Оз. Оз явит. Абу сэтшöм.

Сизимöд петкөдчөм

ЗЫРАН-КАЗАК (*шемöса вомгорулас*). Аттö, кутшöм гудыр морт вölöма тайö Мөмөткулыс. Да öд айыд йылысь он жö тадз сёрнит! Грöзитчö тай нö айсö помавны. Но, бусурманыд, тыдалö, бусурман и эм.

ПАН ОРТ (*тувкнитö бокас Зыран-казаклы*). Эн жуйяв! Босыт Кучум писö аманатö, а ме синнысö вежа.

Зыран-казак быттö сайкалö, колскö Маметкуллы юрас, кляпалö, көрталö да вошö ськöд пемыдас.

ПАН ОРТ (*эзысь шы йывнас кытшён өвтчө юр весьтас, видзөдө вывлань*). Енэж Енмөй, роч енгясой, кад тиянлы ше-мөснытө петкөдлыны. Мед төдісны, кодынь видзчысьны да кодысь повны колө.

Зумкнитө шы воропнас муө. Кыськө кыптө югөр, югөрас мыччысьö ыджыд еджыд вичко мыгөр. Бувкнитөны ыджыд жыннаныяс, зильк-нитөны дзоля жыннаныяс. Юрөбтө вичко сылан «Богородице-дево, радуйся...». Кар шызьö. Вуджрасьöны да горзöны йөз. Йөктөны бияс. Девлетим шатёрысь чепөсьöны көзыева да гөсьгыяс. Вом паськөдөмөн видзөдөны вержитчысь еджыд вичко ылө.

ДЕВЛЕТИМ. Весьшөрө, тыдалө, камъястө вөвъяснад чашйим! Роч вичко нинөм абусыс оз мыччысь! Тайö мыйкө лоö на!

ЙӨЗ. Усяс миян карным Роч сар кок улө! Аллах мед видзас миянөс! Девлетим бай, верман-ө картө дорйыны?!

КУЧУМ. А-а-а! Шайтанлар!¹ Эн полөй! Тайö роч камъяс көсьöны тиянөс повзөдны. Роч шайтангыяс көсьöны тиянлысь сьөлөмгыастө тірзөдны! Некод на эз вермывалы миянлысь ба-гатургыасөс бөрлань косөдны! Некод на эз вермывалы миянлысь каргыас босьтны! Ермаклөн йөзыс оз тырмы веськыд тышө петны да, сійөн ассыс камъяссө-тунгыассө тшөктөма тунасьны!

ЗЕЙНА (*монөгчөма батыс дорө*). Мый нө тайö? Оз-ө Сибырö роч Ен лок? Оз-ө роч Ен Аллах ылын вынсө петкөдлы?

ДЕВЛЕТИМ (*Зейналы*). Ланьт! Аллахысь ылын некод абу. И Бичик Тура коляс миян, и Сибыр лоас миян кийн нэмсө! Кучум кодь верөсыдкөд повны тэныд нинөмысь.

Вичко вөляникись сылө-вошө. Шызьөмыс лөньыштө.

КУЧУМ (*Девлетимлы да Зейналы*). Нинөмысь эн и полөй. Асывводзнас мөдөдча Иртышлань, чукөрта вын, да асыным пе-тавам рочьяслы паныд. Аски татчө Кутугай-мурза воас, менам вот чукөртисьöй. Примитөй сійөс бура, кольөдөй Иртышлань. Сійө бур ыльторгыас ваяс. А көн нө Маметкул пий менам? Эз-ө юась-ни-висьтась мун кыгчөкө? Маметкул! Эгэй! Маметкул! Айда татчө! (*Кывзысьыштө*.)

ДЕВЛЕТИМ (*шпыньмунө*). Карсыс ылө оз вош... Менам Бичик Тураын мича аманаткаыд тырмө. Ылаліс, көнкө, код дорө кө, кутшөмкө сэтөр синма, сьод синкыма дорө.

КУЧУМ (*нюммунө жө*). Сэтшөмкодь эськө детинаөй да, «юмовтө» вывті нин радейтө... Мед сөмын оз ылав-а. Аски водз колө петны да, оз кө мунигкежлө лок, сытөг мөдөдча. Мед, колөкө, сүөдас.

ДЕВЛЕТИМ. Ыстам... Верма морт ветымынөс весиг сылы сетны, кольөднысө. Маньси мукөддырйиыс дурлывлө да, мед бур ставыс лоас. Мед оз дзерөдны.

Девлетим гөсьгыасыскөд пырө шатөрө.

¹ Шайтан — тотара ног мути; шайтанлар — мутияс.

МӖД ЮКӖН

КӖкъямысӖд петкӖдчӖм

Бичик Тура кар дорын. Кучум мунӖма нин. Кадыс рытторув. БуксӖны кыз гӖлӖсӖн буксанъяс, гӖрдӖлӖны вӖвъяс, горзӖны верблюдъяс. ШызьӖма карса и воӖм войтыр. ЛоктӖ КучумлӖн вот чукӖртысь, мурза Кутугай. Воча петӖ Девлетим бай аслас йӖзыскӖд. Кутугайлы кок улас вольсалӖны лӖз ной.

ДЕВЛЕТИМ (*голыга*). ЛоктӖй, локтӖй бур юӖр вайысьяс, ылі муысь воысьяс! Китайса тшай юам. Персияса вольӖс вылын пукалам. Бур сӖрнияс сӖрнитам. СӖмын на Кучум ханӖс кол-льӖдӖ...

КУТУГАЙ (*зэв жӖ голыга*). Кузь туйтӖ вуджӖм бӖрын ставыс ина, ставыс шань да бур. ВерблюдъясӖс да вӖвъясӖс кытчӖкӖ иналӖй. Таво вотыс уна чукӖрмис. Кучум ханлы долыд лоӖ. Дай асьным кутшӖмсюрӖ тӖваръяс вайим йӖз муясысь. Эм мыйӖн дона кӖзыеваӖс козынавны.

ЧолӖмасьӖны, кутчысьлӖны. МӖдӖдчӖны карлань. Воротаяс гурйив восьсайсӖ. ЙӖз гудырын жуӖны тотара паськӖма казакъяс. КутшӖмкӖ здукӖ косьӖбтӖны пищальяс. Девлетим да сыкӖд орчча гоз-мӖд морт усьӖны. Казакъяс шыбитӖны кольчугаа дӖрӖмъяс вывсьыныс тотара халатъяс да уськӖдчӖны КутугайлӖн да ДевлетимлӖн йӖз вылӖ. ШӖйӖ-вошӖм тотара водзсасьнысӖ прамӖя оз убӖлитны, чепӖсйӖны восьса вороталань. НалӖн пельпомъяс вылын казакъяс пырӖны карӖ, кытысь недыр кылӖны на кӖрта кӖртӖ гальскӖм, пищальяс лыйсьӖм, горзӖм. Сэсся ставыс лӖньӖ. Ермак, Зыран-казак да мукӖд казакъяс петӖны карысь. Гез йылысь кыскӖны КутугайӖс да некымын тотаринӖс. Зыран-казак сойбордйӖдыс кутӖ ЗейнаӖс. Зейна кымыныськӖ тракнитчывлӖ, но зонлӖн кабырысь мынтӖдчыны оз вермы.

ЕРМАК (*Кутугайлы шпыннялӖмӖн*). Уна чукӖртӖмыд воттӖ. Озыр йӖз, тыдалӖ, Кучум муясын олӖны.

КУТУГАЙ (*скӖрысь*). Озырлуныд мый да, Кучумлысь вынсӖ на эн аддзывлӖй. ПеткӖдлас тӖяны пуж, он кӖ пырысьтӖм-пыр лӖдзӖй менӖ вотнас водзӖ мунны. Кучум хан татшӖмтортӖ водзӖстӖг оз коль. Вужвыяныд бырӖдас.

ЗЫРАН-КАЗАК (*Зейналы*). Эн чепсась! ТӖда, мый тӖнӖ кӖс-йысисны Кучумлы дас ӖтикӖд гӖтырӖн. Абу ӖмӖй забеднӖ дас ӖтикӖднас лоны? Да ещӖ сӗтшӖм пӖрысь сайӖ, нелямын арӖса старик сайӖ мунан! (*Зэв сьӖлӖмсяныс.*) Вот ме сайӖ кӖ верӖс сайӖ петан, дзик Ӗтка гӖтырӖн лоан. СӖмын тӖныд став муслунӖй кутас сюрны.

ЗЕЙНА (*бужжыльтчывлӖ*). Кучум эськӖ и аслым абу лов серти, да сӖмын морт моз корасис, айӖ кийсь менӖ босьтны кӖсийс, дона козинъяс сетӖс. А тӗ кыдзи? АйӖс виинныд да, менӖ аманаткаӖн тшапкин? Ог вермы ме тӖныд гӖтырӖн лоны, мырдӖн босьтӖм пӖлӖнянкаӖн сӖмын. Домйив понйӖн. Утшыса¹ чаньӖн.

¹ Утшыс — гортса пемӖсъяслы йӖрӖ пырӖмысь голяас ӖшӖдӖм пу колодкаяс; пышгялысь вӖвгяслысь утшысавлӖны кокгяссӖ, мед йирсянінысь ылӖ оз мунны.

ЗЫРАН-КАЗАК. Но, айтö, шуам, эг ме помав. Пищальыд тай нимтö оз юась: кодi пуля шöрас веськöдчас, сылы и инмö. Ме кö эськö и айтö аманатö босьтi, да со эз артмы... Сыысь эськö роч сар зарни-эзысьон тыртiс юрйивсянь кок улöдз.

КУТУГАЙ (*Ермакы скöрысь*). Но! Лэдзан он?! Овны кö быттö кöсьян...

ЕРМАК (*сералö, тапйöглö Кутугайöс мышкас*). Лэдза, лэдза. Да ог öтнадтö, а Кучум быдтаскöд. Сöмын дона гöсьтьястö куш киön оз колльöдлыны, дона козинъяс сета кыкнанныдлы. А öнi пуксьывлöй миян пызан сайö, бур винаön юктала, бур сёянön верда.

КУТУГАЙ (*чуймö*). Кутшöм Кучум быдтас?

ЕРМАК. Маметкулсö вайöдöй татчö. Да эн зутшйöдлöй сэтшöма: кан пи öд век жö! Мед миян гöсьтөн лоас. Сэсся лöсьöдöй кыкнанныслы бур козинъяс.

Вайöдöны скöр Маметкулöс. Паськöдöны Персияса ковёр вылö пызандöра, шыблалöны пуклöс туйö юрлöсьяс. Пуксьöдöны пызан сайö. Кутугайöс да Маметкулöс пасьтöдöны мича сера шöк роч дөрöмьясөн, руч ку дөрöса роч шапкаяс пасьтöдöны, сетöны гöрд азямьяс. Аманатъяс вочасөн такалыштöны. Ставön сёйöны-юöны.

ЕРМАК. Ёртъяс-вокъяс, ноко, пищальяснад волöй татчö! (*Гöсьтьяслы.*) Видзöдлöй миян öружье вылö да, гашкö, думыштчанныд; колö-ö миянлы сэтшöма грöзитнысö. Гашкö, карас эн бура гөгöрвоёй, мыйысь ёртъясныд усисны.

Сюръяс вылö öшлöны тотараяслысь щитъяс. Вит пищала морт öтпырйö сувтöны да лыйöны. Тшын разалöм мысти гöсьтьяслы петкöдлöны ыджыд розьяса щитъяссö. Гöсьтьяс дыр видзöдалöны, гөгöрбок бергöдлөмön, акйöдлөмön.

ЕРМАК (*шешъялö*). Но? Шогмöны миян биа ньöвъясным?

КУТУГАЙ да МАМЕТКУЛ (*видзöдлöны синнысö чашкöдöмön öта-мöг вылас да öтпырйö горöдчöны*). Шайтан-бедь! Чардбиön швачкö!

Гöсьтьяссö такöдöны. Ставön гөститчöны. Сёйöны-юöны, сьылöны-йöктöны.

ЕРМАК (*чеччö пызан сайысь*). Но, сэсся вöтлыны абу лöсьыд, а колö и туйö тiянöс мöдöдны. (*Казакъяслы.*) Вокъяс, медмича паськөмсö да морт öти сабляön көрталöй вöвъясылы мышыланыс. Мед и гöсьтьяслы, и Кучум ханлы бур гөснечьяс лоисны.

КУТУГАЙ (*ышнясьöмön, казакъяслы*). Да Кучумлысь вотсö эн вунöдöй бөр сөвтны.

МАМЕТКУЛ (*Ермакы*). А Зейнасö мый он лöсьöд миянкöд мунны?! Сийö öд айöлөн гөтырпу. (*Аслыс.*) Сетас кö Зейнасö, эськö öнi и позяс пышйöдны. Ныма меным гөтыр лоас.

ЕРМАК (*бергöдчö гöсьтьяслань*). Кутугайön чукöртöм воттö ковмас кольны миянлы. Бөр коркö сьöрысь нуам Роч муö. А Зейнаыд абу нин Кучумлөн гөтырпу. Сийö Зыран-казаклөн

аманатка. Мед ачыс Кучум локтас да корас, но, чайта, Зыран-казакад оз сет. (Шпыннялө.)

Броткысь гөсьтъясөс колльөдöны. Пызан сайö колёны Зыран-казак да Зейна.

Öкмысöд петкөдчöм

Кытысянькö юргö «Эжва ю кузя» мотива сьыланкыв, сöмын ю нимсö вежöма Тура вылö да ныв нимсö Зейна вылö.

Тура ю кузя, гылыд гы вывтi
Лэбзьö ыджыд пыж да еджыд паруса.
Пыжас пукалö дас вит удал зон.
Öти зон кындзи ставныс гажабсь.
Найö сьылöны дас нель гөлөсөн.
Найö ворсöны куим гудөкөн.
Öти бурлак зон мича чужöма
Арся кымөр моз ваас видзöдö.
Юрсö лэдзöма, оз и лэптывлы,
Вомсö тупкöма, оз и восьтывлы.
«Мыйла, бурлак зон, сiдзи жуглясян?
Мыйла ёртъяскöд тшöтш он гажöдчы?»
«Муса вокъясöй, энöй дивитöй,
Ёна ме вылö энö лөгасьöй,
Босьтöй ки-кокöд менö коньөрөс,
Чөвтöй ва пиас да джуджыд кыркötшас.
Эг кө мусмы ме мича Зейналы,
Овны му вылын меным нинöмла».

ЗЫРАН-КАЗАК. Но мый, петан ме сайö?

ЗЕЙНА. Кыдз ме верма тэ сайö петны, вöльнöй морт сайö, ачым кө аманатка? Аманатъяслөн көсийöмъяс вылö оз видзöд-лыны. Аманаткаясöс пемöсьяс туйö видзöны, наён кипельөн моз вöдитчöны.

ЗЫРАН-КАЗАК. Сийö тiян рöдыд аманатъястö пемöс туйö видзö, а ме тэнö верöс сайö кора. Да, тiян весиг кантъяслөн да байяслөн гöтыръясыс кывтöм пемöсьяс кодбось. То, ачыд видзöд: локтiс Кучум, айыдлысь тэнö корис тöвар моз, айыд тöварöс моз сетiс. Эз юав тэнсьыд: көсьян-ö Кучум саяс верöс сайö, муса-ö тэныд Кучумыс... Сiдз жö, кывлi да, Маметкул тэнö айыслысь «ньюбны» ли, гусявны ли көсийис. А миян комияслөн мöд ног: муса ныв-зон öтлаасьöны, муслун найöс йитö. Сэсся олöны гозйөн, ставсö öтув вöчöны, сёрнитчöмөн, öта-мöдлысь кывзöмөн. Гöтырыд — верöслы пöв, гозъяыд — гоз. А тэ кө Кучум саяд верöс сайö петiн, дас öтикöд гöтырөн, кодлы гозйөн эськö лоин? Öтка жугыльыдлы? Тэныд көсийысьöм карыдлы? Кучумлөн көнкö шодлысь вуджөрлы? Эн на öмöй гөгөрво, мый Кучумыд асывнас пышйис, тэнö эновтiс ю шөрö öткөн кывтны. Сёрөнджык көсийис локны ыджыд вынөн-грöзөн... Кодöс мездыны да дорйыны? Тэнö? Эз. Ассьыс муяссö дорйыны, Сибырса аслас муяс дорö айыдлысь, Девлетимлысь, муяссö содтыны.

ЗЕЙНА (ышловзьö). Гашкö и, тэ ног да... Ме тiянлысь олас-ногтö ог тöд, да и Бичик Тураысь ылö эг петавлы... Мусö-васö эг аддзывлы. Рочъяс йылысь тöда сöмын гортса сёрнияс серти.

ЗЫРАН-КАЗАК. Ме абу роч, ме коми. Ті Бичик Тураён өні шуанныд, а водзын өд тан важ коми кар вөліс — Панкар. Век на комияс тайё кырсо Панкарён нимтёны, а маньси — Пан пугорён дай. Овліс тані комияслён ыджыд морт, ыджыд кам, вежавидзисны сы водзын, Панён шуисны. А рочьяс Пан-сот-никён нимтісны. Мөд нэм нин мөдарьюгыдас оло, но көсйысис босьтны карсо бөр, мед сійөс казтывлісны, мед сылысь енъяс-со да сійөс тан вошйөдісны.

ЗЕЙНА. А тэ кытысь төдан, кыксё во кө нин сійө абу? Ме Бичик Тураын дас көкъямыс во ола, и то эг кывлы нинөм Пан йывсыс. Дай айөй нинөм сы йылысь эз гаравлы...

ЗЫРАН-КАЗАК. Сійө эськө Мөд муын оло, орчча Муын, но Панкарсыс ылө оз вешйы, воывлө видлыны. Төрыт аддзысь-лім Пан ортыскөд, төрыт сёрнитім, сійө и индіс, кыз Мамет-кулөс гусявны, кытысь тэнө корсьны, мед ёртъясөй тэныд нинөм лёксө эз удитны вөчны. Да и өні сійө орччөн.

ЗЕЙНА (*йөжгьльтчө, вугзөдасьө гөгөр*). Көні?

Мыччысьө Пан орт, сувтө ныла-зонма мышкө, пуктө кияссө пельпом выланыс, топөдыштө өта-мөд дорас.

ЗЕЙНА (*грөгнитө*). Ок! Кодкө быттё кисө пуктіс пельпом вылө... Тэ дорө топөдіс...

ЗЫРАН-КАЗАК. И меным пуктіс... Аддзан: бурсиис-йитіс мия-нөс... Ачыс Паныс...

Зарни-гөрд кыа рөма югөр усьө-разалө Пан ортсынь ныла-зонма вылө да на гөгөр. Зейна да Зыран-казак вөтын моз нёровтёны юрьяснысө өта-мөдланыс. Кыа кытш кольө на гөгөр. Пан орт ньөжйөник сылө-вошө. Ылын кылө «Круг пытшкын» сьыланкыв.

Круг пытшкын мича ныв,
Мича ныв гөгөр лёк войтыр.
Мича ныв гөгөр лёк войтыр.
Мича нывлөн ай локтө.
«Айөй пө, муса ай, менө этатысь вешты».
«Нылөй пө, муса ныв, мыйөн нө тэ вештысян?
Мыйөн нө тэ вештысян?
Руч шапка дон он сулов».

Круг пытшкын мича ныв,
Мича ныв гөгөр лёк войтыр.
Мича ныв гөгөр лёк войтыр.
Мича нывлөн мам локтө.
«Мамөй пө, муса мам, менө этатысь вешты».
«Нылөй пө, муса ныв, мыйөн нө тэ вештысян?
Мыйөн нө тэ вештысян?
Шөк платтё дон он сулов».

Круг пытшкын мича ныв,
Мича ныв гөгөр лёк войтыр.
Мича ныв гөгөр лёк войтыр.
Мича нывлөн вок локтө.
«Вокөй пө, муса вок, менө этатысь вешты».
«Чөйөй пө, муса чой, мыйөн нө тэ вештысян?

Мыйон нө тэ вештысян?
Роч кепысь дон он сулов».

Круг пытшкын мича ныв,
Мича ныв гөгөр лёк войтыр.
Мича ныв гөгөр лёк войтыр.
Мича нывлөн чой локтё.
«Чойой пё, муса чой, менё этатысь вешты».
«Чойой пё, муса чой, мыйон но тэ вештысян?
Мыйон нө тэ вештысян?
Роч чышъян дон он сулов».

Круг пытшкын мича ныв,
Мича ныв гөгөр лёк войтыр.
Мича ныв гөгөр лёк войтыр.
Мича нывлөн зон локтё.
«Зонмой пё, муса зон, менё этатысь вешты».
«Нылёй пё, муса ныв, öнi ме тэнö босьта».
Круг пытшкысь петісны, кутчысисны, мунісны.
Кутчысисны, мунісны, гажа кёлысь ворсісны.

Дасёд петкөдчөм

Иртыша-Тобола сёльнитчанинын дітор. Иртыш кыр йылын Кучумлөн стан: шатёръяс, юргаяс, чомъяс. Кучум пукалө шатёр водзас зумыш, видзёдө ді гөгөр ворсысь гыяс вылө.

КУЧУМ. Эз во Маметкул... И Девлетим байсянь юөр абу... Эз-ö ло мыйкө Бичик Тураас? Абу колёма мунны. Менам витсё мортыд эськө сэн шогмисны, роч казакъяс кө быттё уськөд-чисны. А мөдар боксянь кө, ог бура төд, уна-ö Ермаклөн мортыс. Колөкө некымын сюрс нин... Маньси сы дорö уна сувтіс. Йöгра князьяс кодсюрö сы ки улын жö... (*Курыда.*) Быттё омöля налы мынтыси, быттё этша налы вештивлі. Кутшөмкө роч шойдан-никлы сетчисны. Роч рөзбойниклы.

Кылө вөв кок шы. Вель уна верзёма локтё. Вөвъяс сувтöны, гөрдлöны. Кучум дорö мышсяньыс матыстчöны Кутугай да Маметкул.

КУЧУМ (*бергөдчывлытöг, быттё веськөдлырысь*). Этша вөв кок шы кылө. Лыда морт локтіс. Но?! Иштякъястө кытчö колин-ныд? Кутшөм юөр вайинныд?

МАМЕТКУЛ. Эг ёна бурөс...

КУЧУМ. Девлетим-байыс мый шуö?

МАМЕТКУЛ. Нинөм нин оз шу Девлетим-бай. Лыйисны шай-тан-беддъысь. Гуалісны Бичик Тура шөрö.

КУЧУМ. Зейнасö вайинныд?

МАМЕТКУЛ. Зыран-казак Зейнатö аманаткаөн босытіс. Эз сетны.

КУЧУМ. Бичик Тураыс?

КУТУГАЙ. Ермак кийн.

КУЧУМ (*лöня*). А, и тэ тан, Кутугай. Воттö вайин?

КУТУГАЙ (*юрсö öшөдөмөн*). Казакъяс мыррдисны.

КУЧУМ (*пукаланинысь друг чеччыштö, чужöмыс вежсьö лё-кысла, кыскыштö саблясö*). А ті көні вөлінныд?! Көн вөлісны тіян багатуръясныд?! Али Ермакыслөн войскаыс уна сюрса?

Али менам йӱзлӱн киясныс лигышмунисны?! Али саблясныд
ныжмисны?! Керала ставнытӱ!

**Кучум шенасьӱ, но Маметкул да Кутугай вешъялӱны сылӱн сабля
улысь. Кучум скӱрысь шыбитӱ саблясӱ муас.**

Тэсянь, Маметкул-пиӱ, ме татшӱмтортӱ дзик эг виччысь. А
ӱд кутшӱм лача тэ вылӱ кутӱ...

МАМЕТКУЛ. Миян дорысь казакыс ӱна этша вӱлис, но налӱн
гымалысь-чардалысь шайтан-бедьяс эмӱсь. Дай ылӱдлӱмӱн пы-
рисны карас. Миян паськӱмӱн, миян мышы вылын.

КУЧУМ (*жлеча*). А ассыныс паськӱмнысӱ, аддза: тӱянлы се-
тӱмаӱсь... Тыдалӱ, вӱлис, мыйысь козынавнысӱ...

КУТУГАЙ (*дзик быттьӱ не местаӱ*). И тэныд дона козинъ-
яс ыстисны, бӱр мунны кӱсийсны Рочас.

КУЧУМ. Некытӱ найӱ оз мунны. Волисны кӱ ӱтчид, воласны
и мӱдысь. Дай унджыкӱн на. Девлетим-бай вылӱ лача кутӱ. Тӱян
вылӱ надейтчи. Некод вылӱ мыджсыны вӱлӱм оз позы! Весиг
муса пийӱ вузалӱма. Роч паськӱм вылӱ ышмӱма.

МАМЕТКУЛ (*чуньнас ингӱ ги вылӱ, горӱдчӱ*). А тайӱ нӱ мый
дӱ вылас вӱчсьӱ?! Тобол вомас?!

**Кыр йылӱ котӱрӱн чукӱртчӱны тотараяс: камъяс-тунъяс, багатуръяс
да мукӱд... Иртышӱ Тобол усянӱнса дӱ вылас петӱны кык ыджыд
звер. Иртышысь — еджыд кӱйн кодъ, Тоболысь — сьӱд пон манера.
Недыр эралӱны, бергалӱны ӱта-мӱд гӱгӱрыс, сӱсся уськӱдчӱны пур-
ссыны. Сьӱд пон кодъ зверыс зырӱ еджыд кӱйн кодъсӱ. Еджыд
кӱйныс усьӱ Иртышӱ, кулӱ да кыдалӱ. Сьӱд понйыс, ӱна жӱ пурӱм,
омлӱвтӱ да ачыс пырӱ Тобол визулӱ. Измӱм йӱз чӱла видзӱдӱны пур-
сьюмсӱ. Зверьяс вошӱм бӱрын ставӱн ыджыда ышловзӱны.**

КАМЪЯС. Абу бур водзӱ тайӱ. Эштас тэнад власьтыд, Кучум
кан. Роч пон виас сибырса кӱйнос. Роч казак вермас миянӱс,
лӱдзас Иртыш нбылыд миянлысь шойяснымӱс.

КУЧУМ (*скӱрысь горӱдчӱ*). Ланьтӱй, выживъясь! (*Тотаралы.*)
Босьтӱй найӱс! Керыштӱй юрнысӱ ставныслысь! Дай Кутугай-
сӱ босьтӱй! Нинӱмла меным татшӱм вот перйысьыд. Эм на ме-
нам та кындзи мурзаяс! Керала ставнытӱ, шайтан йылӱмӱс!

**Тотараяс уськӱдчӱны камъяс вылӱ, кыскӱны найӱс да Кутугайӱс
кытӱкӱ, горзӱм-корӱм выланыс видзӱдтӱг.**

КУЧУМ (*Маметкулы*). Ноко, Маметкул-пиӱ, чукӱрт ставсӱ,
кодӱс верман. Ме водзын уджйӱзтӱ вештыны ковмас. Чайта,
Ермак матын нин. Колӱ сийӱс водзавны, сылы туйсӱ потшны.
Мед быд кыркӱтшын, быд лыа бӱжын сулалисны ньӱввужъя
йӱз. Мед быд чукыль сайысь, быд куръяысь сылы воча петӱс
сӱ пыжа. Мед быд сувтланӱнын, быд войколын паныдалӱс сийӱс
сюрс вӱла. Тэ Иртыш шуйгаладорӱдыс лӱччы, ме веськыдла-
дорӱдыс. Босьтам роч казакъясӱ шыран костӱ, шырыштам ни-
гӱнӱс моз. Ермак-атаманӱс, вочааланныд кӱ, казьясӱн¹ кутӱй.

¹ Казь — пӱтка либӱ дона куа пемӱс кыян тыв.

Видзоддыны көсья, мыйсяма роч атаман. Видзоддыны көсья, кодї менсьым иштякъясөс весьөпөртөма. А оз кө сетчы, кералой!

Дас өтикөд петкөдчөм

Ермак казакъясыскөд сулалө Иртышө Тобол усянінын. Орччөн, неуна бөрынджык сулалөны Зыран-казак да Зейна. Зейна — кольчугаа, бокас сабля өшалө, шуйга киас гөгрөс неыджыд щит.

ЕРМАК *(аслыс)*. Кыла, гөгөр кытшалісны. Морт менам сө кызы сөмын колис. А йөгра-тотараыс некымын сюрс. *(Зыран-казаклысь, юрсө бергөдлытөг.)* Уна-ө, шуан стөчасө?

ЗЫРАН-КАЗАК *(зэв ярскөба)*. Сюрсөн-джынийөн Иртыша-Тобола костас. Улас, Иртыш шуйгаладорас — сюрс гөгөр. Веськыдладорас — сюрс сайө. Ді вылас пыжаяс сө вит-ө-квайт. Тобол паныдыс Кучумлөн вогульяс да йөгра... Стөчасө ог төд, но морт нельсө гөгөр лоас.

ЕРМАК. Унакодь. Кыдзкө колө миянлы петны Иртыш вылас ді горулас. Мышсянныс вартны.

Зыран-казаккөд орччөн мыччысьө Пан орт.

ПАН ОРТ *(Зыран-казаклы)*. Ме бөрся оз мунны, а тэ, пиө, шу, мый Ен мам нуөдас, Богородича, тиян ног кө. А ме Зарань-чойөс корла. *(Нимкыв чөвтө.)*

Зарань-чойө, зарни чойө,
Асья кыанас чеччысьөй, рытъя кыанас лэччысьөй,
Чойсянь чойө чеччалысьөй, юсянь юө ветлөдлысьөй,
Менам быдтаслы отсав, сылөн ёртъяслы отсав,
Роч казаклы, коми казаклы, маньси матурлы, чуваш патарлы —
Став Бичик-Тура мездысьлы, став Панкар мездысьлы.
Весав вежа карөс, Войпель вежаинсө, коми енъяслысь вежаинсө.

Пан орткөд орччөн ру моз кыптө Зарань, шытөг-сёрнитөг петө Ермак водзө.

ЗЫРАН-КАЗАК. Ен мам нуөдас. Богородича петкөдас.

ЕРМАК *(шемөс)*. Богородича?!..

КАЗАКЪЯС, ЙӨГРА, ВОГУЛЬЯС *(шемөс ставныс ас ногыс)*. Богородича! Ен мам! Сорни най! Сорни эква! Зарань!

Зарань нёжйөник, быттьө кывтө, мөдөдчө водзө. Казакъяс вөтын моз мунөны сы бөрся. Гөгөр ру пуксьө. Сөмын зарни паськөма Зарань да казакъяслөн мыгөръясыс мыччысьлөны ру пиысь. Сэсся Зарань вошө. Ставнас руалө. Ру пиысь кылөны горзөм, көртөн көртө зяткөм, тыш шыяс. Руысь быйкнитө Ермак.

ЕРМАК *(чашйө вылысьыс көрт дөрөмъяссө, но оз вермы пөрччынысө)*. Эк! Роч сарлөн козиныс, кык пөвстөн дөрөмыс сьөкыджык вөлөма! Пыдөсас кыскө! *(Горзө кытчөкө руас.)* Эн сетчөй, вокъяс!

ГӨЛӨСЪЯС. Огө, Ермак-атаман! Кутчысь, атаман! Варччы талань!

Ермак пырө руас ваё моз да вöйö. Руысь мыччысьлө Маметкуллөн мыгöрыс. Сйöс казакъяс кыйöны казьöн, көрталöны да кыскöны ру пиас.

КУЧУМ (*кытысянькө горöдчывлө*). Ма-мееет-кууул! Пиукö-öй! (*Кылö ылыстчысь вöв кок шы. Кучумлөн горöдчöмыс йöлаөн сылö*). Ме тэнö мезда, Маметку-у-у-ул....

Сэсса ставыс лөнбö. Ру сылö. Сцена вылын Зыран-казака-Зейнаа пукалöны орчöн. Мудзöсь. Пöсялöмась. Ловсö вежöны. Видзöдлöны öта-мöд вылас.

ЗЫРАН-КАЗАК (*гзигöдыштö Зейнаöс*). Эг чайт, мый тадзи саблянад öвтчыны кужан.

ЗЕЙНА (*топöдчыштö Зыран-казак бергö*). Да и тэ, видзöда, чекана киөн чужлöмьд.

ЗЫРАН-КАЗАК. Чекантö ме Ермак дорын нин босьтi, а чернад-пуртнад и збыль ми, став коми быдтасыс, чужам. (*Кост. Бергöдчö гөгөр, чеччыштö.*) А көн нö Ермак-атаманным?!

ЗЕЙНА (*шызыыштöмөн*). Бөръяыссьö аддзывлi пыжлань келысьөн. Роч канлөн татшöм повтöм да вежöра багатур-мурза да, эз жö öд вöй?

ЗЫРАН-КАЗАК. Ен мед видзас!

Мышсяньныс чöла петö Пан орт.

ПАН ОРТ. Вöйис... Сарлөн милöсьтыд сьöкыджык лоöма. Сарөн козьналöм көрт дөрöмъясыс тыв кебöдөн¹ Иртыш пыдöсас кыскисны.

ЗЫРАН-КАЗАК да ЗЕЙНА. Вöйис?!

ПАН ОРТ. Вöйис... (*Бытьö мыйкö казъывлiгмоз.*) Паныдавлi ме гоз-мöд татшöм збой мортсö важ кадъясьö... Еренск кар дорын, помнита да... Сэк та коддьöмъясыс меным воча керасисны. Менсьым муöс таялисны... (*Друг, бытьö палялö, шыöдчö нылазонмалань.*) Эн жуглясьöй! Ермак-атаманныдлы коркö юрбитны на кутасны. Став Сибыр муыс на казъывлыны кутас. Дай менам нэмöвöйся карын, Панкарын, оз вунöдны. Коми-казак! Кылан?! Эн вунöд менö. Казъывлы менö аслам карын, дай челядгавезыдлы накажитöй, мед казъывласны. Кылан, Зейна? Лоасны тiян челядъ, зарни юр пыдöсаöсь, эзысь кок пыдöсаöсь. Мед казъывласны менö да менсьым енгясöс татөн, тайö кар чутъяс, тайö Панкар вылас. (*Думыштчö.*) А Кучумöс... Кучумöс некутшöм кар дорö оз сибöдны. Ачым бöрсяньныс вуджөрөн вöтлысьны кута, мед ни öти кан, ни öти бай эз лэдз сйöс матö-дорö. Пурöм понтö тай быд омöлик поншой содтöд пурны уськөдчö. (*Шпыньмунö, тапнитö Зыран-казакöс пельпомас.*) Но! Бура олöй, менам видзанторъясьöй! А ме ветла Кучумöс видзöдла. Иштя-

¹ Кебöд — тыв сьöктöд, грузилö.

калышта-казакалышта сылы. (Серөктө.) Менам кадой уна, сылөн эштө нин...

Зейнаа-Зыран-Казака копыртчывлөны Пан ортлы да топыда шыгырт-чөмөн мунөны.

Дас кыкөд петкөдчөм

Кучум петө кытысянькө видзөдысяс мышсянь, ветлө йөз костті. Бөрсяныс мунө Пан орт. Кучум сувтыштавлө өти-мөд дорө. Юасьö. Норасьö. Видлө пырны өти-мөд креслө радө, но быд раз водзылас сувтө Пан орт да потшө туйсö. Кучум оз аддзы Панөс, но сыö лю-касьö да нывизьсö вежö.

КУЧУМ (норасьö). Дас өти канкөд сёрнитчи, дас өти канлысь нывсö босьті верөс сайö. Некөн менö лөз нойөн оз паныдавны. Некод менö зарни коръя пызанөн оз виччысь. Вузалісны. Вузалісны ставныс! Эг өмөй нө став Сибырсö вот тайö кабырам кут?! (Кабырсö мыччөглө.) Эг өмөй нө топыд кабырөн пыдзравлы ставсö?!

ПАН ОРТ (шпыннялө, мигнитлө йөзлы). О! Кукань юр ыджада кабыр вөліс да, тшук чипан юр кодь колис. Сэтшөм нин олөмыд: талун каналан, а аски яналан, талун из кар вылын, аски му кар улын.

КУЧУМ (курыга). Видзөдтө! Урусыд каръястө нин тшупөма татчө и сэтчө! Важөн-ө Перымө ветлім грөзөн? Важөн-ө Чердінса войтырсö шызьөдлім? Оз нин тіравны. Оз повны меысь. Вунөдісны.

ПАН ОРТ (йөла моз). Вунөдісны Кучумөс. Весиг ас вира йө-зыс пышйөны да игнасьöны сыысь, сьод висьөмөн нёрпалысь мор-тысь моз посйысьöны, керка өдзөсьяссö тасалөны. А Ермаклысь тшыктөм шойсö йөгра видзө вежа кумас, лабазас. Садьмөмсö виччысьö. Во куйлас Ермак вежа кумын тшыксьытөг. Сэсса дзебасны некодөн аддзытөм вылө, некодөн төдлытөм вылө.

КУЧУМ (чуксасьö). Көн менам посйысь-дорйысьясöй?! Көн менам багатурьясöй?! Көн менам иштякьясöй?!

ПАН ОРТ (йөла моз). Вошисны посйысь-дорйысьяс, вошисны багатурьяс. Бөрья иштякьясыс Кучум-каннысö виасны, мед роч сар водзö, Еджыд сар водзö чесьтө усыны... Вежсьö олөмыс... Вежсьö... Сарьяс-каньяс мунөны, войтырьяс бырөны, выль вой-тыр локтө, выль олөм пуксьö... Сю вундөны, шеп вартөны, көйдыс вылө кольöны, выль көдзаысь выль нянь быдмө...

Кучум пöрысь, висьлөс морт моз ружтөмөн-ыпкөмөн кыпөдчө сцена вылө. Пуксьö, корсьö-синмалө кодөскө залысь. Оз аддзы.

КУЧУМ. Мый сійö му выв нимыд-славаыд? Туй выв бус. Талун кыптивліс, аски абу. Верзьöма төвзяс буса туйөд, лэптас буссö. Вöлыслөн кок шыыс на оз лөнъ, а бусыс бөр нин пуксьöма. Тадз и му выв славаыд...

ПАН ОРТ (йөла моз). Му выв славаыд-нимыд — сөмын туй выв бус. Талун кыптивліс, аски абу. Важ верзьöма рөдтө, выль

верзьома локтö. Вöв кок бöрсяныыс и усьö му вылас слава бусыс. Талун тай морттö ошкöны-лэптöны, аски быд пельöсын вöйпöны-кулитöны.

КУЧУМ (*жугыля*). Коді менö казтыштлас, кор голя гөгөр медматыс мортыс шыркнитас сюмыс-көв, кор медматыс мортыс кырыштас лэчыд пуртөн? Некод. Шыбитасны туй бокö киссьöм ичиг моз. (*Юрыс усьö пугзöс костас. Кучум сургысьö.*)

ПАН ОРТ (*йöла моз*). Коді казтыштлас мортöс, нимыс кө мунö сыкөд? Коді казтыштлас мортöс выль мортөн пежалом вежаинас? Некод. Некоды мортыд оз ков, некод мортöс оз казтышт. Вежсьöны му выв ентяс. Вежсьö муыс и ваыс. Мый нин морт йылысь сёрнитны? Вöлін мортөн, лоин ортөн. (*Кучумлы.*) Узь, Кучум-кан. Локтöны нин тэнад ловла гусьөн пурьсыяс. Локтöны нин тэла вöвлөм иштякъясыд. Эштіс тэнад кадыд. Эштіс тэнад каналöмыд.

Дай менам кадöй колис. Коми кадöй колис. Зыран кадъяс воисны. Муна и ме аслам Панкарö, аслам нэмөвöйся вöтö. Гашкö, кодкö кодралысь лоас, гашкö, кодкö вошйöдысь сюрас... Коми ныв-пи, коми Пан вуж, гашкö и, казтыштлас бур кывйөн бур сёян-юан дорö, сура-чериняня пызан дорö, зарни коръя пызан дорö.

Пан орт ылыстчö ньöжйöник кыптысь ру пиö. Руыс саймовтö сургысьöм Кучумöс. Вуджрасьöны сьöд вуджөръяс. Шыркнитöны Кучумлөн голя гөгöрыс сюмыс-көв. Кыскöны руас Кучумлысь шойсö.

ПОМ.





Евгений ВАЛЕРИАН

Веж му вылас*

ПОВЕСЬТ

3

Салдатлы письмөторйыд чассьö,
И кокньыдджыка узьсьö вой.
Быд выльтор, кор нин вои частьö,
Кыв-мөдөн юөртліс мен чой.
Но ичөт сиктад кутшөм выльтор?
Лым усьö, зэрö либö кос...
Мый вуджавлөны нин йи вывтi
И турун кыскалö колхоз.

Ак, йи выв ворсөмъясным миян,
Кор арбыд виччысим хоккей
Да вөчим клюшкаяс ас киөн.
А мыйөн кынталыштас — э-эй!
Нэм кывтыд катыдсакөд ворсім.
Каблукысь шайба — тач да тач,
И кытчөдз төдчö кыа востым,
Оз помась миян костын матч.
И кытчөдз тырмө челядь руным,
Оз помась катыдсакөд вен.
...Кор весиг армияö муні,
Эз өтчид вөтö усьлы мен,
Кызд воа гортö — мудз, но шуда,
Мый голөдз ворссьыны эг сет,
Көть катыдсалөн киныс лудіс.
Эг вермөй, да. Но тайö мед!

* Повесть содтөд (черновикъясысь). Воддза юкөнгясыс петалисны «Войвыв кодзув» журналын 2006 вося 10 номерын да 2007 вося 4 номерын.

* * *

...Ак, лөсьыд строевöйяс бöрын
Казармаö.
И нöшта бур,
Кор эм письмö, и — дуки көра!
Салдатлөн бергöдчылö юр.
А лыддьöм бöрас пыдö сүйö,
Мед ёртыс адрессö эз босът.
И думнас дась «ефрейтор Збруев»
Кöть пыр жö туйö...
Жаль, оз позь.

Дерт, öнi аслам нюмöй петö,
Но сэки... гижöма кө ныв,
То чайтсьö, быттö кыв нин сетiс,
Быть виччысяс...
О, честнöй кыв!
Но служба ньöжйöникөн мунö,
Лун кольö — вешйö тшöтi моль.
Письмö оз во, и нылыс вунö.
И дембель кежлö морт оз коль.

Кык вонад быд лун, дерт, он пасъяв,
Но коркö воас бөръя лун.
И мыйön лэдзисны запасö,
Ме бокö некытчö эг мун,
Но гортö волi тувсов зэр моз
Да весиг тöлысь сэн эг вöв,
Кöть мама шулiс, эн пö тэрмась,
Вай олышт гортын тайö төв.
Кор ветлöдлыштан паськыдiнад,
Кор думөн бордъяссьöма лов,
Сэк ичöt сиктад он нин инась.
Оз кут...
Дай кутны оз и ков.

Кар кыскö — сэнi индустрия,
И сэнi олöмыслөн чиг!
Ог вош,— эм көсйöм, юр и кияс.
А сиктыд век нин сйö сикт.
Но эг и вела в ыджыд карас:
Выль тöдсаяс, общага, гаж,
А вежон помасяс, и бара
Автобусö — и сёлöм чаж!

* * *

Ак, Эжов, Эжов, чужан пельöс,
Кыр йылын шег китыр кодь грезд.

Вай висьтав, кодкӧ тӧнӧ ме моз
Вот тадз жӧ радейтлывліс эз?

Мед тӧнӧ пинявлывліс быд ног,
Но сӧсся бурасьлывліс бӧр.
Мед тӧнӧ ӧновтіс, кор быдмис,
Но воис со, и чуть оз бӧрд.

Ӧд сідзсӧ видзӧдлыныс нинӧм:
Лӧз парма шӧрӧ вошӧм сикт.
Оз ӧна нимава аслас нимӧн,
Оз торъяв мӧд сы кодъыс дзик.

Но синмыд велалыштас муртса,
Кыз пемыдінӧ пырӧм мысьт,
И бара ставыс лоӧ муса
Да тӧдса, быттӧ вунлӧм висьт.

И быттӧ некытчӧ ӧн ветлы,
И быттӧ нӧмтӧ вӧлін тан.
И дась нин нюмъӧвтны быд чветлы
Да горӧдчыны: «Шондібан...
Ӧй о-лӧ-мӧй!»

* * *

Кызь ар, став олӧмыс на водзын,
И — кыпыд лов,
И — осьса син.
Ми шудсӧ мӧдам юны соддзӧн,
И сійӧ юкмӧс моз оз чин,
Оз косьмы!
...Тӧдім кӧ ми сӧки,
Мый сійӧ шудыс?
Воас лун,
И ӧти здукӧн ставыс чегӧ,
Друг кадыс сувтас —
Час оз мун.
И сутки чӧж,
И вежон...
Кор нин
Кын маятныкыс
ка
товт
час?
Час, пидзӧсчаньӧн понда корны
И кужтӧг чӧвта пернапас.

...Кор кодкӧ миян діныс мунӧ,
Дась бӧрдны ичӧтдырйи моз.

И сёысь видлан мөвпнад суны —
Мый шутём коли, шуны.
Оз!
Оз шыасьны...
Но воё ясыд,
Сөдз ру моз
Лолё сидзысь вын.
И казяласны тёдсаясыд,
Мый абу нин тэ кусём джын,
Бөр ловзин, лад вылө бөр воин,
Быд уджын зілян тыртны тшөт.
...И сөмын пемыд арся войё
Он узь,
Но тайёс морт оз төд!

* * *

Апрельын дзевим муса бабёс.
Да... Чайтлім — лоё сійё нэм,
А со тай, гуалім и абу,
И сөмын крестыс өні эм.
Дыр казътылім на пызан сайын,
Көть прамёя нин личкис ун.

* * *

Мөд асывнас ме карё кайи,
Но дыр на сёрниным эз вун.
А локті...
Поводдяыс — майбыр!
Мый аддзан, висътавын он куж.
И помассё нин вөлі май дыр,
И пуё гөра-көдза удж.

Кыдз кадыс мулысь серсё вежө!
Кык вежон гортын эг и вөв,
А со нин чепөсйөма вежөд,
И небыдика пөльтө төв.
Здук сайын чеччи теплоходысь
Да гортлань мөді йөзкөд тшөтш.
А шонді югөр улын водысь
Пу вуджөръяслы абу тшөт.
Мен найё казътылісны шпалъяс
Да югыд рельса помтём туй —
Вой сьодас неыджыд вокзалъяс,
Да коркө — эзысялысь уйт*.
И мыйта думайтлөма вөлі
Армейскöй олөм йылысь сэк.

* Уйт — ойдланін, лапта (рочөн пойма, низина).

А өні гортын — ловлы вöля!
И тулыс воö, кыдзи век.
Шань асыв. Муна, быттьö ворса,
Час, весътасала Давпи йөр,
Час, нöшта вуджа бөръя шорсö,
И кольö сöмын Дзöля вөр.

Шор вуджи, петі Давпи йөрö.
Му помас тшынасьыштис би,
Ас войтыр удж помалöм бöрын
Сэн пукалісны.
Мыччи ки.
— Но, видза карса мортлы, сё мор!
Заряысь?
— Сэтысь. Быри гаж.
А тiян гöрсис-кöдзсис?..
— Чомөр!
Но, сэсся шойччыштам. Шабаш!

Но сиктса мортлы кутшöм шойччöм —
Он тöдлы, матысмас страда.
Прöст кадыс шедлö сэтшöм шоча.
— И век жö кыскö татчö?
— Да...
И Ванька нюмдіс,
Чужöм вылыс
Кöть му выв буссьыс вöлі руд,
Но сылөн морöс пытшкыс сьыліс,
А ворсысь синмас тöдчис шуд.
Кык кисö ладмöдыштис бöрас
Да вывлань чатөрвöчис юр,
И чöвтис:
— Быттьö зэрас?
— Зэрас.
— Но, сідзкö, ставыс лоö бур.

* * *

Ме öти войö другысь садьма,
И сэсся ог нин тöдлы ун.
Мен колö кывны, кыдзи садным
Друг ловзяс, кодыр пуксяс лун.
Ме гурйив осьта дзиръя öшинь
Да аддза дзоридзалысь льöм.
А тувсов войыс ыджыд көшön
Том вөр-ва вылö кисьтö лөнъ.
Сикт быдсөн ланьтöдчöма, шойччö,
Но сэтшöм кокньыд сылөн ун,
Мед лэбач шыкöд водза-водзсянь
Виль уджөн панны нöшта лун.

А сэсся шоньд зэрён зэрмас
Да мыськас-быдтас гөгөрбок.
...И Ванька садьмас,
Лоны вермас,
Но оз ло гажтём либё шог.
А лоё кокньыд сёлём вылас,
Мый бара пуксьё мича лун,
Мый югыд-югыд
Тувсов ывла,
И пётёма нин сёлён ун.
Кётъ шондї пыр на муртса йёжём*,
Дав весьтын ворсё кья вёнь.
Но позьё гурийыв востны өшинь
Да кывны асылыслысь лёнь.

1982-1983,

2018-2023.



* Йёжны — сукмыны, ёдмыны (шуам, вый йылысь).



Галина ИВКУЧЕВА

Дженьыдик висьтъяс

Корпоратив

Отделса начальник Михаил Кельчинов лунтыр вöлі зэв зумыш, а öд талун шуисны тыр-бурөн колльöдны Важ во, и на тэныд! Öні нин уджъёртъясыс эз тöдны, пуксьыласны пызан сайö али оз. Век жö юалісны:

— Михаил Иванович... Мый шуан?

— Кöсйысим кö, пуксьылам.

И мыйлакö друг лёкног серöктіс:

— Корпоратив, твою дивизию! Ті кö аддзылінныд, кыдзи сідз шусяна ыджыд юсьылöмыс нывбаба котырын овлö. Ойо! Унатор ас олöмам аддзывлі, но татшöмторсö — медвод-дзаысь.

— Кысь нö аддзылін?— юаліс сійöс вежысь капитан Митин.

— Да тöрыт удж вылысь вои, а гöтырöй краситчöма-баситчöма, менö виччысьö. «Но, воин жö. Татшöм дырөн. Вöччы... Со — ме ставсö дасьті, мый колö. Сёйны ог кутöй, мунам менам удж вылö. Сэні миян корпоратив. Сёйöд-юöдсö дасьтöма нин. Тэрмась, а то сёрмам». «Кутшöм корпоратив? Некытчö ог мöд!» «Быть вылö ковмас мöдны, кöсьян кöть он. Ме кöсйыси тэно вайöдны». «Менö, майорöс... кöсйысин? Йöймин али мый?» «Эг. Но тэ кö локтан — менам удждонöй дас сюрс шайт вылö содас. Да и нывбабаяссö колö гөгөрвоны — кökъямыс морт пиысь некодлөн верös абу... А ас кузя ме ог шог. Найö пöрысьöсь да и мисьтöмось. Содтöд ставныс видзöны кыз чöклöа öчкишой... Бытьö чойяс! Вот сöмын öтитор майшöдлö: джодж мыськалысьыс талун удж вылысь петіг меным висьталіс, мый кольöм во миянын бухгалтерөн уджалöма мужичöй, и корпоратив вылас сійöс бабаясыд... Но, мукöд бухгалтерыс... Тököтьö абу вийöмны. Бур, мый телепонас SOS пыртöма да мортыс удитöма кнопкасö лямны. Недыр мысти пö гöтырыс пияныс-

көд автоматъясөн воёмны». «Кутшөм автоматъясөн? Мый тэ сөран...» «Ме сідзи жө шуи, но нывбабаыс пернапас чөвтис, збыль пө. Бөрыннас пө төдмалім, мый автоматъясыс ворсан вөлөмны, но сэки пөрысь бухгалтершаясыд ёна и повзылөмны. Мужичөйсө гөтырыс да пияныс лёкөн-шогөн пасьтөдөмны да гортас кыскөмны. Та бөрын сійөс абу и адзылөмны. Кодкө пө висьталөма — нөрпалө ёна. Ме зэвсө ог эскы, но тэ пистолеттө сейфсьыд босьтлы, гашкө, и оз ылөдды мыськасьысьыс». «Мыйла нө, сідзкө, татшөмъяс дорас нуөдан?» «Дас сюрс шайтыс ёг али мый?» — шуис гөтыр, и мөдөдчим.

Ме весиг формаөс эг веж, мед, мися, полиштасны. Да и пистолетөс гач зептам суйи. Воим министерствоад, пырим колана жырьө, а сэни сувтөдөмны куим ыджыд пызан, ставыс вөлөгаөн да юанторйөн тыр. Ойо! Пукалөны өчкаи тьоткаяс, ставныс өти чужөмаөсь, өткодь паргана шөвк платтьөаөсь, сьыланьыс — сикөтшьяс.

Менө весиг тарзөдны пондыліс, ас думысь чайта, мый дзик ведьмаяс вылө ветлөны. Вылыс паськөмөс пөрччи да, дерт, адзисны формаөс, но некоді на пиысь войт эз чуймы. Пызан дорө матыстчим, да сьөрсьөн-бөрсьөн ме дорө матыстчылісны, киасьны кутісны да ним-вичнысө висьтавыны. Эскөй көть эн, но и вичьясныс ставныслөн өткодьөсь — Аристарховнаяс. Сэсся пуксялім... Ёти пызан сайө ставөн и төрим. Гөтыркөд ёрта-ёртсьыным ылын лоим — менө мырдысьөн пуксьөдісны отделса начальник да шөр бухгалтер костө. Кыкнанныс ме дорө топөдчисны. «Но, заводитчис!» — думышти. Киөс инді зептам, көні пистолетөй вөлі. Начальницаныс казяліс тайөс да шуис: «Кынминныд али мый?», — и ассьыс кисө менам зептө жө суйис, ки вылам ладмөдіс. «О-о-о, колө жө лоны...» — шоныд руөн шөпкөдіс пелям. Тыдалө, пистолетөй ки улас сюрис.

Менө быттө пөсь ваөн кисьтісны. Киөс зепсьым йөри да гөтыр вылө видзөді, а сійө, коньөрөй, кык өткодь баб костын пукалө да меным ки пөвнас өвтчө. Думышти, мися, гортө ловъяөн кө воа, петкөдла сылы ыджыд гаж... Но дас сюрс шайтыд!

Курыдтө меным стөканө кисьтісны. Эськө ышнясьны пондылі, мися, служба вылө вермасны корны, дай конняктө ог ю, но нинөм эз отсав... Да, вуні на висьтавыны, мый тьоткаясыд ме мында жө юисны, но эз и вежсьывны чужөм выланьыс. Думышти, мися, тайөяс крепыда юөны, но начальницаыд быттөкө кыліс менө да шуис: «Ті төданныд, ми сэсся мөд выль-вося корпоративөдз курыдтө вомө ог босьтлөй. А талун вөчам мый позьө и оз позь», — и ме вылө видзөдіг куньтыртліс син пөвсө.

Сэсся ворсны босьтчисны. Рөчөн кө шуны — «Исполнение желаний». Ставөн мясянь мыйкө көсйисны: кодкө — окавыны, кодкө — юрсө сынавыны, кодкө — сыкөд сьывны. Гөтырөс ворсны эз босьтны, шуисны, тэ пө гортад ворс. Сэсся бара юисны да бара жө ворсны босьтчисны: он кө төдмав юалөмсө — вылыссьыд мыйкө пөрччан.

Меным и дас сюрсыд эз нин вөв жаль, но мыйлакө сөглас

сети. И... Ойо! Став юалöмыс — юкöм да чинтöм, дроб да, «твою ж дивизию!», передроб. А школаад ме öдва «куим» вы-
лö тайöс тöдi. Вот и заводитчис! Кыкнан кинам гач тасмаöс
кутi, кытчöдз верми, сэсся эбöсöй быри, гöтырлөн «сьöмыс»
дум вылын эз нин вöв. А сийö, коньöрöй, куртканам да шапка-
нам сулалiс öдзöс дорын. Видзöдлi сылөн бöрдана синъяс вы-
лö, чукöртi став вынöс, перйи пистолетöс да горöдi:

— Ноко, лявраяс, вешйöй, ме тiянлы абу бухгалтер. Лыяла
ставнытö, и некутшöм суд менö оз судит. Са-мо-оборона!

Вешйисны... Кыдзи гортö мунiм — ог помнит. А талун асыв-
нас став чукöрнас локтiсны ми ордö прöща корны. Ме öдйö
пасьтаси да усйыси, мед гöтырöй ачыс ладмöдчö. Вот тiян и
корпоратив.

Татшöм висьтасьöм бöрад дыркодь некодлөн кыв эз шед.
Медбöрын Митин шуис:

— Колö ветлыны гöтырлөн корпоратив вылö, сылөн талун.
Мый пондас вöчсьыны, код тöдас... Налөн котырын дас мужик
да кык нывбаба.

И котöрөн петiс кабинетысь. Недыр мысти чöв-лөнъ мöдöд-
чисны и мукöдыс.

«Выялöй, нывъяс, выялöй»

Медучилище помалöм бöрын Антонинаöс, карса мортöс, мö-
дöдiсны уджавны Ылi Войвыв районö. Нöшта на и повзьöдлiс-
ны, сэнi пö ошъяс улич кузяыс ветлöны, а йöзыс найöс ки
помсьыныс вердöны. Дерт, ставыс тайö сöрöм вöлöма: йöзыс
зэв шаньöсь да бурöсь, и некутшöм ошъяс улич вылын абуöсь.
Регыдөн том ныв и сиктса олöм дорö велалiс.

Кор төвся туй пуксис, Антонинаöс да орчча сиктса мöд
медичкаöс корисны юрсиктö сөвещанньö вылö, кöнi кöсйысис-
ны тöдмöдны найöс пыдди пуктана бурдöдчысьяскöд. Мöдöд-
чисны вöлөн. Кыскасис больничаса стöрöж. Көркö воисны
Веньдiнö, сэнi вöлi станция, öнiя ногөн кö — туй морт керка.
Рöмдö төвнад öдйö, юрсиктö эз на воны, да и зэв кöдзыд вöлi.
Воöмөн тшöтш, весиг чай ютöг, пöрччысисны да кайисны пач-
чöрö. Регыд и унмовсисны. Водз асывнас, пемыд на вöлi, кö-
зьяйкаыс садьмöдны пондiс:

— Чеччöй, нывъяс, чеччöй! Кыскасьысьныд вöвъяссö дод-
дявны нин мунiс. Самöвар пузис, локтöй пуксьылöй, туй во-
дзад чайсö кöть юыштöй.

Нывъяс тэрмасьöмөн гын сапöгъяс коканыс сюйисны да пы-
зан сайö пуксисны. Пызан вылас зэв ыджыд самöвар варгис-
пуис, стöканъясö сук чай кöзьяйкаыс кисьталöма нин. Сакар эз
тыдав, вöлi сöмын ас пöжалöм нянь. Пурт эз жö вöв. Тоня и
юалiс:

— Мыйöн нö няньсö вундам?

Нывбаба збодера вочавидзис:

— Кинад, сёкатö, кинад чегъяв.

Том ныв шойёвошис, но Манефа, сійё ачыс Вашкаса, шуис, мый куссё* коло кинад чегъявны, кор сійё небыд на. Сэсся перйисны ассыныс сакар, тьоткайдлы юкисны жё, и босът-чисны юны чай.

Көзйяка радысла дольны пондіс:

— Выялөй, нывъяс, выялөй! Ньюжөдчөй...

Гөстяяс пондісны синнаныс вый корсьны — некысь оз адзыны. Тоня сэсся юаліс, көні нө пө выйныд, некөні абу да?

Көзйяка воча:

— Кутшөм вый? Мөскөй сулалө тыра-волыса, йөвладорыс нинөм абу.

Тоня бара йөй моз видзөдны пондіс, нинөм оз гөгөрво. Бур, мый Манефа орччөн, гөгөрвоөдіс:

— Тэ ногыд кө — кынөма мөскыс, сы кузя выйыс абу. Но мыйла тьоткаыс выявны тшөктө, ме ог гөгөрво.

Кор сэсся бара выявны тшөктіс, Манефа нин юаліс, мый нө пө выявнысө, выйыд кө абу? А тьоткаыд индіс ыджыд тасьті вылө, кысянь өвтис лёк дукөн:

— Рөсовсө и выялөй, гашкө, соласыны көсьянныд да. Сэсся нинөм абу.

Өні нин ковмис Манефалы чуймыны:

— Миян Вашка кывтыдын шуоны: рөсовсө мачит.

Тьоткаыд татчө серөктіс да шуис:

— Төда, төда, менам бабө Коптыса. Пыр шуліс: «Рөсов мачи, мачи да рыбу-то не волочи».

Сэсся ставныс серавны кутісны.

«Дядыс сёйис»

Миян батыным дыр кад чөж колхозын бригадираліс, и школаыс воөм бөрын уличын гуляйтөм пыдди Юрик воккөд ковмыліс кутшөмсюрө колхозса удж вөчны. Водз ар вөлі. Сы воө картофелыс сы мында чужис, мый ковмис сиктсалөн овтөм жыръясө киставны. Отчыд батыным ыстіс миянөс өтияс ордө картофел бөрийыны, а налөн керканыс бура ылын вөлі. Мамук миянлы пажын сетіс — тытчө-татчө ветлөмөн пө кадыс уна кольө. Сөйөд ёкмыль да колана жырсьыс ключ босьтім и мөдөдчим. Ме сэки нельөд классын на велөдчи, а вокөй — мөдөдын. Воим коркө эськө, өдзөстө лёкөн-шогөн восьтім, но асьным дубөдз нин кымим. Шуим медводз пыравны көзяеваыс ордө да шонтыссьыштны. Көзйякаыслыс нимсө өні ог нин помнит, но зэв шань вөлі. Пырөмөн тшөтш шуис:

— Но, локтөй, локтөй, шонтыссьөй. Счаслы, ме тіян пөсь тшай кыста, а сэсся ыж шырны гидө петала. Ми дорө талун уполномоченной өбедайтны воас, батыныд со баля төрыт тышкөдөма, яй вайис да тшөктіс мортсө вердны. Ті бөрийысьнытө энө на петөй, витлөй, гашкө, уполномоченнойыс регыд воас — менө сэки гидсьыс коранныд. А бөрти тіянлы отсышта.

Пукалам ми воккөд пызан сайын шоныд керка пытшкын,

* Кус (уд.) — ас пөжалөм нянь.

сыргам-юам пось тшай. Пырис ичотик тушаа мужичёй, тёдтом том морт. Юалис, коді ми лоам. Висътасим. А сійо пырис шевнөсас, укватон кыскис шыд чугун да кинас пондіс лэптавны пось яй кусокъяссө, руксигтыр өдйө шыблаліс вомас. Ми воккөд видзөдам сы вылө шензьом синъясөн.

— Мый видзөданныд? Сёйысь мортос эн аддзывлөй али мый,— горөдіс сійо да сідз жө өдйө бөр суйис чугунсө пач пытшкас. Сэсся чужйис көмсө да мыйлакө кайис паччөр вылө. Ми воккөд думайтім, мый тайо и эм уполномоченнойыд, да пасътасътөг и петім аньсө корны. Бөр керкаө пыригөн висъталім, мый чужой мортыд воис нин, но мый яйсө сёйис, висътавны эг лысътөй. Пырим керкаас, а сэні бара нин выль тёдтом морт сулалө, көзьяйкаос виччысьө. Мөдыс пуксьөдіс морттө пызан сайо, вайис нянь, рысь-нөк, сэсся пачсьыс перйис шыд чугунтө — көйис дарйон яй перйыны... А яйыд и абу! Видзөдліс ми вылө да юалис:

— Тані некоді эз вөв?

Ми воккөд индім паччөрлань. Көзьяйка восьтіс паччөр занавестө да стрөгакодь юалис: «Тэ яйсө сёйин, кыз рушку? Абу тэныд сійос пуома, колкоз яйсө лишөдіс...». А мөдыс эз и дыр думайт, рочаліс: «Не я, а этот дядя, который за столом сидит». Уполномоченнойыд кияснас шенасьны кутіс, эг пө ме, эг. Сэсся тьоткаыд миянлысь юалис, мый аддзылім. Ми ставсө и висъталім. Тьоткаыд бөрдны кутіс, лөвтны, мый паччөрас куйлысь мортыс сылөн пи, неважөн тюрмаысь воома. Пыр пө тшыг... Ми воккөд сэтшөм ёна повзим, мый некутшөм картупель сэсся эг и бөрийөй.

Уна кад сэсянь коли, но кор мыйкө ог аддзы, пыр шула: «Эг ме, этайо дядьоыс сёйис!».

Козин

— Чиганъяс, чиганъяс локтоны!— керкаө төв ныр моз пыриг горзіс Юрик вок.

— Но, мый нө горзан? Бур, локтоны кө. Ылынось?— юалис Ольош пөль.

— Сикт помө сувтөмны. Тэнө юалисны, ловъя ли абу пө Южин Алексейыс? Ме шуи, мый ловъя. Мыйысь нө, пөльө, тэныд кувны колө?

Пөльным нюмдіс синъяснас. Кор сійо таdzi нюмъяліс, руда-вижа синъясыс рөмсө вежлісны, турунвиж рөмаось лолісны.

— Феня, ноко, перйы сундуксьыд гөрд шөвк дөрөмөс, баро локсьө. Да тэрмасьышт! Раминик бабным вомгорулас мыйкө рөпкигтыр ыджыд сундукуысь перйис пөльысь шөвк дөрөмсө, кодөс кольом гожөмө козынавліс эсійө бароыс. Вөччим ставөн. Пуксялім орччөн лабич вылө, гөсьтъясөс виччысям. Дона гөсьтъясөс.

Чиганъяс быд воліг вайлісны козинъяс: вокъяслы — стеклөысь чернила дозъяс да перө-ручка, миян кык чойлы — мича

аканъяс, бабнымлы — шөвка ризъя от, а пöльлы — гөрда дөрөм. Виччысим и таво. Коркө эськө чиганъясыд воисны: баро водзын, сы бөрся гөтырыс да челядыс — сыйлиг-йөктигтыр. Сэсся пöльным бароыскöд вөвъяссö местаö воштісны, и заводитчис миян челядылы поттöдз сөйöма пир. Мый сөмын чиганъясыд пызан вылө эз и катöдны! Тайö пөрийö эз дыр овны, гозмöд лун. Кыкнан луннас пöльным дасътывліс налы выль корөсьясөн пывсян. А лунъяснас найö пыр мыйкө ньөжйөнник сёрнитісны миянлы тöдтөм кыв вылын. Чиганикаыс челядыскöд луннас сиктö петавліс, но керкаысь керкаö эз ветлөдлыны. Унджыкысьсö пукалісны кильчö помын сулалысь лабич вылын. Рыгнас ми дорö воывлісны мукöд чиганъяс, кодъяс олісны сикт помын. Но ми ордö локтөмөн некор весиг эз пуксьывны, кöть бабук и корывліс. Сетлісны баролы сьом, мый гадайтчөмнаныс нажөвитлісны, и мунлісны бөр. Сы воö ми дорö волісны медбөръяысь. Мөдөдчиганыс чиганикаыс меным козыналіс мича оборкиа шөвк платтьö, коді яй вылын кутчысис вөсньыдик гезторъяс йылын, да содтöд — шоныд улыс гач. Мөд луннас ме пасьталі ассъым мича платтьöс (сійö вөлі зэв кузь и ковмис домны вөнъөн — лэптыны платтьö дорсö вывлань) и мөдөдчи лавкаö. Сэні пыр вөліны уна йөз. Эг вунөд кышавны и выль улыс гачөс, кöть вөлі гожөм шөр. Пидзөс улөдз лэдзали гач кокъяссö, мед, мися, аддзасны жö да завидьтасны, и мөдөдчи. Коді уличын сы кадö гуляйтісны, мөдөдчисны ме бөрся. А сы кадö сиктö вөлі воёмны карын олысь нывбабаяс, ас сиктса жö. Аддзисны менö татшөм мичаа вөччөмнад да кваксьыны пондісны:

— Ок, и мича комбинашкаыд, сөмын тайöс öд платтьö улын видзöны!

Ме ярскöба вочавидзи:

— Тайö абу сійö, мый ті висьталанныд. Баролөн гөтырыс шуис, мый платтьöыс ылі муысь, Венгрияысь (кöть татшөмторсö эз шу, но мый кöть и), сэні татшөмсö быд лун видзöны!

Нывбабаяс эновтчисны меысь да ас костаныс рочасыны кутісны. Тыдалö, вунөдісны, мый миян бабным роч: «Гашкө, и платтьö да, Венгрияысь кө. Сэні, көнкө, збыль татшөмтö видзöны. Аски ветлам Южинъясас да ньөбам платтьöсö, оз кө донаысь вузавны. Талы нö тайö кытчö? Со, джынсö вывлань гартöма. Сэсся бара ме дорö шыясисны:

— А мый нö гач кокъястö петкөдін? Улөдз на лэдзöмыд дай,— и бара серавны пондісны.

Меным забеднö лои да горөді:

— Ог вузав... Серавланныд кө!

Бабаясыд менам кывъяс бөрын шай-паймуніны, пондісны кампет вөзйыны. Ме, дерт, босьті. Сэсся гач кокъяссö лэдзи нөшта на улö, юрөс вылөджык лэпті да мөдөдчи гортлань. Мыш саям вөччисны нывьёртъяс. Некоді эз серав.

А мича платтьö-комбинашкатö сэсся эг и пасьтавлы — мөд вонас сотчис миян керканым. Став олас-выласнас.

Гөг курччөм

Меным, гашкө, ар вит вөлі, шуисны гортсаяс менө челядь видзанінө сетны, детсайдйө. Ичөт тушаа Йөгөр Марөй баб вурис оборкиа мича платтьө. Ньөбисны выль сандали; өнөдз на помнита, гөрд рөма шнич выль носки кокө суйны сетисны. Асывнас мамө көсаяс кыис — веськыда кымөссянь. Юрөй, ок, и ёна доймыны пондіс, но шуны нинөм эг лысьт. Сэсся мамө босьтис менө ки пөлөд, да мөдөдчим садикад. Мышканым вөтчис Юрик вокөй да мыйлакө бөрдис, тыдалө, менө жалитис.

Садъяд меным ёна кажитчис: чөскыда вердісны, и чачаыс уна вөлі. Содтөд и нывъяс платтьөөс кинаныс пыр малалісны — татшөм мичаыс некодлөн эз вөв. Воис лунся узян кад. Ме мича платтьөөс пөрччи, и ставөн аддзисны менсьым турак ыджа гөйгөс. Серавны пондісны. Ме платтьөөс бөр пасьталі — эг юась ни висьтась — бөрдігтыр гортө котөргі. Төдісны кө найө, кымынысь менө тыса лотшканнас курччөддыны вошйылісны, но мыйлакө ичөтгьастө пыр батьө сэтчө вайөддіс, да курччынысө эз сяммывны. Лотшканыс ми ног сійө — тыса съөд гаг, кызіник сэтшөм.

Ог төд, кытчө мамө ыджыд гагйысла ветліс, но кык лун мысти корис Попова Дуня тьөтөс (сійө пельшөрөн уджаліс, миян суседкаөн вөлі). Локтіс аслас чоботанчикөн и, кыдзи бабөй шуис, «апарация заводитчис». Менө медводз курыд ваөн удісны, лабич вылө водтөдісны, спиртөн гөгөр чышкалісны, сэсся мамө лэдзис менам кынөм вылө эстшөм ыджыд гаг, мый повзьөмөйла лёкысь горөді да вошті садьөс. Кор лад вылө вои, мамө, бабө и першаличаыс пукалісны орччөн да нюмъялісны.

— Но, Галюк, ставыс бур. Этатшөм зьверыд гөгтө бура курччис. Весьсө бура вөчим. Некумын лун мысти косьмас и усяс. Садъяд выльысь мөдан.

Вежон мысти гөг и збыльысь уси. Слабог, дзик некор сэсся эз висьлы. Со өд кутшөм першалъяс важөн сиктьясад уджавлісны — став врачсө вежлісны.

Вошөм шог

Төд вылө уси өти ар. Сійө воас дженьыд кадөн да зэв нин аслыспөлөса гылалісны коръяс.

Зэв ёна төласи. Төв ныр вөчис коръяскөд мый көсйис: лёкысь нетшкис-торйөдіс найөс мам пуныскөд, вөтліс-путкыляліс му веркөсөд, выльысь лэптыліс повзьөмнысла тіралысь коръяс-сө вылөсьыс-вылө да шняпкөддіс няйтөн тырөм гуранъясө, кытысь петан туй налы эз нин вөв.

Быд лун сикткөд орчча ягысь кутіс бырны вуджөра пемыдыс. Сы местаө воис рам, но ёсь югыд.

Висьтавны ог куж, но мыйлакө сынөдас пондіс пессыны-

вөрны кутшөмкө аслыспөлөс ру. Меным чайтсис, мый тайö ар-ся гажыслөн шог.

...Сэсянь уна ар нин вöлі менам олöмын, но сэсся некор эз тэсöдчыв шуда шогыс. А ме думаён пыр на корсьыся сійö во-шөм здукъяссö, мукöд кад коласö весиг чайтсьылö, мый кöнiкö матын, этiйö тöдса да матыс яг рöч пытшкас и регыд петкöд-час меным. Но оз тай...

Войся зэр

Зэрыд войснад гусьöн да тöдлытöг локтö. Сылөн гырысь шоныд войтъясыс пасътöдöны став матигöгөр керкаыслысь стенъяс и вевтъяс, град йöрысь муяс тыртöны кутшөмкө васöд шумён.

Меным татшөм войясö уна во нин оз узьсы. Мыйлакö кы-ла ачымöс паськыд бордъя лэбачөн, кодi видзö ассьыс матыс-саяссö, сайöдö найöс лёк лоöмторъясысь.

Гусьöник восьтышта дзиръя öшинь, апалышта вазьöм сэ-тöрлысь чöскыд көрсö и сiдзи жö лöня пöдлала бөр.

Гортсаяс узьöны.

Эг öтчыд казавлы, мый татшөм войся зэръяс дырйиыс йи-лөмö* менам узьöны сы ни садь. Весиг öтчыд оз садьмыв ни оз бөрäдзыв арöса пиукным. Гашкö, зэрыс байкöдö сійöс. Кодi тöдö?!

Шебрöда — пыр жö эшкынсö чужъявны босътчас. Быдмö, кызди ичöтик зэлыд гоб, кодi бытъвылö мыччысяс орчча ялаа ягын татшөм шоныд да гырысь зэр бöрад.

Юртöм улöс

Корнилов гозъя шуисны ньöбны карысь нейджыд патера. Вывьвоя гажъяс колялөм бöрын верöсыс бөр мунiс сиктö, а Валентина кольчис нейджыд ремонт рöч патераас вöчыштны, мый вылö дона пась ньöбöм бöрын тырмыштас сьöмыс.

Ичöтджык чойыс важөн нин карын олiс и шойччан лунö ко-рис Валяöс гöститыштыны, мича пасьнас ошйысьыштыны да сьöрсыйс нуны ремонт вöчöм вылö колана дозмукъяс.

Гöна пась вылö сьöмсö Валентина куим во чöж чукöртiс, верöссьыс гусьöн. Пась пондаыс гозъя и воисны лёкö. Рам öбычаа верöсыс пасьгö äдзöм бöрын йöй моз горзыны босътчис:

— Кутшөм нöшта пась, кор патера ньöбим? Юрнад торксин али мый?!

Валя сылы воча:

— Патера вылö кредит босьтiм, а пасьсö ме куим во виччы-си. Ньöби, и точка!— лямöдiс кывъяссö дöзмöм ань.— Ачым ас-лым козин вöчи, и Кöдзыд пöль оз ков.

* Йилöм (уд.) — челядь.

Сы рытö жö верöсыс, сумкаас мотоцикл дорö ньöбöм зап-
часътъяс шыбитöм бöрын, довгис вокзалö, петігас ёнакодъ на
и крапкис керка öдзöснас.

А Валентина виль пасьöн чойыс дорö мöдöдчис. Сё сюрса
пасьыд абу тэныд «хүхры-мухры», шуам, кутшöмкö сэн пуховик!..
Любуйтчыны ас вылас оз куж.

— Збыльмис жö тай йöйыдлөн кöсйöмыс!— шуалис рöмпöш-
тан водзын сулаліг шуда ань.— А верöскöд миритчам. Сійö
лөктö дыр кутны оз куж.

Чойыс дорын недыр и лои пукалöмыс. Бөр мунны олас-вы-
ласнад подöн абу кокныыд, и кык чой шуисны корны такси.

Подъездыс ыджыд грузöн петігкості и воис машинаыд. Шо-
перыс багажниксö восьтіс да чойыс кийыс баулъяс тэчны пон-
діс, а кор Валентина матыстчис юртöм, самоклейкаөн эжöм
улöсөн, мортыд видзöдліс сы вылö чуймöм синмөн:

— Мый нö татшöм мича да дона пасяыс татшöм важ улöсөн
ветлö? Шыбитöм вылö кö — кольöй меным, дачаö нуа.

Водзö заводитчис, кыдзи налөн мамныс шуліс — канчерт.
Мый вылö Валялы коліс тадзи шуны, но шуис тай:

— Некодлы ог сет ассьым радейтана улöсöс. Ме быдлаö та-
йö улöснас ветла: кöть гөститны, кöть и делö кузя. Сійöс нов-
лöдлыны и сыпециальной пакет эм. Германияыс вайлісны!

Аслас весиг нюмпöш эз пет, а шоперыд видзöдö сы вылö
шармöм синмөн. Нинöм эз шу. Но кор нин руль сайö пуксис,
мöд чойыслыс юалис:

— Збыль ли мый... ас улöсөн гөститны ветлö? Унатор аддзылі,
а татшöм дивöсö — медводдзаыс. Но и делöяс!

Чойыс серавны кутіс, сэсся висьталіс, мый понда Валя улö-
сөн петіс. Шоперыд татчö тшöтш серавны кутіс.

Некымын во мысти Валентиналы мойвиис сійö жö шоперыс-
лы машинаö пуксьыны. Мöдыд пыр и тöдіс, кöть тайö пöрйö
ань и пуховика вöлі. Синъясыс гажмины, нюмъявны пондіс.
Тіянöс улöснад нуöдöм бöрын пö, кор дона пасяяс машинаö
пуксьöны, юавлі: «Кöні нö тіян юртöм улöсныд?». Кодъяскö
сералöны, долыдöсь лоöны, но а кодкö оз гөгөрво. Öти тьötка
весиг машинаыс петіс: «Йöй, али мый? Психушка тэнö вич-
чысьö!».

Быдсяма йöзыс эмöсь, но кызвыныс шмоньтö гөгөрвоöны.



Виктор Егорович Напалков чуж-
ліс 1938 вося июнь 29 лунӧ Кулӧм-
дін районса Джеджим грездын. Ве-
лӧдчыліс Джеджимса, Донса, Кер-
чомъяса школаясын. Дасӧд классӧ
помаліс 1955 воын Кулӧмдінса шӧр
школаын.

Во уджаліс Носим лесопунктын:
ув кералысьӧн, вӧр кылӧдысьӧн, элек-
тростанцияса мотористӧн. 1959
воын помаліс Ухтаса лесотехниче-
скӧй техникум. Сэся уджысь орӧд-
чывтӧг велӧдчис Ставроуэса юриди-
ческӧй институтын.

Комын вит во Виктор Егорович
сетіс журналистикалы. Уджавліс
ответственнӧй секретарӧн Кулӧмдін да Кӧрткерӧс районса
газетъясын, вӧлі редакторӧн республикаса радиовын да телеви-
дениеын, ответственнӧй секретарӧн «Би кинь» да «Войвыв
кодзув» журналъясын.


Медводдза кывбурсӧ Виктор Напалков йӧзӧдліс 1956 воын
Кулӧмдін районса «Ленин туйӧд» газетын. Сэсянь тшӧкыда
йӧзӧдчыліс республикаса газет-журналъясын, уна вуджӧдчис.
Гижысьлӧн петіс кывбуръяса да проза гижӧдъяса кызь гӧгӧр
небӧг.

Нэм чӧжыс В.Напалков уна вын пуктіс национальнӧй литера-
тура да коми кыв сӧвмӧдмӧ. Колӧ пасйыны, мый Виктор Егорович
кодъ мортыс вӧлі гежӧд — сылы некор нинӧм эз вӧв вескодъ.
Быдтор вылӧ вӧлі аслас видзӧдлас. И тайӧс сійӧ эз дзеблы, а
висьтавліс вескыда. Тшӧкыда юксьыліс аслас мӧвгӧясӧн лыдды-
сьыскӧд, йӧзӧдлывліс «Коми муын» да «Войвыв кодзулын» вель
ёсь статьяяс. Вермис ошкыштны, вермис и дивитыштны. И
век нин висьталас, кыдзи бурджыка котыртны газет-журна-
лын уджсӧ, кыдзи сӧвмӧдны литература, казялас, кутшӧм
шыбӧльяс эмӧсь литература олӧмын.

Аслас чужан грездын, Кулӧмдін районса Джеджимын, Вик-
тор Напалков котыртіс библиотека-музей (вӧлі чукӧртӧма
3 сюрс книга да уна экспонат). И талун быд окотитысьлы
эм позянлун воывлыны тайӧ керкаас, тӧдмасьны литература-
ӧн да этнография материалъясӧн. Збыль, тайӧ зэв ыджыд ко-
зин вӧлі Виктор Егоровичсянь. Татшӧм кыпид лола йӧзсянныс
и пестысьлӧ войтыр сӧлӧмын, челядь мывкыдын кыв да куль-
тура дорӧ муслуныс.

Виктор Егорович — СССР-са журналист (1964) да Россияса
гижысь котыръясӧ пырысь (1991); Кулӧмдін районса почёт
гражданин (2001); Коми Республикаса И.А.Курауов нима Госу-
дарственнӧй премия лауреат (2009); Коми Республикаса на-
роднӧй гижысь (2018).

Кувсьыліс В.Е.Напалков 2022 вося август 30 лунӧ.



Менам гөлөслөн йөлөга шы

КЫВБУРЪЯС

Медсьөкыд удж

Прөщай, томлун!.. Чолөм, пöрысьлун!
Кутшөмджык тэ лоан: бур-ө, лёк?
Кадыс лэбө. Бара нин июнь,
Ок-ок-ок дай ок-ок-ок!

Пыр тай дзуртан, быттьö мавттöм дзир,
Паччöрын и шонавлö ки-кок.
Синсьыд чусмö воддза югыд дзирд,
Ок-ок-ок дай ок-ок-ок!

Ньöбöм пиньнад сёркнитö он йир,
Кагалы моз вöлі медым рок.
Он нин малась — ыркалöма вир,
Ок-ок-ок дай ок-ок-ок!

Он и тöдлы, лоан мужик шой,
Сьöлөм дойöдз таысь босьтлö шог.
А öд вöвлін аминь яр и збой,
Ок-ок-ок дай ок-ок-ок!

Оз нин сывлы юрси вылысь пуж —
Мöдысь гажа томлуныд оз лок.
Пöрысьмöмыд медся сьöкыд удж,
Ок-ок-ок дай ок-ок-ок!

Юлөн висьтасьöм

Пармалөн сьöлөмсянь писькөдча ме,
Бөрвылö кольöны нэм бöрся нэм.

Коркö ме вöвлі мича да том,
Козьнавлі тіянлы сой кыза ком.

Мыш вылысь помнита мельнича пруд,
Ид тусьтö изывлі уна сюрс пуд.

Вердлі да юктавлі, сетлі ме нур,
Водзёссё эг босьтлы ни ёти ур.

Берегын шувгыліс дозмёра яг,
Кытёні юр выв тыр вотёс и тшак.

Ытванам нёньёдлі пуяслысь вуж,
Во гёгөр парма-вөр эз вёвлы руш.

Мыссьёдлі сёдз ванам йёра и ош,
Туйдёдлі кыйсьысьёс, медым эз вош.

Коми кыв вёвлі мен медмуса кыв,
Комиён сьывліс мен шань коми ныв.

Окасьлі тёврукөд — вёвлі ме збой,
Гыяснам некодлы эг вёчлы дой.

...Ставыс тай кывтёма, оз нин кат бөр,
Важён нин куштісны дозмёра вөр.

Талун ме векнямми, абу нин сёдз,
Талун ме быттьökө пёрысьмём пöч.

Важён нин меын оз гыбыштлы ком,
Онö нин чöсмöдлöй ассьыныд вом.

Мельнича пруд оз нин берегъяс йит —
Ёг турун быдмö, көн шептасьліс ид.

Тыртісны морёсöс лөп-ёг да ютш,
Ляпкалі сыметь, кöть келöмөн вудж.

Мыйла нö вөр-васö урöстны ті
Яндысьтöг лэптанныд ассьыныд ки?

Талун мен овнысö гажтём и шог,
Коркöя шудлунöй мöдысь оз лок.

Синваён бөрда, и гөрддзасьö горш...
Мед эськö му вывсьыс эг на ме вош!

Кыдз пу

Ань морёс кодъ жö еджыд
сылён морёс.
Ань мыгөр кодъ жö лöсьыд
сылён стать.
Шань тöвру ськөд
окаситыр ворсіс.

Сөдз лысва питі келіс
гажа сад.
Веж коръяс вивсьыс кыддзыд
лысва койис —
нач нимкодъысла бөрдіс
дзормөм ань,
мый дона пиыс гортас
бөр на воис,
дзик батыс кодъ жö снажен,
мича, шань.

Рытгорув

Рытъя енэжыс шевкнитіс сойбордсö,
Шонді помалö лунтырся кытш.
Бөрлөн вуджöрыс Эжваö ойбыртіс,
Васö борд йывнас гумлалö джыдж.

А ме кыр йылас нимкодъла нюмъяла,
Юа сынöдсö доз бөрся доз,
Ывла мичлунсö синъяснам гумлала
Мудзöм сьölөмөс шойчöдігмоз.

* * *

Лыдтöм кодзулөн пöртмасьысь енэж
Югыд синъяссö войбыд оз кунь.
Менсьым унзільöс бара нин венö
Асья кыакöд кыпöдчысь лун.

Гора кывъясысь кывбуръяс видза,
Чусмөм мөвпъясысь найöс ог кы.
Медым йöзыслөн сьölөмөдз йиджас
Менам гөлөслөн йөлöга шы.

Сувтöны син водзö...

Кос турун лёдз вылын гатшвидза чöла,
Юр весьтын лöзалысь енэжыс сөдз.
Гожъялөм бан бокöс шылькнитлö тöлыс,
Зыньгöны ме гөгөр мазі да лөдз.

Томлунöй сьölөмö вöйысьö-пырö:
Пашкыр сьöд юрсиа, варов да збой.
Казьтылан мөвпъясөн морөсöй тырö,
Кыла ме сьölөмөс гажöдан дой.

Сувтöны син водзö важ, кольöм вояс —
Быдман да велөдчан, верстямман кад.

Эскылім коркө ми: шуда лун воас,
Збыльсысь эз тай ло некутшөм лад.

Вөвліны ёртъяс и бурөсь, и шаньөсь:
Кодкө рабочёй, а кодкө поэт.
Кампет кодь юмолөсь вөвліны аньяс,
Өніөдз, прөститөй, наысь эг пөт.

Ставнысь радейтлі, пуктылі пыдди,
Гажөй өд весьшөрө наысь эз быр.
Олөмысь лист бокъяс думысь ме лыддя
Лөзалысь енэжсө окалігтыр.

Вердысь

Тури кельөб шоныдлунсө сьөрсьыс
Нуис татысь нора сьылігтыр.
Быттё мыйкө лэбзис сьөлөм шөрысь,
Енэжланьыс сюся дзорги дыр.

Керка пач моз ваймис ывла жарыс,
Сынөд лоис быттё кодзыд сур.
Турипувъя локтіс зарни арыс,
Тшынтөм биён öзйис вутшкөсь нюр.

Пуяс вылын югыз лысва пыдди
Асывъяснас петлө еджыз пуж.
Көка часі стенин кадсө лыддё,
А ме вөча ассым гижан удж.

Код мый вермис арлысь козин вотіс,
Чөскыз лоас льөмъя-пувъя ляз.
Регыз шызяс вөралысьлөн октас,
Воча вокөй дөмлө росмөм лаз.

Ветла вөрө, эстчө, кывтыдпомө,
Коми арсө аттьөавны мед.
Сьөлөм эськө важөн нин эз ломав,
Дзолядырйи арыс кө эз верд.

Войпель

Войпельыс шутылялө — омлялө турөб,
Ывлаас син ни пель — петны оз позь.
Гартласысь төв нырыс быттёкө дурпоп,
Став ловъя лолыскөд нуөдө кось.

Весиг дзор төлысьсө Войпельыз толтіс,
Сиктаным йөрмис, и мунны оз письт,

Син водзысь сайёдіс енэжлысь отсё,
Коскөдзыс лым пиё вöйтчөдіс сикт.

Атшалис төв нырыд, кок йывсьыс усис,
Дзебсис лым толаё веськөдны ун...
Мыйлакө менам тай сөмын оз узьсы:
Мый бара-й ваяс мен аския лун?

Лыддбытөм небөг кодь аския луныс,
Мый сэтчө гижөма — некод оз төд.
Кодлыкө, гашкө и, шуөма кувны,
Кодлыкө гөтрасьны — паськөдны рөд.

Гудыр көть олөмыс, ог вошты лача,
Виччыся сьөлөмөс ышөдантор.
Донын и Джеджимын, Мысын и Парчын
Вылөдз на кыпалас шань коми морт.

Паськөдіс сывбордсö войся лөнь лөзыс,
Тöлысьыс — Зарни Ань морөсын кизь.
Пасибö Енмыслы — югыда öзтіс
Енэж тыр пöртмасьысь лөз биа сись.

Мый сия аслым?

Ме пыр на овла челядь руа,
Көть суис арлыд — сизимдас!
И век на мыйкө гига-вура,
Ас бöрысь кольны мед бур пас.

Ми сылам-йöктам чужан сиктын,
Көть абу праздник «Василей».
И вина румка лэптам кийн,
Көть абу нимкодь юбилей.

Ме муөдз копыр Енлы сета,
Мед менö нинöмысь эз ёр.
Мен жаль, мый паськыд вöльной светас
Зэв дженьыд олөм олө морт.

Мый сия аслым чужан лунö?
Мед сьөлөм сьыліс, эз вöв нор!
Ме Енлысь ог кут корны уна,
Ме кора сөмын татшөмтор:

Нэм помөдз эз мед янав юрöй,
Шань кывйөн казтылісны мед,
И бөръя здукөдз челядь руöй
Мед эськө ме пытшкысь эз пет.

Гижны эськө колө сідзи...

Гыөрзёма ыркыд ывла,
Бан бок көдзыдысла — дон.
Кынмөм садйын уркай сьылө,
Вомнас ворсө сылы жонь.

Вөр-пу йывті шонді шуньгө,
Шуньгө ыджыд, гөрдсьыс-гөрд,
Лязйөс моз көть сійөс чуньышт,
Чуньышт — лоан код и пөт.

Йи куд улын узысь юыс
Бытьё еджыд тетрадь лист,
Байдөгъяслөн сэн кок туйыс,
Бытьё бордйөн гижөм висьт.

Сиктлань сьёкыд кымөр кывтө,
Төв бөр кывтө өдйөкодь,
Бытьё йизьом енэж вывті
Мамө вайө турун додь.

Локтіс рөмыд кок чунь йылас,
Эг и төдлы, пуксис рыт.
Кывбур чужан муным йылысь
Кута гижны рытивбыд.

Гижны эськө колө сідзи,
Лыддисны мед зон и ныв.
Йөзлы сьөлөмас мед сидзис
Шань да мича коми кыв.

Весиг вояс кольөм бөрын
Кодкө эськө шуис мед:
«Гижліс кывбурсө Напалков —
Эжва катыдса поэт».



Сьӧд вуджӧра война...

Кыдзи верман вунӧдны мортӧс, кодӧ батъ-мамлӧн вӧлі мед-ся дона да радейтана пиӧн! Со сійӧ котӧрӧн пыртӧ пес, Эжва юысь карнанӧн катӧдӧ ва и войт оз солькнит; со гылыд серам-сорӧн ворсӧ чойыскӧд гуся нимъяс мышкуас гижталӧмӧн, со мамыслы пачпод чышкӧм вылӧ вайӧ ныв пу лыс, либӧ батъыскӧд рытъявылыс кыӧны гымгаяс... Кадӧн тай вушйис эз сӧмын сылӧн востерлуныс да нимыс, нои чужан муыс, кӧнӧ быдмис, кӧнӧ муса нывкӧд паныдасис, сӧсся чизыр репрессия кадӧ пыкис олӧмсӧ муса гӧтырыскӧд да челядыскӧд.

...Уна во чӧж эг дугӧдчыв тайӧ мортислысь олан туйсӧ корсьӧмысь. Дас кык во сайын МВД-са архивысь корсьлі документъяссӧ, но меным найӧс ӧти синмӧн видзӧдлыны эз сетны, шуисны, военнӧйяслысь документъяссӧ оз пӧ позь сетны весиг рӧдыслы, лӧдзисны босьтны сӧмын киӧн печатайтӧм олан туйсӧ дженъыд пасйӧдъяс да ылӧсас содтисны, тайӧ мортислӧн пӧ эм нӧшта кык фотоснимок, сӧмын киӧ ог сетӧй, а снимайтны верманныд. Дерт, тайӧ вӧлі вывтӧ шензьӧданаторйӧн! Пыр жӧ снимайтӧ, и сӧлӧм вылын лои долыдджык. Компьютерӧ фотоснимокъяссӧ шыбитӧ, а сӧсся... программасӧ вежӧм бӧрын найӧ менам вошисны. Кӧть программатӧ вежигӧн унатор дискъяс вылӧ босьтлі... Кад мысти выльысь шыӧдчи МВД-са архивӧ, ӧд фотоясыс вит во сайын на и вӧлі... но шуисны, кадыс пӧ документяслӧн коли, и найӧс лои бырӧдӧма. А ме: «Кыдзи? Мыйла?». Пыран ӧд МВД-ӧ, а сӧні коридор стенас Улыс Вочса куим мортлӧн ним-овыс, и горшыд гӧрддзасьлӧ, мыйла налӧн портретъяс абуйс, и олан кадсӧ абу гижӧмны. Эг лӧдзчысь корсьысьӧмысь, пукси гортын да вежон чӧжӧн сюрс сайӧ диск компьютерын видлалӧ — корси военнӧй формаа том зонмӧс. Да ӧд аддзи! Аддзи! Аддзӧмторйыс ме выльысь быттӧ кыз кучик кульыштӧс, лов вылын лои вывтӧ лӧсьыд.

Медводз босьтчыла осьтыны тайӧ мортислысь судьбасӧ, стӧчджыка кӧ, «разя» Василий Тимофеевич Чувьюровлысь дженъыдик олӧм туйсӧ. Йӧзлӧн висьталӧм серти, война вылӧ сійӧс босьтлісны Улыс Вочысь, а чужлӧма-овлӧма Дереваннӧйын. «Книга памятиын» война вылӧ мунӧм йылысь пасйӧма сӧмын чужан восӧ. И со, 1912 во серти архивса «Метрикаысь» аддзи сылысь чужан лунсӧ да тӧлысьсӧ: апрель 7 лун, Дереваннӧй сикт. И кыдзи шулӧмны батъ-мамсӧ... Помалӧма

зонмыд медводдза тшупода школаын нель класс. Дас вит арөсөн босьтөмаось вөр породны да вөрсө пурйон кылөдны Сьодкыркөтшөдз. Тадз мырсёма сизим во чөж, 1927 восянь 1934 воөдз. 1934 вося сентябр нельөд лунсянь 1936 вося октябрь 23 лунөдз служитөма РККА-ын (13 № ОМРС, Ленинград кытш). Тані 1935 воө сійө пырөма комсомолө. Кык во служитөм бөрын воөма гортас, и ньөти шойччитөг «домалөны» бригадирөн Дереваннойса «Октябрьская Победа» колхозө, да уджалө сэні 1937 вося октябрь төлысьөдз, стөч во чөж. Тайө кад вылас по-



масьö сылөн крестьянин уджыс. Ноябрьн локтөны Коми АССР-са НКВД-сянь нарошнойяс да корөны том мортөс Усть-Кулом районса милициялөн отделө. Декабр первой лунсянь Усть-Кулом райотделса милицияөн веськөдлысьяс райотдел Народной образованньокөд отвылысь пунктөны сійөс торъя индөдъясөн рядөвой конвойной милиционерөн, шуөма вайөдөм йөзлысь челядьсө овмөдны Кулөмдинса, Керчомъяса, Немдинса да Скөрөдумса детдомъясө. 1936 воө сетлөмны гуся сводка: «Кулөмдин районө вайөдөма трудовь-исправительной колонияса йөзлысь 1258 челядьсө, на пиысь велөдчөны сөмын 955, велөдчитөг гортас олөны 303; та понда ОБЛОНО ыстө 23 велөдысьсө». Кулөмдинө немеч челядьсө велөдөм вылө вөлі вайөдөма и Крымысь немеч-педагогъясөс: на пөвстын Кохендерфер Эрнст Иванович, Кекк Фридрих Фридрихович, Кекк Адольф Фридрихович, Рейзер Владимир Илларионович. Мыжтөг мыждісны, медым вайөдөм челядьсө велөдны ас кывйө социалистической меркаяс серти. Москвасянь РСФСР-ысь пытшкөсса делөясөн веськөдлысь В.Н.Толмачёв 1930 вося апрель 16 лунсянь сетө Войвывса НКВД-яслы юөр да стрөг индөдъяс: «В общей сложности в Северный край доставлены уже 45 тысяч кулацких семей, т.е. 158 тысяч человек, из них трудоспособных 36 тысяч человек, и они отправлены на разные работы, остальные 122 тысячи человек — это женщины, дети, старики...». (Архив РК. Ф. 290, оп. 1, д. 386, 96—103 л.б.). Татшөм индөдъяс улө Кулөмдин бердса сиктъясын пондісны восьтавны детдомъяс, көні некутшөм санитарной норматөг овмөдалісны вайөдөм челядьсө: Помөсдинө вөлі вайөма 151 роч кагаөс, Вежаюө да Лесной Черө — 129 немеч кагаөс, Пожөг бердса Тымсерө — 212 роч кагаөс, Мыс бердса Лопъявадө — 137 роч кагаөс, Немдинө (Ын трудколонияө) — 38 немеч, 18 роч да 7 чех кагаөс, Ньюмыдө — Воронеж обласьтысь 118 роч

кагаӧс, Зимстанӧ — 173 роч да 14 украинеч кагаӧс, Пивьюӧ — 69 роч да 32 украинеч кагаӧс, Ӧкӧсӧ — 113 роч кагаӧс. Мыж-тӧг мӧдӧдӧм бать-мам дорысь челядьсӧ пыр жӧ торйӧдлӧма-ӧсь, челядьсӧ юклӧмаӧсь куим категория вылӧ: вӧляӧн бать-мамӧс овмӧдӧм; спецпереселенечьяс (уджӧн «мыжсӧ» киритны йӧткыштӧм йӧз), меставывса кулакалӧм бать-мам — став челядьлы аслыссыкаса детдом (ГУРК НА РК, ф. 148, ед. хр. 559, 77 л.б.). Бать-мамлысь мырддӧм челядь 1937 воын кутӧма-ӧсь пышъявны, лоӧмны беспризорникъясӧн. Медся уна пышъялысьыс вӧлӧма Кулӧмдін районын — 150. Унджык челядьыс мунлӧмаӧсь корны сиктъясӧ. Татшӧм челядьсӧ куталӧм вылӧ ОБЛОНО чуктӧдлӧма бюджетсыс 5940 шайт: 170 пышъялысьӧс вайӧдӧмысь; быд кагаӧс кутӧмысь мынтылӧмаӧсь 35 шайт... Тайӧ вӧлі сьӧлӧм пыдзыртана кад. Некрыдз эз гӧгӧрво Василий Тимофеевич, сэки том морт, мыйла социалистической страна кыпӧдӧмыс татшӧма мӧрччис йӧз олӧмӧ. Некрыдз эз вежӧрт и сійӧс, мыйла Немдінӧ восьтісны торъя детдом, кӧні вӧліны сӧмын на пузчужӧм кагаяс, кодъяс эз на кужны сёрнитны ни эз тӧдны весиг ассыныс нимнысӧ. Да и челядьсӧ быдтысьяслӧн эз вӧв ки уланьс некутшӧм список, эз тӧдны, кодъясӧс найӧ быдтӧны и кодъяслӧн лоӧны налӧн быдтасъяс.

Мамыс Василийлӧн, Чувьюрова (Удоратина) Елена Константиновна, чужлӧма 15.07.1877 воын, помавлӧма Керчомъяса школа, велӧдлӧма школаын; сылӧн батыс вӧлӧма Константин Феофанович Удоратин, а гӧтырыс — Агрипина Сидоровна. Василийлӧн батыс вӧлӧма Тимофей Васильевич Чувьюров (12.02.1879), чужлӧма Дереваннойын. Овлӧмаӧсь Дереваннойса Кырув грездын, керкасӧ батыс лэптылӧма 1910 воын. Колхозӧ семьясӧ пыртлӧмаӧсь 1929 воӧ, колхозсӧ нимтылӧмаӧсь «Октябрьская Победа». Вӧлӧма Василий Тимофеевичлӧн дзик ӧти чой — Екатерина Тимофеевна Чувьюрова (20.09.1916), велӧдчылӧма мӧд тшупӧда Дереваннойса школаын. Унаысь мамыс, Елена Константиновна, шулӧма пиыслы, мый небыд руа зонлы оз лӧсяв погона военной удж. Мамыслысь кывзысьтӧг Василий босьтчас НКВД-са уджӧ. Сьӧкылдлуныс сы олӧмын заводитчас НКВД-са индӧдъясӧн ас сиктса йӧзлысь челядьсӧ Кулӧмдінса распределительӧ да детдомӧ нуӧдалӧмсянь. 1937 вося апрель 4 лунӧ индӧмаӧсь детдомӧ вайны Григорий Дмитриевич (16.09.1893) да Анастасия Ивановна (11.04.1896) Гуляевъяслысь нель нылӧс: Анютаӧс, Павлинаӧс, Раяӧс да Лидаӧс, а ыджыдджык нывсӧ, Сашаӧс, кӧсйӧмаӧсь мӧдӧдны увйысьны вӧрӧ. Посни челядьлы ветымын версттӧ подӧн котӧртны сьӧкыд, та понда налы дыр ковмӧма виччысьны сідз шусяна подвода. Овмӧдлӧмаӧсь найӧс недыр кежлӧ Александр Александрович Чевский ордӧ. Сійӧ вӧлӧма велӧдысьӧн, комын во нин велӧдӧма Дереваннойса школаын. Чойясӧс колльӧдны да юрсиктса милициялы аслыс петкӧдчывны мӧдӧдчас и Саша. Туйын Василийлы зэв ёна кажитчас томиник, жебиник да мичаник, кузь кӧсаа нылыд. Доддын мунігӧн зонмид корас лоны сылы гӧтырӧн, он кӧ пӧ пет ме сайӧ, нэмтӧ ковмас кӧнкӧ

вöрын тшыг нисö пöт овны, кодлыкö мырсьыны-увйысьны, дай кытчö на-й туркнитасны-ыстасны. Арлыдыс на костын вöлöма вит во, кыкнанныс чужлöмаöсь апрель тöлысьö, öти-ыс сизимöд, а мöдыс — дас витöд лунö. Тадз öта-мöд костын шмоньсора сёрни сетис эз сöмын тöдмасьöм, но и лоöмторсö разьöм вылö лача. Мунигчöжныс бергалöма выль керкаö пырöм йылысь сёрни. Гуляев семьялы эз удайтчы овны сәни ни öти лун, кодкö суклялöма Митрей Гришаöс, мый выль керка вылö вöрсö унджык пöрöдöма, тайö пö абу сöмын гусясьысь, но и «классово-чуждöй элемент, кулак», со пö кутшöма керка öшиньяссö мичмöдöма да пельöсьяссö серлöдлöма — йöзлысь синсö ёрö!.. Рая чойыс доддын мунигөн сёрниö жö пырöдчылöма, мый батыс 1910 воын 17 арöсөн ветлöма Тобольск карöдз, медым велöдчыны мича керкаяс кыпöдны, документъяс серти лоöма «Зодчий по деревянному строительству Г.Д.Гуляев». Та вылö пö и вежгöны сиктса веськöдлысьясыс, асьнысö вылö пуктöмла пыр вредительясöс корсьöмны... Василий Тимофеевич тöдис да и аддзылис, мый вöчсьö Гуляев семьякöд: син водзас на, кызди Митрей Гриша котөрөн пырö сельсöветö Тобольскысь ньöблöм мича сьод ной костюмөн, кокас — ас ялавич куысь вурöм бур кöма. Юрас кокныдик сера кышöд, тадз сийö петавлис сиктö бур йöз водзö. Недыр мысти пывсянысь моз зумыша петö улыс гач кежысь, дөрöм ни гач... Сашалөн ичöтджык чойыс, Лида, зумыша пукалысь мортлы нора содтис: важ керкааным пыригөн пö мамö юалис, мый лоис, а бать пö пуксис лабичö да киргöмөн пычиктис: «Кулакалисны...». Юр выланым ставлы öтпырийö бытьö ыджыд чер уси. Лöньлим недыр, а сэсся батыным чеччис да шуис, мый колö лöсьöдчыны туйö. Челядьнымöс пö кольöдöны Чевский велöдысьлы, а выль керканымöс асалö сельсöвет... Локтисны куим мужик да выль керкатö томналисны, а öти на пиысь пыр ропкис, мый керкасьыс став мичмöдан эжсö колö бипурын сотны, мед керкаыс некодлы синмö эз «чеччышт», а то тані Опонь вуж барскöй олöм лöсьöдöма!

Василий да Саша 1937 вося сентябр 17 лунö гижсисны Кулöмдинса загсын. И кык во олисны да уджалисны Кулöмдин райотделса милицияын. Май 10 лунся 1939 воö приказөн Василийöс ыстöны Улыс Вочö участкöвöй уполномоченнöйөн, кытчö вöли котыртöма көкъямыс колхоз: «Боевик» (Улыс Воч), «Ворошилов» (Улыс Воч), «Лозунг» (Улыс Воч), «Искра» (Öкös), «Первое мая» (Канава), «Молотов» (Вылыс Воч), «Каганович» (Тымсер), «Труд-Земля» (Дёма). Василий Тимофеевичлы индöмаöсь видзöдны, кызди колхозса юрнуöдысьяс сдایتöны госуарстволы йöв-вый, яй, чипан кольк да нянь-град выв пуктас, видлавны документъясысь, эм-ö көзаяствоясын поставка торкалöм да колхозникъяслөн норасьöмъяс. Тані гозъялөн быдмöны нин Вадим да Тамара. Ветлыны ыли колхозъясö вöли зэв сьökыд, да и туйын быдторйыс сулис. Сьölöмсянь уджалис Василий Тимофеевич, быдтор аддзывлис и пыр мунис йöзлы ньылыдөн, некор лёк кывйөн эз сёрнит, кужис быдöнкöд ладмöдчыны.

1939 вося декабр 24 лунö сийöс бöрийöны Воч сиктсöветса

депутатон, а нелямынод во заводитчигон пыртонь ВКП(б)-са члено, индоны Воч сиктса партъячейкаон веськодлысьон. 1940 воын Василий сиктса лавкаыс уджийозон ньобб мелкашка. А кадыс вöлі чорыд, пыр корсисны вредительясос. Саша гөтыр-сö пыркөдомон пыркөдисны, быттö Дереваннойын виль кер-касö кыпөдомын мыжыс кулак ныв вылын. Пыр юасисны верөсылысь, эм-ö гөтырыслон бать-мамыскөд йитөд. Чиршөд-лисны и верөссö, но Саша пыр кыліс, мый верөсыс оз сет увтыртны. Том гозъя бура лөсялісны, öта-мөднысö радейтіс-ны, торйон нин донаос вöліны муса челядьныс. Вочö воом бöрын Александра Григорьевнаос босьтісны школаö завхозон, квайт во чөж ноксис сәні. Олісны Кирилл Матрен Морохи-налон (Кочанова — 2.03.1894 воын чужлөма) керкаын. Кык семья овломны öти овмөсөн, öтвылысь төвъян пес вöчлөма-ось, мөслы турун пуктылөмаось, весиг кагаяссö öтвылысь видзлөмаось. Регыд көзйякаыслысь пьянсö, Василий Ивано-вич да Степан Иванович Морохиньясöс, босьтөмаось война вылө.

Дзонь во нин муніс война, а Василий Тимофеевич пыр на колхозъясын удж бергөдіс. «Первое мая» колхоз вуджөдісны Немдін бердö, да көть сылön Канавалань туйыс «дженьдам-мис». 1942 во тулысьявылыс Öкөсса «Искра» колхозысь том-уловыс пондісны пышйыны Перым муö. Пышйысьясос кутöm вылө сетöмны НКВД-сянь индöд. Нель морта команда пыра-ліс Чердінөдз, но кутны некодос налы эз удайтчы — пышъя-лысьяслы дзебсясьом вылө вöрыс помтöm-дортöm... Бöрсö Улыс Вочö локтігон вайöмны зэв бур капуста көйдыс — кол-хозъяслы да сиктсалы тайö вöлі вывті коланаторйон... Öкө-сын вöлөма спецпереселенечьяслы исправительно-трудöвöй ла-гер — 760 морт вылө. Налон корöm серти «Искра» колхозлы капуста көйдыстö юкөмаось жö. А война заводитчан медводдза тöлысьясö Öкөсса олысьясос пöшти джынвыйö нуисны фронт вылө. Колхозын уджалысь лыдыс сэк ыткөбон чиніс, а госу-дарстволы сдایتан поставкаяс эз чинтыны, мөдарö на — сод-тісны. Колхознас веськөдліс роч, зэв грамотнöй, мыжтөг мыжалöm морт, Григорий Петрович Елотонцев. Мортыс вöлі вывті шань, веськыд, осьса сьölөма, бура лөсяліс Василий Тимофеевичкөд. Тылын уджалысьяслон олöмыс сәки вöлі зэв сьökыд, колхозын кынөмпöt перйöm кындзи коліс и асьыд көзййствотö кутны.

Апрель 1942 воö Чувьюров гозъялы детдомысь вайөдоны Сашалысь кык ичöt чойсö — Анютаос да Павлинаос, а Скö-рöдумысь кык чойсö, Раяос да Лидаос, ыстöны бать-мам дорас, кодъяс уджалісны Печора — Воркута көрт туй нюзөданінын. Торйон чойяс быдмисны, торйон и мунісны олөм туйöдыс. Во-чö воом бöрын Павлинаос мөдөдісны Слудаö вөр кыскавны. Анютаос эз босьтны, зэв ляб на вöлі, сöмын 11 арös тыртіс. Ёна мырсисны вөр кыскалысьяс: водз асывсянь вöвъясос вер-дасны да медводз петöны туй шыльöдны... Ок, и сьökыд вöлө-ма керъяссö доддьö тэчны, а овлөма и — доддьыд чашкалас, ставсö колö вöчны да дзоньтавны аслыд. Саша некыдз эз вер-

мы отсавны: он лэдз вöрын уджавны — саботажник, враг на-рода. А найö öд пыр на кулак лыдын вöліны.

1942 во. Йöз чайтісны, мый война регыдön помасяс, но немеч зырис водзö. Улыс да Вылыс Вочьясысь, Дёмаысь, Вöллысь, Габовысь и Дзоллысь лои мөдөдöма сизимсө сайö том да верстьö мортöс, а район пасьталаысь — сизим сюрс сизим-сө дас куимöс. 1940 воын Улыс Вочөн веськөдлыны пуктыліс-ны Егор Михайлович Морохинöс, сылы вöлі сетöма индöд военкомкөд öтвылысь вöчны йöзöс война вылö мөдөдөм вылö список, а сэсся и асьсö мөдөдісны фронт вылö. Тупкысисны сиктса партъячейкаяс, джынвийö бырөдісны скөт видзөм, нач-көм яйсö мөдөдісны фронтö. Чиніс и вөр лэдзөм — Тымсерысь вөрпунктсö тупкисны, а «Каганович» колхозсö кутісны на, веськөдлысьөн вöлі Александр Александрович Липин. 1942 вося май 11 лунö война вылö босьтісны и Василий Тимофеевич Чувьюровöс, милицияөн колхозъяс видзөм бырөдісны.

Кызд и унджыкыслөн, Василий Тимофеевичлөн семья ко-лис некодсянь отсөг виччысьтөг. Луннас Александра Григорь-евна завхозалис школаын, а рытнас мырсис колхозса му вылын. Кирпич сарай дорысь налы торйөдісны му. Тайö вöлі сьод, не-быд му, көні бура быдмис капуста, морков да картофель. Уна му эз сетлыны, но капуста быдтөм вöлі лачаөн, öд Александр-ралы аслас ныв-пиысь öтдор коліс вердны и детдомысь вайö-дөм кык ичөт чойсö. Виччысис сентябр чөж, кор көдзыдыс кутчысьлас капуста бердö, сэк дырджык свежөйөн олас, да и чөскыдджык лоö. Верöс мунөмсянь коли пöшти во джын, го-жөмыс найöс кутіс да вердіс, а колö на и төв вуджны.

Воис капуста керан кад. Кирпичсарай дорö кайисны став котырөн да шемөсмисны: ни öти көчан град вылас абу, керö-маöсь и нуöмаöсь! Сиктын сөмын квайт чуня Марья жерьялө-ма: мун пö да аслад дереваннойсаыдлы элясь, гашкө, көчантö пызан вылад ваяс, а гашкө, и война вывсьыс мужикыд саламат на ваяс! Некодарö шыбитчыны, некод дорö шыасьны — кытысь корсян?! Гижис та йылысь верөсыслы, кодлөн стрелкөвöй пол-кыс сэки Новгородсянь писькөдчöма Ленинград бердö... Кык төлысь мысти воис вочакыв: «Кутчысьöй кызкө, локта да ставыс тіян лоö, эн шогсьöй. Удайтчас кө Ленинградысь фа-шистьясöс зырны, сетласны меным кык вежон, верма волы-ны гортланьö». Кызкө тай Кирилл Матрен литра йöv быд лун челядыслы чуктөдіс, быд ног отсасис, эз сет кок йыв-сьыныс усьны. Төвійисны öд! А Василий Тимофеевичöс гортас волыны сідзи эз и лэдзлыны. Война нельöд воис Чувью-ровъяслы вöлі медся сьökыдөн. Гижис Александра верөсыслы татчөс олөм йылысь да, мый кач вылö нин вуджисны. Сэк верөсыс вочавидзис: «Кызкө видз челядтö, нылуктö верман бать-мам дорад мөдөдны чойясыдкөд, а питö видз, локта да лөтчикö кута велөдны...».

Павлинаöс бара Слудаö аръявылыс кер кыскавны мөдө-дөмаöсь, а ичөтджык Аня чойыс гортын на олөма. Сэсся, юыс эз на тупкысь, Павлина пышйöма кер пөрөданінысь. Саша чойыскөд сёрнитчөмөн сьöрсьыныс босьтөмаöсь нель арöса

Тамарао̄с, медало̄мао̄сь пыжао̄с да арся ко̄дзыд войясо̄, йи сувттōдз на, кык сутки чо̄ж кылōдчо̄мао̄сь Кулōмдiнōдз. Танi Павлина паныдалōма том зонмōс, кодi велōдчылōма да уджавлōма Минска радиозаводын, а Кулōмдiнын нюжодалōма радиоточкаяс. Сiйō чуйдо̄ма чойяссō, мед мунасны овны Белоруссияō: мян пō ко̄ть бедь шыбит муад, пыр и вужъя-сьō, мый ко̄дзан, сiйō и быдмō! Эскисны ōд, лача кутiсны бур оло̄м выло̄ да весько̄дчисны ыли муō, но эз го̄гōрвоны, мый и сeни тыр ōдōн муно̄ война...

Сашалы челядько̄д торйōдчо̄мыс вōли ыджыд дойōн. Ко̄с-йис на уджалыштны школаын, да и колхозын уджалōмысь сетыштлiсны жо̄ паекъяс, и трудовеньтō пасьялiсны. Став шоныд ко̄луйсō нянь да шыдо̄с выло̄ вежлалiс, а кокни пась-ко̄мōн туйō петны, да нōшта и пиыско̄д, полiс. Но Вочысь мунōм выло̄ помка пыр корсис.

Ленинград дорйōм бо̄рын Василий Тимофеевичлысь отде-лениесō весько̄дiсны Эстонияō. Силламяэ кар мездiгōн сыко̄д вōлины кык коми морт: Немдiнысь Андрей Саввич Бабин да Помōсдiн бердысь Илья Ефимович Шахов, батальонса коман-

А К Т № 532.

вручения медали "За оборону Ленинграда" 200

" II " сентября 1948 года

35 ОТДЕЛЬНЫЙ ПУЛЕМЕТНО - АРТИЛЛЕРИЙСКИЙ БАТАЛЬОН 14 у.р.

В соответствии с пп. 2 - 3 Положения о медалях "За оборону Ленинграда", "За оборону Одессы", "За оборону Севастополя" и "За оборону Сталинграда", утвержденного Указом Президиума Верховного Совета СССР от 22 декабря 1942 года мною Командиром 35 Отдельного Пулеметно-Артиллерийского батальона ПРИСУЖИНЫМ Михаилом Захаровичем от имени Президиума Верховного Совета СССР произведено вручение медалей "ЗА ОБОРОНУ ЛЕНИНГРАДА" нижеподписанным участникам обороны г. Ленинграда:

п/п.	ФАМИЛИЯ, имя, отчество	Звание, должность	Серия и удостоверения и медали	Примечание
442	ЧУВЬЮРОВ Василий Тимо- феевич	Сержант, командир отделения	X 28442	

дирōн жо̄ вōло̄ма. Силламяэō пыригōн февраль 25 луно̄ кыкнан ёртыс по̄гибнитōны, а февраль 26 луно̄ по̄гибнитō и Василий Тимофеевич Чувьюров. Верōсыслōн усьōм йылысь юōр воōма со̄мын март то̄лысь помō.

Тулысыс вōло̄ма го̄гōрвотōм: йи вылыс рыжмис, ю вочасōн лō-зо̄дiс, вōла туй рушмис, да и вōлōн Кулōмдiнōдз лeччōм выло̄ лача эз ло. Вōвъяс сиктсалы эз сетны, нарошнōйяс письмōясōн да пособиeясо̄н волiсны то̄лысьнас дзик ōтчид, ко̄ть сeян по-ставкала военной пасько̄ма йōз волiсны то̄лысьнас куимысь-

патронъясөн воис. Тайё Вадимлы лои ыджыд радлунён, но мелкашкасё пырджык вөр керкаса көзяин босьтліс, и тайён зонкаос мыйтакё дөзмөдіс. Сэсся квайт арөса зон пондіс водзсасыны, батыёлысь мелкашка пö ог сет, бать пö тшöктіс меным видзны... И пыр на эскис, мый батысь локтас война вылысь. Мам дорас көзяин зэв меліасис, и төждысис быд ногыс, мед сөмын эз пышйыны эня-пия. Тайё ёна жугыльмөдіс зонкаос, но олісны эня-пия ладён, лоисны көзяинлы төварышъяс пыдди. Көсйысис вөр керкаса көзяин, мый помасяс война, и нёобас аслыс выль пищаль, öд сылысь босьтісны военкоматсаяс.

Дзонь гожом дай ар эня-пия олісны вөр керкаас. Көзяин пуктавліс капканъяс, сёла дзугъяс, көч петляяс и быд төлысь свежой яйсö кузь нартөн петкөдліс сиктö. Тадз öтчыд кывлöма, мый Кочанов рöдысь Максим Гриша Рöманлысь керкасö вузалö сельсовет. Асьсö сійöс война водзвылас дыр кезлö колонияö пуксьöдöмаось озыра олöмысь, гашкö, дас воысь дырджык кезлö, а гöтырыс, Михайлö Öгаш, аръявылыс тшыгла кулöма, стöчджыка кө, 1943 воас йирым 4 лунö. И керкаыс гурйив восьса кольöма. Павел Öльöш ас рöдыслысь керкатö нёобас да сэтчö овмöдас Александраос пиыскöд. Дерт, сиктсалы тайö кажитчис чуймöданаөн, ёна кывпесісны, но Павел Öльöшлөн гуся олöмыс медся ёна имитіс гöтырыслы, Максим Вералы, кодлысь батыөн бласлөвиттöг-колльöдтöг война вылö нуисны кыкнан писö. Гöтырсö Павел Öльöш öлөдіс, тэ кө пö колльöдін синвасорөн да лөвтін-ойкайтін, то ме найöс паныдала ловйөн да пöся топöдлöмөн, медтыкö войнаыслы пом волас-а.

Александра Григорьевна военкомат да сельсовет пыр корсис асьыс бать-мамсö, медым төдмавны Тамара нылыслөн да чойясылөн на дорö воёмсö. Удайтчис сөмын төдмавны, мый найö Печораöдз абу воöдчывлöмаось, а батысö да мамсö овмöдöмаось Кожваö, кыкнанныс пöрöдöмаось вөр, бригадаса котыркöд дугдывтöг вöчöмаось көрт туй, 1937 восянь 1944 воöдз. 1944 вося юнь 25 лунö батысö босьтöмаось война вылö, ыстöмаось видзны японечьясысь Дальний Восток. Вöлөм, Ылі Асыввылад Митрей Гриша ёртъясыслы вöчавлöма чипсанъяс да ыззьöдлöма лыйсиг местаысь местаö вуджигөн на шы улын лыддыны японечьяслысь лыдсö да кымынös лыйöма-тотшнитöма. Дзонь во служитöма Г.Д.Гуляев, гортлань мөдöдчöма сөмын 1945 вося юнь 30 лунö. Воас Кожваö да тшöтш кутчыяс нывъяссö да внучкасö корсьны. Корсясны оз öти во, а 19 во! А Анюта да Тамара öта-мöдсö аддзывтöг быдмасны Харьковса детдомъясын. Чорыд бомбёжка бöрын Павлина абу сяммöма корсьны ни Анна чойсö, ни Саша чойыслысь нель арөса Тамара нывсö. Дзик öтнас мөдöдчас Павлина Белоруссияса Молодечно карö, кытчö чойясös ышöдіс бур олөм корсьом вылö Кулөмдінын радиоточка нюзöдысь том зон. Уна во мысти мамыс дорö воöдчас Тамара — 1964 вося март 24 лунö. Виччысьтöг пырас, здоровайтчас да шуас: «Тöдін-ö менö?». Мамыс пласьтмунас джоджö, а палялөм мыстиыс синвасорөн шуас: «Тöді, дитяй,



тöдi. Дзик бaтьыдлöн öбликыд!». Киас нывлöн вöли ичöтик тубрас, да синвасорöн висьтасис: со тайö пö дыр кад чöж вöли меным документöн, та серти пö тэнö, мамук, и корси. А киö кöрталöм клеёнкасö пö паспорт босьтöдз уна во новлöдлi — и петкöдлас клеёнка кусöк, кытчö химическöй карандашöн вöли пасйöма нывлысь да мамыслысь ним-вич-овсö, и кытысь-кытчö мунöны. Пыр олöма Харьковын, сэсся сийöс öти ань босьтлöма детдомсьыс кага видзны да гортгöгöрсa уджъяс бергöдны. Öкмыс арöссянь пö кöзаякалысь мöс лысьтi, водз асыв пö чеччöдö да вокзал вылö ыстö бидонöн, и ме горза: «Кому молоко? Кому молоко? Кому молоко?». Быдмыштi пö да вурсьыны кутi, чукöртi сьöм да петi верöс сайö. Детдомса жö менам верöсöй, Гуц Орис. Печора карö дзикöдз овны лок-тiм, кöнi вöлины ыджыд мам да ыджыд бaть, и мамлöн чойяс: Лида да Рая. Ичötөн на помнитi пö «Печора» кывсö, и быд водигöн некымынысь шуавлi, мед не вунöдны. А «Воч» кывтö пö эг кут юрын, ставöн кöсйим мунны татысь да.

19 во мам да ныв эз аддзысьлыны, и кыкнанныслы торйöн олöмыс вöли сьöкыд да сьölöм чепöльтана кадöн. Александра Григорьевна дзик быд во корсис найöс. Öти кадö весиг дугдiсны босьтны шыöдчöмсö. Вөлöмкö, вөр керкаысь воöm бöрын, аръявылыс нин, кор став урожайсö колхоз муяс вылысь вöли идралöма, колхоз му вылысь аддзас да гудйыштас дзик öти кольöм-быдмöм сёркни, корнас и вужнас ваяс гортас. Кодкö та йылысь юöртас «Ворошилов» колхозöн веськöдлысь Поповлы.

Аскинас рытъявылыс воас районса милиционер, мед нуны район, но Александра петук моз уськөдчас сы вылө: «Ветлін-ө война вылад? Кымын челядь тэнад? Отсалоны-ө удж вывсынын тэнад семьялы? Менам верөс милиционер жө эськө вөлі, но война нбылыштис, а колис меным кык кагукөс... Өтисө чойяслы сеті бать-мам дорө нуны, а мөдсө ас дорө коли! Кольны пиукөс ог вермы, матысса морт тані некод абу. Эндөм му вылысь өти сёркни аддзөм вөсна милиционер гөтырөс пуксьөдөны! Подөн кагакөд некытчө ог пет! Районөдз мунөм вылө вайй меным подвода!». И петкөдлас милиционерлы сёркни корсө — тайөс пө сёрсыным босьтам. Миян пө муыд абу, мөскыд абу, мыйөнкө пө колө вомтө да рушкүтө ылөдлыны... Тайөн и помасяс налөн сёрниыс. Лэдзчыяс сыысь милиционерыд, но Александралы лөня овны дыр на оз сетны. А репрессия улө веськавлөм бать вывсыс мыжтөм мыжсө дзикөдз вештасны сөмын 1955 воын. Кольчас овны Печора бердса Кожва посёлокө. Дереваннойса сельсөветөн мырддьөм керкаө сёлөмыс эз кыскы. Саша нывсө видлөм могысь бать-мамыс волісны Улыс Вочөдз юнь 1955 воө. Нылыс сәки оліс Гриша Иван Павел Өльөшкөд, коді отсаліс сылы тшыг кадө, сәсся лои верөсөн. Арлыднас сійө вөлі Сашаысь кызь сизим арөсөн ыджыджык, ёна радейтис гөтырсө, но зэв жө и ёна вежөгтис. Чина йөз пыравлісны на ордө да кыпыда нюмъявлісны, кор на водзө петавліс Саша. Верөссө «сотлісны» гөсьтъяслөн кывъясыс: «Аттө дивө, Палыч, мича жө и гөтыр тэныд сюрөма?!». Татшөм кывъяс бөрад өтчид ручевникөн вундөма гөтырыслысь кыз да кузь көсасө.

Павел Өльөшлөн кыкнан пиыс воисны война вылысь. Митрөйыс Германияөдз фашистъясөс вөтлөма, а мөд пиыс, Андрей — Ленинград дорйөма. Мамыслы кыкысь юөр волөма: «Пал смертью храбрых» да куимысь «Пропал без вести». Локтөма гортас 18 ранаөн. Сьөлөм бердас осколокъяс понда кувсяс март 24 лунө 1949 воө... Төдісны и гөгөрвоисны вокъяс батыслысь мам дорсыныс мунөмсө, зык некор эз лэптывны. Вера Максимовна верөс сертиыс көкъямыс арөсөн пөрысыджык вөлөма, мырдөн гөтравлөмаөсь Өльөшөс дас вит арөсөн озыр ань вылө, но... Вежавидзис Павел Өльөш бать-мам водзас и водзджык эз торйөдчы, олісны и олісны. Йөзыс пыр сералісны, 15 арөсөн пө гөтралісны да, сідзкө, гөтырыд быдтас на тэнө верстяммытөдзыд.

Александра думнас унаысь көсйис ветлыны Дереваннойө верөс рөдыскөд шогсө личөдыштны. Но туйө петны некыдз эз вермы, сылы пыр чайтсис, мый вылысь ковмас «би пытшкө уськөдчывны». Эз во война вылысь верөсыс, эз весиг кывсьыв, кытчө дзебөма сійөс, кызди ветлыны, мед копыртчывны. Уна во корсысьсөм бөрын воис юөр, мый Эстонияса Нарвскөй районысь 8152 № квадратса 1 братскөй гу петкөдөмаөсь да вылысь гуалөмаөсь Ленинград бердө. Со МВД-лөн пытшкөс-са делөяс фондын пасйөмны: «Василий Тимофеевич Чувьуров милицияын служитан кадө асьсө петкөдліс сөмын бур боксянь, некор сылөн эз вөвны этшысь петөмъяс, пример петкөдліс быд

боксянь, вöлі асьсö бура кутысьöн, стöча вöчис став индöд-корöмъяс, вöлі вежöра, пыдди пуктисны сиктса йöз, зiлис сик-тын бырöдны лекторъяс; и война выlö мунтöдз вöлі Кулöмдин-са РОМ НКВД-сянь пасйöма:

— 55 № индöдöн 1939 вося ноябр 19 лунö ошкана кывъяс веськыд да бур уджысь;

— 23 № индöдöн 1940 вося апрель 11 лунö командаын велöдчигöн ас удж дорö бура матыстчöмысь да вöчöмысь».

Василий Тимофеевич Чувьюровöс 11.09.1943 воын вöлі пас-йöма 28442 №-а «За оборону Ленинграда» медальöн. Сылөн нимыс эм Санкт-Петербургса военнöй музейын, Ленинград дор-йысьяс лыдын, кöнi Коми муысь сэнi 482 пöгибнитöм салдат.

Победа лунсянь кутасны пасйыны 80 во. Сэтчöдз эм кöсйöм, мед тайö мортислөн нимыс эз сöмын МВД-са посводзын вöv, но и сэнi, кöнi чужлис-быдмылис, уджалис да быдтылис асьыс челядьсö.

Снимокъяс вылын:

1. Василий Тимофеевич Чувьюров.

2. «За оборону Ленинграда» медальöн наградитöм йылысь актын В.Т.Чувьюровлөн 442 номера пасйöд.

3. Донесение о безвозвратных потерях. Василий Тимофе-евич 154 номера пасйöдын.

4. Анастасия Ивановна да Григорий Дмитриевич Гуляевъ-яс Лидия нылыскöд да сылөн челядькöд, Юракöд да Галякöд (1957 во).

Снимокъясыс МВД архивысь да авторлөн гортса архивысь.



Роман Прокопьевич Ругин чужлис Ямал-Ненеч автономной кытшын, Шурышкар районса Питляр посёлокын.

Школа бөрас велөдчис Салехардса национальной педагогической училищын. 1958 воын, училище помалом бөрас, велөдчис А.И.Герцен нима Ленинградса педагогической институтын. Бурети институтас заводитис гижны. 1964 восянь, институт помалом бөрас, велөдчис Шурышкар районса Восяховса школаын литература, вөлі завучон, а сэсса и школаса директорон.

Салехарддо вуджом бөрын велөдчис Салехардса национальной педагогической училищын история да хант кыв, вөлі райком партияса секретарон, «Ямалнефтегазгеология» трестын инженерон.

Гижис кывбургяс да проза. Медводдза кывбура небөгис петалис хант кывйон 1963 воын. Сэсса сьорсьон-бөрсьон петалисны то прозаа, то кывбура небөггяс. Йөзөдчылис Россия пасьтала быдсяма газет-журналын. Ёна кыскис Роман Прокопьевичос гижан уджас хант мифология. Гижысь топыда уджавлис шылад лөсьөдысьяскөд. Сылон кывбургяс выло пуктома уна сыланкыв. 1983 восянь СССР-са гижысь котырын.

1975 воын Роман Ругинлысь гижөдгяссө пыртисны «Урал войтыр литература антология», а кык кывбур — «Ставмирса поэзия антология».

Р.П.Ругин — Салехардса (2000) да Ямал-Ненеч автономной кытшса (2005) почётной гражданин; Россия Федерацияса культураын заслуженной уджалысь (2001).

Кувсьылис Роман Прокопьевич 2016 вося сентябр 9 лунө.



Роман РУГИН

Ланги

ПОВЕСТЬ

Восяхов вис пөлөн восьлалис шөркост тушаа, паськыд пель-пома, сьод юрсиа Тавет нима том мужичой. Вискыс арланьыс сэтшөма векнялома — мукөдлатыс кевны-вуджны позьö. Весь-кыдвылас кыпөдчö том кыдзөн, сускөн да ниаон тырөм көренной берег. Кыдзяссьыс шаргö-киссьö корйыс. Кок ув турунсö көть и чишнитöма нин пужнас, но шондйыс шонтö на. И Тавет сідзи и этадзи бергөдліс кыз сьылі вылас крепыда пукалысь юрсö, медем кыйны чужомнас бөрья шондi югөрьяссö.

Кыз да дженъыд сьылі вöснаыс Таветлы посёлоксаяс шу-
лывлісны:

— Эй, Тавет! Сьылітö нö кытчö воштін? Юрбöрыдкöд ли мый
öтлаасис?

Но Тавет татшöмторсö пыдди эз пуктыв. Мед, колöкö, сера-
лöны, уджныс кö абү.

Но öд и Ланги вылын, тöлысьөн-джынйөнся кычи вылын,
кодöс Тавет босътлывліс нин аскöдыс вöрас, серавлісны. Со и
талун Ай-Паял нима суседыс горöдіс:

— Вай эн серöд йöзсö! Коді нö татшöм зырымбедьсö вöрö
босътö?

Но Таветлы кöть и эз кажитчы кычи вылас сералöмыс, венö
пырны эз вöв окота, да дженъыдика и вомаліс:

— Тэныд кутшöм мог, Ай-Паял!

...Чикля бöжа Ланги гажаа котöртіс кöзяиныскöд орччөн вис
пöлöныс. Вижöдöм турун вылас бура тыдаліс сьлөн сьöд, сук
гöна мышкыс, а морöс вылас «лэбаліс» еджыд бобув. Сувтас
кö Тавет, сувтас и Ланги. Пельыс тормунас, шом сьöд синмыс
öйылас,— быттö юасьö: кытчö уськöдчыны, кодöс вöтöдны?

«Бур пон быдмö!»,— Тавет бара на радпырысь шылькнитас
понписö.

Мужичöй важысянь нин мөвпаліс рöдвыв¹ лайка йылысь,
кодкöд позьö пöттöдз вöравны тулыс-арнас. Олöма хангыяс шуöны:
«Öти тöлка пон сё тöварышысь надёжнöйджык. Звер турун
вылас гөнтöрсö коляс, а пон зверсö корсяс». И збыль, бур
понтöг кутшöм кыйсьöм? И со кöсйöмыс збыльмис: зоотехник
Хозяинов лайкаыслысь тавося вайöм öти кычиöс шуис сетны
Таветлы. Тавет дыр бöрйысис: малаліс кычияслысь ныръяссö,
виддаліс пельсö да пиньсö. Ныристöм да пельтöм-пиньтöм
понйысь мый тöлкыс! Медбöрын босътіс морöсас еджыд бобу-
ла кычиöс.

— Нимта тэнö Лангиён! Ланги, кылан? Ур кыйысь,— радліс
Тавет.

— Мича ним!— ошкис Хозяинов.— Кылана!

— Олöма йöз шуöны: «Кодлөн уралысь лайка абү, сьлөн ки
ни кок, ни син абү»,— серöктіс Тавет да сюйис кычисö пи-
тшөгас.

Мамыслы понпиыс кажитчис жö. Шылькнитігмозыс и ош-
кыштіс:

— Ичöt да збой! Аддзан, кутшöм сюся видзöдö!..

Сэсся мамыс босътчис важ ног лыддьöдлыны:

Кыньлысь кок уйсö
Кужан тэ корсьны,
Мудер руч бöрся
Повтöг тэ вöтчан,
Ёсь синнад пу вылысь
Урöс тэ аддзан,
Лыйöм лэбачöс
Кöзяинлы ваян!..

¹ Рöдвыв — чистопороднöй, пöрöда сорлавтöм.

Тавет ачыс тѳждысис-чередитіс кычисѳ. Весиг босытліс не-
ыджыд отпуск. Ачыс вердіс, петкѳдліс вѳлѳсьтѳ. А кѳдзыд
пуксытѳдз вѳчис крепыд чом да кышис сійѳс дерматинѳн.
Рытъяснас Тавет лыддис вѳралан понійѳс велѳдѳм йылысь
небѳгъяс. А посѳлокса дзик став кыйсьысьыскѳд сѳрнитліс
лайкаясѳн вѳралѳм йылысь. Ланги велаліс мыччыны кѳзяиныс-
лы лапасѳ, тшѳктытѳг вомас нинѳм эз босыт, да и сідз вѳлі зѳв
тѳлка понійѳн.

— Молодеч!— ошкывліс кычисѳ Тавет.— Зѳв сяма пон!
Тѳлка!

А Ланги радысла легѳдѳ бѳжнас да гажаа никѳстлѳ.

Дерт, Ай-Паял прав: тѳлысьѳн-джынійѳна кычийѳс вѳрѳ
босытны водзкодъ на, но тѳдѳ мѳй суседыс, кутшѳм ѳдійѳ Лан-
ги быдторійѳ велалѳ? А кыйсян уджад понтѳ колѳ велѳдны
кычисяньыс — сѳмын сѳки сыысь быдмас бур отсасысь!

Тѳрыт первойысь лымъяліс, и вѳрас кѳнсьюрѳ лымйыс ко-
льѳма на. Буретш сѳѳла да сѳѳд тар кыян поводдя! А мый
эськѳ кутас вѳчны Ланги, нырисалас кѳ пѳткасѳ?

Сѳнікасьѳм вис боктѳ вѳсьалігѳн Тавет казяліс кык ва тар-
уткаѳс. Октіс пищальсѳ да лѳнис. Уткаяс пырисны тїллѳ
корсьны кынѳмпѳт. Тавет матыстчис берегань. Ланги торгѳд-
чис да вѳтчис сы бѳрся. Уткаяс петісны вѳсьса ва вылѳ, и
кыліс шковгѳм шы.

Тавет бур кыйсьысь. Некор бокѳ оз лый. Вѳськаліс и талун.
ѳні ставыс Ланги сайын! А сылы мѳдысь тшѳктыны эз и ков-
мы. Дженъыдика увтыштїс да уськѳдчис вислань. Тавет эськѳ
шутѳвтїс, мед Ланги видзчысьыштас, но ызъѳм кычи тувчис
нин берег пѳлѳн сѳнікалѳм йи вылас да тюлькысис кѳдзыд
арся ваас.

Тѳдѳмѳн серавліс сы вылын Ай-Паял, кывзыны колѳ тѳлка
йѳзсѳ, а оз пиньтѳ кеслыны вѳча!

Вискыс ляпкыд, да Ланги, дерт, оз вѳй. Но арся ваыд кѳдзыд...

— Ланги! Ланги! Лок! Лок!— горзіс Тавет. Но кычи эз
кывзысь — сѳмын синсѳ чѳвтліс кѳзяин вылас, а ачыс, водз
лапаяснас берегдорса йисѳ жутлѳмѳн, мый вынсьыс тѳрмасис
уткаяслань.— Ланги, Ланги! Да суvt нин!— горѳдіс Тавет да
уськѳдчис вислань. ѳдва и удитїс тшапкыны Лангийѳс шошаѳ-
дыс: нѳшта ѳти здук, и кычи уськѳдчис эськѳ варччѳмѳн ут-
каясла. Ассьыс вѳралан уджсѳ сійѳ тѳдіс зѳв нин бура!

Шызьѳм кычи нетшкысис Тавет кийсь, весиг эргыштїс, кор
сійѳ заводитїс чышкавны-косытыны понписѳ. Медым кычан ба-
ра на эз уськѳдчы ваас, Таветлы ковмис кѳртавны сійѳс тас-
маѳн бедъ помѳ. А ачыс корсис кузьджык зор да келіс ва таръя-
сла. Пон букуыша колльѳдіс сійѳс.

— Ладнѳ, ладнѳ, эн скѳрав,— такѳдіс Лангийѳс Тавет.— Кый-
сим ми тѳкѳд эг лѳка, но тѳныд и збыль водз на вѳравны. Мед
гѳныд быдмас да сукмас, сѳки некутшѳм кѳдзыдысь он кут
повны. Виччысьышт, Ланги, виччысьышт. Ми тѳкѳд ог на ѳт-
чыд и зверѳс, и пѳткаѳс пѳръялѳй. Вот видзѳдлан! Тѳ менам зѳв
сяма, тѳлка да повтѳм!

Водзджык татшѳм шуѳмсьыс Ланги эськѳ ѳна и радліс,

чеччаліс көзиян гөгөрыс, но өні весиг пельнас эз лапнит. Тавет кутіс майшасьны: мыйкө понйыскөд неладнө. Эз жө өд дөзмы?

— Ме өд отсавны тэныд көсйи, йөюк!— дорйысис Тавет.— Эськө кынмин — ваыс өд йи кодь нин!

Ланги оліс чөв, а кужис кө сёрнитны, шуис эськө тадзи кымын: «Домалін менө татчө. Быттьө кутшөмкө дворянинөс. Уткаястө васьыс беддён судзодан. Мыйла либө менө велөдін? Лэбач бордьяс ваявны тшөктылін? Ур бөжъяс да? Омөля ли мый ме тайөс вөчлі? Ачыд өд ошкылін, то чери, то яй сетлін аттьө пыдди, а то и лытор вичмөдлін! Отчыд бөжтөг локті, да весиг эн сёрнит мекөд! Меным колө вөлі уткаяссө босьтны! Меным! А өні кытысь ме төда, колө оз мөдысь пырны ваас?».

Но Ланги сёрнитны эз куж, и Тавет вермис сөмын чайтны, мыйла гажтөмтчис сылөн кыпыд руа кычиыс. Дерт, мыйтакө майшасис та вөсна, көть лоөмторсө эз жө вывті пыдди пукты.

Гортаныс воөм мысти Тавет шонтіс аслыс юква да өдйө и куштис тасьтисө...

Төвбыднас Ланги быдмис да лоис вына том лайкаөн. Тавет ёна нин виччысис тулыссө, медем видзөдлыны радейтана понсө вөралігас. Ваыс муртса на воссис, а Тавет пуксьөдіс нин Лангиөс пыж нырас да мөдөдчис Кырйив Обті Лэбача ді вылө. Тайө ді вылас радейтісны войколавны поздысянінө лэбысь вөрса дзодзөгьяс да уткаяс.

Рытъя кыа кежлө Тавета-Лангиа, кольөмвоя быгалөм турунөн пырзьөм вутшъяс вывті сьөкыда вуджиг, воисны сійө ты дорас, көні вөлі медуна пөтка. Тавет сайөдчис баддяинө. Орччөн лөсьөдчис быттьө сөй пытшкын туплялөм Ланги.

Дыр виччысьны эз и ковмы. Юсьпөлян пөвстысь кыпөдчисны нель көрөг да кутісны гөгравны ді весьтас, корсьны пуксян места. Тавет лыйис дуплетөн. Уткаяс усисны, но өти көрөг, тыдалө, доймөма сөмын — пессьыштис ваас да мөдөдчис уйны берегдорса тільлань.

— Ланги! Босьт!— сетіс команда Тавет.

Но пон эз вөрзьи места вывсьыс.

— Ланги! Кодлы шуөма?

Пон чепөсйис, но тысяньыс дзик мөдарө да уйкнитіс кустьясө.

— Кытчө?!— горөдіс Тавет.— Йөймин али мый?!

Но Ланги эз шыась и некөн эз тыдав. Тавет котраліс берег пөлөныс, горзіс, корис понсө, но весьшөрө. Медбөрын скөрмис да ачыс муніс корсьны ранитчөм көрөгөс. Но и сійө некөн эз тыдав. Пырис, тыдалө, пыдөджык юсьпөлян пөвстө, сэсса и корсь өні понтөгыд вижа-руда тувсовъя турун пөвстас!

Көрөг воштөмыс скөрмөдіс Таветөс, да и мудзыс кутіс кывны, но сійө век жө кыйөдіс на мукөд көрөгөс. Но кадыс лои воштөма — рытъя кыаыс кусіс, и сукмысь пемыдас кыліс сөмын жборгөм шы, да көнкө выліас вуджрасисны пөтка мыгөрьяс.

Ланги век на эз петкөдчы. Тавет горзөмсьыс муртса гөлөссө эз вошты. Медбөрын лэччис пыжланьыс... Понйыс, быттьө сідз и колө, пукаліс пыж нырас. Аддзис көзиянсө, чеччыштис бере-

гас да лётыхтіс Таветлань. Исыштіс օтка көрөгсө да мыччис көзиянлы лапасө,— тыдалө, пон сьолөм вылас вөлі долыд. Дерт, сійө эз сор көзияныслы кыйсыны, сетіс позянлун аслыс корсыны доймөм пөткасө.

Тавет скөрмис нөшта җна.

— У-уть!— горөдіс сійө да шеныштчис ружье прикладнас.— Мун татысь! Видзөдны тэ вылө ог вермы! Став кыйсьөмсө тшыкөдін!

И сійө здукас том төлысьөн югзьөдөм ю вылө уськөдчис еджыд бордья ва тар кельөб. Тавет лыйис. Өти пөтка кутіс усьны ваас.

— Но, Ланги! Судзөд!— сетіс команда Тавет.

Но пон бара на уйкнитіс мөдарө да быттьө сыліс тіляс.

Шөйөвошөм Тавет пуксис вужля вылө. Бур тай! Тайө бара мый? Тадзи и лоас сэсся? Надейтчис, надейтчис вөралан пон вылө, и со — став ноксьөмыс весьшөрө.

Ю вылас петіс чизыр төв. Да и пемдіс. Тавет изөймитіс нин, а Ланги эз и пет. Оз жө өд узьмөдчы татчө пон вөснаыс! Дөзмөм Тавет гөрис кокъяснас уль лыасө, шутляліс, горзіс, и кор кустьясысь чепөсйис Ланги, лыйис сылы ки улас веськалөм беддьөн. Здук мысти эськө гөгөрвоис, кутшөм лектор вөчис... Но пон бара нин вошис.

Мудзтөдзыс да гөлөс киргытөдзыс корсис понсө Тавет, сэсся пуксис пыжас.

— Тэ таdzi? Да?!— горөдіс бөрьяпомыс да содтіс:— Ме тэныд петкөдла на пуж! Кольччы татчө өтнад. Тшыгьялан да вуджан, небось, юсө. Колөк, төлкаджык лоан! Абу нин тэ кычи, мед тэнө көдзыд ваысь кыскавны. Гөныд ошлөн кодь сук!

Тавет нетшыштіс мотор шнурсө, моторыс эрөстіс, дюраль пыж лэбыштіс гортланыс...

Понийдкөд лөкасьөмыд бур өрткөд лөкасьөм кодь жө.

Аскинас Ланги эз лок, и Тавет лунтыр пессис: то жар гожөмө өвадөн дөсадитөм көр моз гөграліс сикт гөгөрыс, то котөртліс ю дорө, син доймытөдз видзөдіс Кев Ур лыа косьялань, кытысянь эськө колө локны мыжмөм понлы. Но тыртөм берегас некод эз тыдав, сөмын Войвыв Излөн кырьясвывса дзирдалысь лымйис өрис синсө.

И мыйла төрыт татшөма дөзмис? Мыйла колис понсө? Дерт, Ланги вөлі мыжа, но эз-ө ачыс, Тавет, мыжаджык вөв? Горзіс, беддьөн шыбласис. А сэки, кольөмвося арнас? Сэки өд эз гөгөрво понсө, эз лэдз колана ног уджсө вөчны, и, дерт, шөйөвоштіс понсө. Өні Ланги эз төд, кыдзи мый колө вөчны, и скөравны сы вылө дзик нинөмысь. Оз вөлі ков горзыны, а небыда велөдны понсө кывзысьны.

Рытланыс Тавет лэччис Об дорө, пуксис пыжас да заводитіс моторсө. Тэрмасьөмөн вуджис юсө, воис төрыттья кыйсянінас да видзөдаліс гөгөр ставсө. Но лыа вылын некутшөм кок туй эз вөв — Ланги абу и думыштолма корсыны көзиянсө. Бара шымыртіс өбида, но Тавет эз сетчы: нинөмла понсө мыждыны, ачыс мыжа!

Тэрмасьтөг Тавет кытшовтіс төрыттьяинсө. Сэсся вуджис

баддя ді вылө: колөк, Ланги татчө уйис? Тані позьö вөлі чөсмасьны чөжъясөн, позьö вөлі весиг көчөс кыйны. Найö радейтөны тані йирны бадь кырсьсө. Посёлокса челядь тайөс төдөмөн тэчлөны татчө капканъяс да лэчъяс. Тавет чайтис, мый Лангилы сюрис жө кынөмпөтыс, да өні понйыс шойччө көнкө төв сайын. Кадысь кадө Тавет меліа чукөстліс понсө:

— Ланги! Ланги! Бур пон, бур! Лок татчө! Ме тэныд юмов лы вайи! Ланги!

Кутис рөмдыны. Но Тавет шуис, мый понтөгыс гортас оз мун — сөмын тадз сійө вермас вештыны ассъыс мыжсө Ланги водзын.

Бөр вуджис көрөннөй берегас, син доймытөдзыс видзөдіс калясөн да уткаясөн тапйөдлөм лыасө. Нинөм абу!.. И друг, кор дзик нин воштіс надеясө, ичөтик ёль вомын тыдовтчис дзик жө понлөн кодь кок туй. А, колөкө, тайө руч? Абу, сылөн ичөтджык кок туйыс. Збыль өмөй Ланги?!

Сьолөмыс Таветлөн кутис петны морөссьыс. Öні сійө төдіс — Ланги ді вылас! Сөмын колө бура шарөдны бадьсө.

Асывнас Тавет бара мөдөдчис корсьны понсө. Дыр ветлөдлөм бөрын ді рытыввылын, сук кыддза раскын кыліс, быгтьө кодькө сарпасис ли катласис му вывтис. Тавет уськөдчис раскас. Урөдик полярнөй кыз пуяс костын тыдаліс кутшөмкө сьод өкмьль. Збыль өмөй Ланги?!

— Ланги!

Но мый лоөма понйыскөд? Тавет шай-паймуніс: му вылас, чеглалөм чальяс костын, туплясис Ланги да мый вынсьыс зілис мездыны мордасө... капканьсь! Вот мыйла Ланги эз шыась көзьяиыслөн горзөм вылө...

Тавет уськөдчис пон дорас, личөдіс капкан пружинасө — кодькө, тыдалө, пуктылөма көч либө руч вылө — и мездіс Лангиөс. Нырсьыс неуна вылынджык понлөн вираліс ыджыдкодь рана. Никсыштөмөн Ланги топөдчис көзьяиыс дорө да аттьөалөм пыдди нюлыштис сылысь кисө.

Таветлөн синваыс доршасис. Сійө сывъяліс понсө да пөся шөпнитіс:

— Прөстит менө, Ланги, прөстит!

Ланги нөшта на ёна топөдчис көзьяиыс дорө.

Тавет мыськаліс да косьтис вирөн сөдзтысьысь дойсө, вурис көр сөнъясөн косяссьөм кусө. Сэсся перйис зепсьыс сукар, лытор да косьтөм-төлөдөм чери. Лангилөн, көнкө, ёна на доймис капканө веськавлөм ныр-вомыс, но сөйис сійө азыма.

— Мунам гортө!— шуис Тавет да мөдөдчис водзлань, чайтис, понйыс вөтчас. Но пон сөмын нораа никсыштис. Морт бергөдчис да аддзис, мый Ланги эськө вөтчө, но кызкө неморт нога кыскө лапасө. Тавет пидзөсчанясис да гөгөрбок видлаліс понсө. Кыдзи өнтай эз казаяв, мый Лангилөн чегөма лапаыс? Дерт, чегөм местаыс сук сьод гөна, и йөжөм вирыс эз тыдав. Лыйөмаось понйыслы ли мый? Буракө, сідз. Тыдалө, төрыт ді вылас волөмаось том кыйсьысьяс.

— Шойловъяс! Понтө көчкөд соралөны!

Босьтис понсө мездорас да лэччөдіс пыжас.

Гортас Тавет видзчысьмён лэдзис лайкасё вольёс вылас да котёртіс Хозяинов зоотехник дорё.

— Николай Петрович, отсав! Лангийой доймёма.

Зоотехник юрнас довкйёдліг видзёдаліс понсё:

— Лёк дела! Ранаас няйт воёма, вермас лоны гангрена. Ньюліс кё эськё пыр жё дойсё! Пон дуллыд антисептик дорысь бурджыка дезинфицируйтё. Но ёд, колё жё, и ныр-вомыс капканад сюрёма...

Тавет нуис Лангийёс районса ветлечебницаё. Сэні понлысь мыськисны ранасё, вёчисны уколъяс.

Та бёрын Ланги эз нин и вешйыв көзяин дорсьыс. Но вёравны эз и велав.

— Да,— кайтіс мамыс Таветлён вөрё дасьтысигъясё.— Эз тай артмы тэ ног, пиук. Оз ков вёлі сэкитё вётлыны понтё доймём чёж дорсьыс да, мый нин сэсся, кор мёдара пон лои — лыйём уткайссё оз вөрёд, а лыйём шыысь дзебсьё.

— Тырмас, мам, эн дёжнав, ачим тёда,— букыша вочавидзліс Тавет. Дерт, забеднё сьёдас воштыны татшём понйёс, но мый сэсся вёчан? Ачыс йёйталіс.

Но Ланги век жё няньсё весь эз сёй — лун и вой видзис көзяинсё. Асывнас кольёдліс школаёдзыс, көні уджаліс Тавет. Тривксёдіс водзвылас, и веськавліс кё сылён туй шөрё кутшёмкё пон — төв нырён уськёдчыліс: «Вешйы туй вывсьыс, сётана! Эн гартчы кок улын, кор менам көзяин удж вылё мунё!».

Таветёс виччысигмоз Ланги куйліс школа кильчё улас. И көть кутшём вёлі поводдяыс, көть мыйдыра Тавет вёлі школаас, Ланги некытчё эз мун. А гортас Лангилы ковмыліс на и керка видзны, и юёртысьён лоны. Да и юёртліс пыр аслыспёлёса. Локтё кё, шуам, Тавет ордё сылён ёртыс, увтліс ёти ног, казавліс кё кутшёмкё неминуца, дзик мёд ног. Тавет пыр и гөгөрволіс, мый көсийё висьтавны понйыс.

Куим воён Ланги сэтшёма быдмис, мый посёлокса ни ёти пон эз лысьт пырны ськёд косьё. Сёмын суседъяслён Рекс нима овчаркаыс дзерёдліс Лангийёс. Буракё, эз кажитчы сылы, мый Ланги вывті нин ыкша. Рекс эськё ёнджык вёлі, но абуджык сэтшём вертляв. И Тавет коркё видзёдіс со мый. Сійё рытнас Рекс вывтіджык дёзмёдіс Лангийёс. Мёдыс эськё эрыштчылас жё, но косьё пырны оз лысьт. Сэсся век жё заводитіс бергавны овчарка гөгөр: уськёдчылас, бёрынытчылас, сэсся бара. Тавет гөгөрвоис Лангилысь мёвпсё, но век жё видзёдіс, мый лоё. Ёдйёкодъ понъяс воисны йёр дорёдз. Сэсся Ланги гаровтчис ас гөгёрыс, уськёдчис овчарка вылё да мый вынсьыс курччис сійёс. Мёдыс скөрмис, жергёдіс пиньяссё да уськёдчис Ланги вылё. Но друг Ланги ляскысис му бердас да кытчөкё вошис. Сійё зэв бура тёдіс, мый йёрас вёлі неыджыд розь. Буретш сылы пырмён-петмён. Сэтчё и уйкнитіс. Рекс шёйёвошліс здук кежлө да уськёдчис бёрсяныыс. Но! Ыджыд да вердаса понйыд сибдіс неыджыд розяд. Ни ётарё, ни мёдарё. Рекс лёкысь нетшкысис, а Ланги вальмасис турун пиын йёр мёдарас. Тавет сьёлёмсянныс сераліс тайё тыш вылас, сэсся чукөстіс понсё, тапйёдлыштіс шошаёдыс:

— Сяма пон! Зэв сяма!— а Рекслы мездігас шуис:— Мёдысь кутан тёдны, код вылё оз позь усьласьны.

Но медыджыд вермасёмыс понъяслөн вёлома на водзын.

Таветъяслөн керкасянь неылын вёлі колхоз склад. Тёв пуксигас склад дорас начкылісны скёт. И, дерт, посёлокса став понйыс чукёртчывліс сэтчө. Пурсисны вируляөдз, и уна понлы ковмыліс нювны-бурдөдны ассъыс дойяссө.

Ланги и тані асьсө петкөдліс. Кор понъяс пырисны вир кисьтан косьё яйтор вёсна, сэтчөдз ыззылісны, мый яй йывсьыс вунөдлісны. А Ланги тайёс казялома, да кутіс со мый вөчны: аддзас яйторсө да первойөн шыбитчас сылань, мед скөрмөдны понъяссө. Понъяс уськөдчөны, мед вөтлыны Лангиёс, но вөтлөм пыдди бара на гартчөны ыджыд гөна тупыльё. И кодыр найö нетшкөны өта-мөдыслысь гөнсө, Ланги өдйö шышкө «вунөдөм» кыйдөссө...

Но Рекс, буракө, гөгөрвоёма Лангилысь мудералөмсө да думыштөма босътны водзөс. Коркө өтчыд пон чукөркөд кытшалісны Лангиёс сылөн жö чомйын. И Лангилы быть ковмис пырны косьё. Но и тан бур ловъяс вёломаөсь сы дор. Кор Рекслөн лэчыд пиньыс дась нин вёлі орөдны Лангилысь голясө, овчаркалөн лапаө сатшкысис сімөм көрт тув. Дойысла Рекс лэбыштіс енэжланьыс, а Ланги удитіс шутөвтны керкаланьыс, сэтысь нин котөрөн петіс повзём көзяиныс.

Та бөрын Рекс некор нин эз вувзысьлы Ланги вылё.

— Вермин кө өтчыд пышйыны вернөй сьмертысь, мөдыс оз нин суөд: сылы өд первойыслөн вуджөр пыр колө на чечыштны,— шулывліс Лангиёс малалігмоз Таветлөн мамыс. Сійö велаліс лайка дорас, да, колөкө, Таветсьыс на ёнджыка. Медся чөскыд сёяныс веськавліс Лангилы, узыліс сійö шоныд йөра ку вылын, а көдзыдъяснас Таветлөн мамыс шебравліс сійөс аслас важ ягушканас¹.

— Мыйла тэ сійөс лелькуйтан?— скөрмис коркө Тавет.— Абу өд кага.

Мамыс сэтшөма видзөдліс верстыө пи вылас, мый мөдыс ланьтіс — сымда вёлі мамыслөн синъясас дойыс. Колө жö вёлі тадзи шуны — «кага!». Вунөдіс өмөй Тавет, кутшөм висьтавыны позьтөм шог орийөдлө мамыслысь сьёлөмсө, оз сет ни овны, ни узыны.

...Вөлі война бөр. Сьөкыд кад, тшыг. Мед перйыны көть кутшөмкө вөлөга, гожөмнас став семьянас ветлывлісны чериасьны, зэв ылө, мортөн вольтөм местаясө. Мотор йылысь сэки некод на эз и кывлы, пелыс помысь и кывтісны-катісны. Сынисны ставөн — верстыө и посни. Таветөс — кага на сэки вөлі — новлөдлісны сямөд потанын.

Ю вылас вёлі зэв төла. Лун шөрланьыс төлыс нөшта на вынсяліс. Пыжсө шыблаліс өтарө-мөдарө. Мамыс кевмис верөссө кыскыны сетсьө да кытчөкө саймовтчывны төвсьыс, но чериыс сюрис бура, и батынслы жаль вёлі воштыны лишнөй муксун ли чир. Кор век жö кутісны лэптыны сетсьө, тыдовтчис, мый

¹ Ягушка — *ненеч нывбабаяслөн важся төвся паськөм.*

сійö крукасьöма ва улас кутшöмкö мырляö. А гыясыс чеччалісны нин пыж вывтис, и пыж тырыс лои ва. Батьныс мый вынсьыс кыскис сетсьö, Таветлөн куим ыджыдджык вок отсасисны.

— Шыбит сетьтö!— шутялялысь төв пырыс горзис мамыс.— Шыбит! Пöдам!

Но батьныс вöлі чери кыйысь, и сылы и öні сеть шыбитö-мыс вöлі медся бур ёртöс неминуча дырйи кольöм кодь.

Но со сетьыс сетчискодь... и сійö здукас ыджыдсьыс-ыджыдгы бергöдіс пыжнысö, кутісны вöйны. Батьныс шыбитіс ваас мездан кытш да горöдіс мамныслы:

— Потансö босьт да кывт!

Батьныс да куим вок пöдісны. А мамыс — со öд дивöйд!— воöдчöма берегöдзис. Дивö, мый аслас көтасьöм сямöд потанын абу пöдöма и Тавет. Адзöмаось найöс матыс посёлокса олысьяс.

Сэсянь коли нин уна во. Мамыс ачыс лои зэв бур кыйсьысöн, и ни öти нывбаба эз вермы ошйысьны мамныс кодь повтöмлунöн: öд сылы ковмис вуджны сэтшöмтор, мый та бöрын аслад сурымсьыд он нин пов. Мамыслөн став муслуныс сюри ловйөн кольöм Таветлы. Мам виччысис нин нукъясöс, а öні лелькуйтис понсö...

Тавет важ мозыс корсюрö ветлывліс вөрö. Лангиös босьтліс жö, но пон сідз эз и инмöдчыв кыйдöсас. Ёна радейтис Ланги вөрö чукөртчан кад. Петасны да первойөн и уськөдчас берегланьыс, көні домöма дюраль пыжныс. Пуксяс нырас да виччысьö көзяинсö.

Öти тувсов лунö, субöтаö, найö мөдöдчисны Сотчöм ді выlö. Шуlöмаось дісö тадзи ыджыд пöжар понда. Посёлоксянь чукыльось Осхем висті тыöдзис комын верст кымын.

Берег дорас Тавет сувтöдіс пыжсö, чеччис да мөдöдчис видзöдлыны дісö. Ланги сы бöрся. Вуджисны кымынкö нюртор, кайисны лыа веретя выlö, и друг кыськö ылысь кыліс дзодзөгьяслöм горзöм.

Тавет зэв öдйö зарадитис выльысь пищальсö, вежис нельöд номерсö ыджыдджык нулевöй выlö. Дзодзөгьяс! Колö жö! Татшöма везитис! Веськавны сöмын колö!

Регыд Куншоль сор дорсянь тыдовтчис неыджыд кельöб. Дзодзөгьяс гöгралісны нюр весьтгі да корсисны пуксянін. Тавет ёрччыштіс — пöткаяс эз и думайтны лэбны матöджык, а та ылнасянь öдвакö веськалан. Кыдзи эськö найöс чукөстны асланьыс? И друг юрас шучкис: кыдзи нö сійö вермис вунöдны, мый дзодзөгьяс матыстчöны берегланьыс, кор адзöны му вылас öтарö-мөдарö котралысь понйös?

— Эй, Ланги!— горöдіс Тавет.— Мун! Эстчö!— да индіс нюрланьыс. Сэсся нетшыштіс юр вывсьыс шапкасö да шыбитіс сылань жö. Шапка — абу утка. Ланги быть сійös ваяс. А дзодзөгьяс, дерт, казяласны понйös.

Сідз и лои. Дзодзөгьяс адзисны понйös да матыстчисны лыа веретялань. Кыдз пу сайö дзебсьöмөн Тавет октіс куруксö, дасьтысис лыйны. Но друг синьяс водзын лайкнитіс чаль да тупкис мушкасö. Ковмис уськөдчыны восьсаинö, но кадсö лои воштöма. Тавет, дерт, эз веськав, и дзодзөгьяс лэбзисны бөр.

Дөзмөмысла Тавет чужйис болотной сапөг нырнас лым ёкмыльö. И лои виччысьтöмтор: лым улас вöлöма мыртор. Морт виччысьтöмысла сконйыштчис да усис. Пищала кисö эськö удитис вештыны бокö, но курокас век жö личкыссис. Кыліс лыйöм шы, и шуйга лядвейсö быттьö сотыштис.

«Вот йойыд!— видіс асьсö ачыс.— Вунöді пуктыны предохранитель вылас!»

Вирыс шоныд шорөн лэччис кок пök кузяыс. Тавет ньöж-йöник лэдзчысис яла вылас, выныштчöмөн кыскис сапөгьяссö да кыз ной гачсö. Кутшöм бур, мый буретш сійöс талун гачаліс. Эськö став зарадыс пырис кокас!

Вирыс петö ёна. Но вир сöныс быттьö тай дзонь. И мыйла сійö эз босът туй выв аптечкасö? Век öд босътлö, а талун пыжас колис... Мый вöчны? Мый нö вöчны?! И друг юрас воис: мамыс висьтавліс, мый зэв бура сувтöдö вир кыз пу ли. Та-дзи мамыс коркö отсалöма суседыслы, коді кырöма вöрын кисö ёсь сёхар-пуртөн.

Кызкö-мыйкö кыссис матысса кыз дорö, нетшыштис еджыд кырсьсö, чуктöдіс лисö да пуктіс рана вылас. Сэсся косяліс улыс дөрöмсö да тöбис лядвейсö. Видліс воськовтны, но доймöм кок вылас сувтны эз вермы. «Лыас али мый веськалöма?— Тавет бара лэдзчысис яла вылö.— Да-а, буртор лои... Да öд и бара ачим мыжа!»

Колö эськö воöдчыны пыж дорас, но кызди? Пыжöдзыс километрысь абу этша, а муннысö сійö оз вермы... нöшта на и нюрті, вутшгяс вывті... И сёяныд абу... Мамыс эськö дасьтыліс, а сійö öлыштчис, мыйла пö лишной сьöктасö кыскавны, рытланьыс воа да сёя... А кокыс доймис ёнджыка и ёнджыка. Но Тавет век жö кыссис кыздза раслань, вöралан пуртнас вундіс томиник кыз пу, öти помсö коласаліс да суйис сэтчö неыджыд тас. Артмис мыйкö кöстыль сяма, позьö вöлі ньöжйöник мунны. Но ылöдз, дерт, тадзтö он во...

Таветлы лои шуштöм. Рытгоров. Шондіыс чери моз сунласис кымөргяс пытшкö. Да и кынöмыс Таветлөн сьуммис. «Колök, артмас кöть нин чöж лыйны,— думыштис Тавет.— Да öд Лангиыс оз котöртлы чöжысла... Оз артмы!»

А жыдачгяс да көрөггяс быттьö нерсисны — лэбалісны дзик юр вывтыс. Тавет эз вермы кутчысьны да лыйис. Кык утка усисны нюрö.

— Но, Ланги!— сьölöм сетіс Тавет орччөн гартчысь понлы.— Вай! Вай уткаяссö! Пöжалуйста! Босът уткаяссö!

Но понйыс кыліс мелі, корана гөлöстö да котöртис доймöм кöзяинланьыс, мыччис веськыд лапасö.

— Тыпу!— скөрвывсьыс сьöлыштис Тавет.— Кутшöм рөдö тэ мунöмыд? Меö кö сöмын-а...

Таветлөн шуд вылö, жыдачгяс усисны неылö. Сійö кöстылясис да кызкö-мыйкö судзöдіс найöс. Лёкөн-шогөн öзтіс бипур да шыбитіс кыздöссö кыз öгырас. Некор на Тавет татшöм азыма эз сёйлы жаритöм пötка яй. Öти пötкасö юкисны Лангикöд, а мöдсö колисны запасö.

Нургяссьыштöм бöрын Тавет век жö шуис воöдчыны пыжöдз.

Тыдало, бурджык мунны лыа веретяті. Туйыс көть и кузьджык, но век жё абу нюрті кодь: кос, да и пуксыывны позьё кыт-чөкө.

Туйо сійо петіс пемдігас нин. Но регыд енэжсө кышис сьөкыд сьод кымөрөн. Войтөлаліс. Сё метраысь ыло эз на и вешйыны морта-понъя, кутіс сапкыны лым. Козъяинын ковмис войколавны. Слабог, удайтчис пестыны бикур, да и жыдачыс налөн вөлі на. Сёйыштөм бөрын Тавет тупкис коксө лыс лапөн, топөдчис мышнас Ланги дорё да унмовсис сьөкыд унмөн.

Асывводзнас садьмис, тарзьөдө көдзыдысла. Лымъявнысө дутдөма, но сы пыдди төлыс нөшта на чизырмөма. Гөгөр руалөма — он гөгөрво, көн лыа, көн нюр. Татшөмнад водзө мунны Тавет эз лысыт: мед көть нин төлыс лөныштас. Гурйис төрыгъя бикур местасө, аддзис гоз-мөд тукталысь өгыр да выльысь ловзьөдіс бисө. Никсыны кутіс Ланги — дерт, жыдач бордйыд кутшөм сылы, том, вына понлы, сёян, а асья нур вылас ни сылы, ни көзяиныслы дзик нинөм нин эз вичмы.

— Нёльнан лапаыд тэнад дзонь. Кый мыйкө аслыд сёйны, — тшөктіс Лангилы Тавет да чорыдджыка нин содтіс. — Мун! Корсь! Корсь!

Козъяинын Ланги аддзис шыр кок туй да мый вынсьыс заводитіс кодьысьны, но шыр позйыс вөлөма куш. Ланги эрөстөмөн уськөдчис джуджыд веретя вывтійыс береглань.

Таветлы өтнас лои дзик нин гажтөм. Кокыс ёнджыка и ёнджыка доймис. Мед көть оз пөрөсмы. Кынтіс-кынтіс, а сэсся лои жар — тыдало, кайис температура.

Ланги бура дыр эз вөв. И друг... Тавет аддзис понсө, а понйыс вайис пиняс... вердаса көчөс!

— Но, Ланги! Но, молодец! — радліс Тавет. — Вот тайо да! Молодец! Төлка пон!

Гашкө, Лангилөн вөралан вирыс ворсны кутіс? А, колөкө, көчсө кыйис, медем доймөм көзяиныслы сөмын отсавны?

Көть мый, а сёян налөн лои, би эм. А тадзтө ни өти хант некутшөм вөрын оз пропадыты. Тавет кулис көчсө, и регыд лымъя нюръяс весьтын кутіс гөвкъявны жаритөм яй көр.

— Сотчөм ді вылын шашлык! — серөктіс Тавет. — Кутам та-йөс коркө казьтывны. Да, Ланги?

Понйыс вочавидзис сьөлөмсянь увтөмөн.

Час мысти кымын Ланги кыскис бикур дорё дозмөр варышөс. Лайкалөн нырыс вөлі парсасьөма, и Тавет гөгөрвоис, мыйла. Тыдало, варышыс пуркөшитөма көчөс, а Ланги аслас мудерлуннас и бара ставсө бөбйөдлөма, мед и аслыс сюрыштөма жө.

— Молодец! — ошкыштіс понсө Тавет да окыштіс шоньд нырас. — Тэ, дерт, китрован, но ёрт тэысь артмис зэв на и бур! Аттьө!

Сыкості бара на кыптіс турөб да лөнис сөмын аскинас. Тавет, көть и кокыс ёна на доймис, век жө петіс туйо. Ас чайтөм сертиыс, сійо муніс өдйө, но видзөдіс бөрвылас да аддзис, мый пемыд козъяиныс пыр на орччөн. Аслас кызд пу көстыль-нас лун шөр кадөдз абу мунөма километрлысь и нёльөд пайсө!

Забедрөысла Тавет муртса эз бөрддзы. И бара на лои делө.

Пөсьыс сёйис синъяссө, горшыс косьмис. Тавет апыштіс лым-сө да лэдзчысис му вылас. Сэсса чукөстіс Лангиос да шарп помнас гаровтіс сійос, а мөд помсө гөрэдзис аслас тасмаас. Та-дзи, пон отсөгөн, гырэдзанас да доймытөм кок пидзөснас йөт-касьомөн, ньөжйөник кыссис вислань.

Берегыс тыдовтчис рытланьыс. Пыжыс вөлі местаас. Сыөдз коли нин метр сё кымын, кор Тавет воштіс садьсө.

Паляліс понйыслөн лёкыс увтөмысь. Юр весьтас лайкъя-лісны сус пу чальяс. На пыр тыдаліс руд енэж.

— Ланги! Өвсьы!— шуис Тавет. И думыштіс: «А код выло тэ татшөма вувзьысин?».

Бергөдчис берегланьыс да весьөпөрис: пыж дорас сулаліс зэв ыджыд ош.

Тавет кималаснас корсис двустволкасө, неуна кыпөдчылө-мөн перйис зепсьыс патрон. Но эз удит вежны зарадсө, ош-кыс юрнас довкйөдліг мөдөдчис сылань.

«Тулыс!— лыйыштіс юрас.— Ошкыс тшыг! Тшыг да скөр! Ог кө веськав — пом воас!»

Лангиос эз велөдны ошкавны, и сійө ёнасө ошсьыс эськө эз пов, но төлкыс сыысь эз жө вөв. Пон то лыйыштіс береглань, то котөртліс бөр, а ош ньөжйөник матыстчис сускаинлань, көн куйліс Тавет. Метр дасын вөрса көзяин сувтіс кыккокыйв да лёкыс равөстіс.

Таветлөн сьолөмыс көдзалис. Октіс куруксө, вир-яйыс став-нас зэлаліс. Ланги повзьөмысла жмитчис көзяинланьыс.

А ош другысь бергөдчис да кузя чеччалөмөн уськөдчис вөрас.

Неминучаыс муніс бокті, но Тавет дзикөдз слабмис. Сійө вальмасис яла вылас, ки ни кок эз вөр. И регыд бара унмов-сис сьөкыд унмөн.

Паляліс Тавет рытъявылыс нин. И бара вывті окота лои сёй-ны. Ки улас сюри сус пу коль. Тавет гудйис кольөмвося кымын-кө өрек да кышнас и сёйис. Ланги исыштіс жө кольсө, но эз сёй.

Друг юладорсяньыс өдва-өдва кыліс пыж мотор шы... Пыж! Йөз! Колөкө, Таветос корсьоны!

Колө юөртны — ме тани!

Тавет лыйис сынөдас. Мотор шыыс кутіс ылыстчыны. Эз өмөй кывны?!

— Ланги!— горөдіс Тавет.— Гөлөс! Ланги, гөлөс!

Став надеяыс вөлі сөмын пон вылас. Ланги чепөсйис пыж дорас да заводитіс увтны сідз, мый Таветлөн пеляс кутіс тінъ-гыны, а матысса нюрсьыс кыпөдчисны повзьөм лэбачьяс.

Бара на өмөй эз кывны?

Эз. Төлыс пөльтіс юсяньыс да вайис став шысө бөр берег-ланьыс.

Моторыс здук кежлө ланьтіс, а сэсса бара заводитіс гургы-ны. Тыдалө, пыжаыс кытшовтіс Сотчөм дісө да лэччис водзө...

«Заправитчыны, пөди, сувтісны...»— думыштіс Тавет. И нөшта на гажтөмджык мөвп воис юрас: сійө вискыс, кыті найө Лангикөд пырисны діөдзыс, тайө лунъяснас вермис косьмыны. И өні ді вылас позьө воөдчыны сөмын Мекхот-Пухар джуджыд-

джык висті, а тайö лишной ветымын верст. Посёлокас йöзыс, колöкö, оз и гөгөрвоны, мый сійö муніс та ылаö — мамыслы кöсийысис рытланьыс лоны гортас.

Сідзкö, колö кыссыны пыжöдыс. Мöд ног оз артмы.

Кольöмвоя котасьöм турунö шашаритчöмөн, Тавет неуна кыскысыштис. Сэсса нöшта неуна. Быд выныштчöмысь син водзас пемдыліс, лолыс тасасьліс горшас. Но Тавет вом доръяс-сö вирöдз курччöмөн кыссис пыжланьыс... Бөръяпомыс мый вынсьыс нюжöдчис и шашаритчис пыжас!.. Но Таветлы бара на эз везит. Рюзкакыс, кöні кольліс чай, солыштöм тшöг да косьтöм чери, лёкысь чашйöм, куйліс пыж пыдöсас. Бензобак пробкаыс нетшыштöма, баксö пöлынтьöма, и став бензиныс кыссьöма ортсö. Ош сьölöмсяньыс пакöститчöма. Абу ёна и тшыг на вölöма, буракö.

— Пölös кока дьявöl!— ёрчыштис Тавет.— Куштіс менö дзикöдз. Мед лешакыс тэнö босьтас!

Тавет выныштчöмөн пуксис пыжас, мотор дорас. Пелыс помысь мунны? Öдвакö Таветлөн тырмас выныс. Пыжас чеччыштис Ланги да лöсьöдчис пыж нырас — мунам пö нин...

— Некытчö ми огö мунйö!— курыда серöктис Тавет.— Весьшөрö радлан!

Сылы друг ставыс лои веськодь. Кокыс из кодь — ёна пыктöма, тыдалö. Сьöкыд руөн вевттис ун. Бөрвыв пуклос вылас мыджсьöмөн Тавет унмовсис.

Вöтнас сійö аддзис помтöм лым толаяс, на костöд сійö исла-ліс дюраль пыжнас. Вöтнас петкöдчис и пиньсö жергöдöм öн-тая ошкыс. Тавет кватлаліс зверös шошаöдыс да чуксаліс понсö: «Ланги! Ланги! Мыйла тэ он отсав меным?». Но кывйыс эз кывзысь, и Ланги гөгөрвотöма видзöдіс кöзяин вылас. Коркö удайтчис жö горöдны: «Ланги! Отсав!».

Буракö, Тавет вöтнас горзöма. И аслас горзöмысь садьмис. Лайкаыс пыжас эз вöv, берегас эз жö тыдав.

— Ланги... Ланги, тэ кöні? Ланги...— ымзыштис Тавет.

Но вочавидзис сöмын тöлыс. Да Полярной Ураллөн ыджыд осётръяслөн мышъяс кодь кыръясыс сотчисны гөрдөн рытья кыа улас. Ывлаыс шонтöма, лымйыс пöшти эз нин вöv.

«Кытчö воши понйыс? Бара ош?»

— Ланги...— нöштаысь öдва кывмөн чукöстис понсö Тавет.— Лок, Ланги! Ме öд тэтöг прöпадита...

Но пон эз лок ни эз кывлысь.

Сэсса ылыс кокад сайын кыліс увтчöм.

— Енлы Господьлы!— личаліс лолыс Таветлөн.

Регыд баддьысь чепöсйис няйтөн да сёйөн льякөссьöм Ланги да уськөдчис кöзяин дорас. Нюлыштис чужöмсö да бөр лыйыштис вөрлань. Сэсса бара локтис. «Мый татшöма радлö?— чуймис Тавет.— Колök, кыйис кодöскö?»

Гежöдик пуяса сускаинысь, берегсяньыс метр сё ылнаын, петкöдчис морт.

Тавет тільыштис синсö: вöt али вемös тайö?

Но морт тэрыба восьлаліс пыжлань.

Таветлөн бөрддзыссис...

— Но-но, ланьт, ланьт!— шуис мортыс.— Öнi сэсся ставыс лоö бур...

— Тэ, Микипур?— синва пырыс нюммуни́с Тавет.

— Ме. Вунöдiн ли мый, öти школаын челядьöс велöдам?— серöктiс мöдыс.

— Кыдзи тэ менö аддзин?!

— Понтö аттьöав! Ме рöдня дорö пыжөн ветли. Сотчöм дi дортi мунигөн, видзöда: кыркöтш йылас пон лёкысь омлялö. Матыстчи берегланьыс, бурджыка видзöдлi — Ланги! Э-э, тан, мися, мыйкö нела́днö, Тавет, көнкö, доймис ли мый ли...

— Сконйыштчи да курук вылас тöддытöг личкыссис...

— Ноко, петкöдлы коктö.

— Артмис тай тадзи...

— Лöнь, лöнь, бöрын сёрнитам. Кыйсигад быдторйыс овлö.

Тöлысьөн-джынигөн больничаян куйлöм бöрын Тавет ньöж-йöник кутiс ветлöдлыны.

Аръявылыс воис юör, мый Таветöс вуджöдöны карса школаö. Сентябрь первой лунсянь колö кутчысьны уджö, а патера эз на сетны.

— Олыштанныд пока гостиницаын,— шуисны гороноын.— А сэсся оланiн серти ладмöдчам.

«А Ланги?— топалiс съөлöмыс Таветлөн.— Мамлы гостиницаын местаыд, дерт, сюрас, но кодi овмöдас Лангиöс?»

Заводитiсны дасътысьны вуджöм кежлö.

Кöлуй, небөгъяс, вöралан заралльö — ставыс керкаас öтгудырын.

Ланги быттьö мыйкö кыли́с, öтторъя бергалiс тайö öтгудырас.

— Но, мый танi гартчан кок улын?— дözмыли́с Тавет.— Мун гулайтышт! Он öмöй аддзы, сидз нин лёк?

А Таветлы и збыль вöли делö: кытчö воштыны понсö? Посёлокад, дерт, сюрас кытчö кольны понтö недыр кежлад, а, колöкö, кодкö и аслыс босьтас. Но öд он на и быд керкаö коль татшöм понтö! Көнкö скöр зонка быдмö, көнкö некодлы видзöдны пон бöрсяыс, а мукöдлаас — асьныс тöлкөн сёйны оз удитлыны, кысь нин Лангиöс вердны.

Мамыс вийсис жö пон вöснаыс. Да эз сöмын пон вöснаыс, тшöтш и посёлок вöснаыс, танi öд став олöмыс сылөн колис...

Öти рытö Тавет дорö локтiс важся ёртыс — Логи.

— Оластö чукöртан?— юали́с сийö порог дорсянныс.— Вай отсала!

— Сийöстö ме ачым чукöрта,— ышловзис Тавет.— А вот Лангикöд ог тöд, мый вöчны. Карö он нуöд, татчö ог жö тöд, коды кольны.

— Этша думайтан!— нюмгёвти́с Логи да шутёвти́с:— Джек! Татчö!

Керкаö пырис пемыдруд рöма, пашкыр гöна дворняга. Ланги нюжöдiс нырсö «гöсьтлань», исышти́с. Сэсся матыстчис, исали́с ставнас и радпырысь жергöдiс пиньсö.

— Аддзан,— шуис Логи.— Понъяс миян ёртасисны. Коль меным Лангитö.

— Хм,— шуыштіс Тавет.— А мый? Позьё.

— Колё.

— Збыльвылас кө, тэнад Джекыд ёна и скөр овлө. Помни-тан, коркө тай Лангикөд прамөя пурсисны?

— Помнита. Сэк тэ Джеклысь лапасө корин, а тэнад красавечыд вежөгтыны кутіс.

— Джекөс вештіс и ачыс лапасө сетіс...

— А менам, дерт, эз жө терпит да дась нин вөлі косьё пырны. Ёдва и лөньөдім найөс сэки.

— Понъяслөн ёртасьом пурсьытөг оз овлы.

— Понъяслөн кө эськө сөмын.

Мужичөйяс петісны кильчө вылө куритны, кильчө дорас ворсісны понъяс. Бөръя кывйыс лои шуөма. Лангиөс колясны посёлокын.

Мунан луннас Тавет вуджөдіс Лангилысь чомсө ёртыслөн йөрас. Да мед не ызьёдны понсө, весиг эз прөщайтчы. А Ланги юмов лы вильөдіг эз казьяв көзяиныслысь пышйөмсө.

Омсксянь Салехардө мунысь теплоходыс сувтіс сөмын час джын кежлө. Тавет сөвтис чемөданъяс, небөг тыра кудъяс, мукөд тубрас, а сьөлөм вылас вөлі сьөкыд. Сійө быдмис тайө посёлокас, уджаліс школаын, тані сылөн тырыс ёрт... А мый лоас сэні? Йирис Таветлысь сьөлөмсө и меддона пон водзас мыжыс. Дерт, бур киө колис понсө, но өд Логи абу көзяин. И өдвакө Ланги велалас сы дорө...

Матросъяс дасьтысисны нин лэптыны трапсө, и друг пу сходни вылө уськөдчис пон.

Ланги!

Пон здукөн аддзис Таветөс да уськөдчис морөсас. Сійө сьөкыда лолаліс, но синмыс вөлі тырөма шудөн. Дерт! Сійө өд аддзис көзяинсө!

Мамыс Таветлөн бөрддзис. Тавет өдва жө кутчысис синва-асьёмысь. Шыльөдыштіс понсө да шуис:

— Молодеч, Ланги! Төлка пон, зэв төлка. Молодеч! А өні вай мун. Мун, мун!

Ланги аттьө пыдди нюлыштіс Таветлысь чужөмсө.

— Төдан мый? А вай босьтам тэнө тшөтш. Босьтам!

Сійө звукас теплоход тутөстіс. Палуба вылын сулалысь йөзсө тойлаліг на дорө матыстчис капитанлөн отсасьысь.

— Товарыш, пемөсьясөс намордниктөг пассажирскөй судно-өн новлөддыны оз позь. Уберитөй понтө. Кыланнды?! Ми сідзи нин сёрмам!

Ковмис Лангиөс ошейникөдыс лэдзны дебаркадер вылө.

— Кут сійөс! Эн лэдз!— горөдіс Тавет пристань вылын сулалысь Логилы.— Крепыда кут! Ме регыд сыла локта! Кыла-а-ан?

Теплоход вешйис берег дорысь. А Тавет аслас каютаын дыр на кыліс Лангилысь сьөлөм косявлана увтөмсө.

Коли воөн-джинйөн. Тавет мамыскөд век на олісны гости-ницаын, патера сідз на эз и сетны. Таветлөн, мед көть кутшөма пессис сьөлөмыс, некыдзи эз артмы ветлыны гортас, виддыны радейтана понсө.

Коркө воис ёртсянныс юөр.

«Скөрмы көть эн,— гижёма ёртыс.— Ме эг вермы лөсявны понйыдкөд. Быттё и велавны кутіс гортын овны, но кылас теплоход гудок да, быттё вежоны понсө. Оз сөй, оз ю. Джекөс менсьым төкөтё эз пур. А бөръя кадас и вошласьны кутіс. Вежонъясөн оз воы. Тшөкыда пө аддзылөны понтө вөвлөм керка дорсьыд. Сьөкыд та йылысь гижны меным, өд ачым быттё вөйыси понтө видзны. Но нинөм вөчны ог вермы...»

Сөмын мөд арнас Таветлы мойвиис ветлыны гортас. Пристаньянь и муніс ёртыс ордө... Но понйыс сәні эз вөв...

— Керав юрөс! Ог төд, көні понйыд. Төлысь кык нин эг аддзыв,— сөмын и шуис ёртыс.

Тавет мөдөдчис төдса уличаясті.

— Эн аддзылөй менсьым понйөс?— юасис быдөнлысь.

Йөз сөмын лэптылісны пельпомъяссө — войвыв посёлокад сымда пон, кытысь верман став бөрсяыс видзөдны. Но сәсся кодкө шуис жө:

— Пөрысь Кулясө төдан?

— Өткөн олысьсө?

— Да, син вылас тай слаб на.

— Төда, дерт.

— Пырав сы ордө. Колөк, сән понйыд. Сы дорын овлөны вошлөм понъясыс.

Тавет тэрмасьомөн мөдіс посёлок помас, көн вит стена пу керкаын оліс пөрысь Кули. Мунігмозыс пыраліс лавкаө, тыртіс зепъяссө кампет-печеньёон — чөсмөдны Лангиөс, сән кө быттё сійө. А дедыслы ньөбис портвейн.

Ланги и збыль вөлі Куля дорын.

Но мед эськө Тавет сійөс эз аддзыв.

Пу кильчө вылын нюжөдчөмөн куйліс кодкө лёзь, лысөм, лысермунөм... Эз кө вөв морөсас еджыд бобув кодъ пасыс, Тавет эськө эз и төд понсө. Шемөсмөм, сійө лэдзчысис пон дорас да малыштис гирвидзан лыяса мыштыс и друг казяліс пемыд-руд гөнсыйс дзор сіяс.

— Ланги,— шөпнитіс Тавет.— Ланги, коньөрөй менам Ланги...

Понйыс весиг эз вөрзьев, сөмын көсөйтліс оралөм синъяссө.

— Төлка пон. Зэв төлка пон...

Важ кадө тайө ёна виччысяна кывъясыс быттё садьмөдісны Лангиөс. Пон кыпөдчыштис, пуксис да исыштис сынөдсө.

Но, тыдалө, и көрыс Таветлөн эз нин вөв важкодъыс,— пон очсыштис, бөр водіс кильчө вылас да бара кутіс веськодя кытчөкө видзөдны.

— А-а-а... Тэ, Тавет?— кыліс пөрысь гөлөс.

Керка өдзөсас сулаліс Куля.

— Видза оланнды!— шуис Тавет.

— Видза, видза. Сідзкө, бара миянын?

Дөд пуксис чери кыян куд вылө, перйис шпуткөмсьыс сьодасьом каллян.

— Но, но... Гажыд быри, көнкө, гортсьыд?— ышловзис Куля.— Оз вөлі ков мунны. Ме тай со нэмөс өти места вылын пукала. Тані чужи, тан и кула. Өні регыд нин. Кок оз нин кут.

Кельыдлөз табак тшыныс кывтіс нюраин весьтын. Тавет эз тӱд, мый шуны.

— Понтӱ тӱдін кӱть?— юаліс Куля.— Пӱрысьмис сійӱ. Пельтӱммис, синтӱммис ме моз жӱ. Жаль, зэв жаль... Бур пон пӱ вӱлӱма. Тӱнӱ ӱд сійӱ коркӱ спаситӱма, кор тай Сотчӱм дӱ вылад кокад лыйӱмыд. Вӱлі татшӱмыс?

— Вӱлі

— Да-а... вот тадз...

Пӱрысь морт, каллянсӱ нӱняліг, ланьтіс. Тавет сетіс сылы портвейн дозсӱ, а печенньӱ-кампетсӱ пуктіс вугыртӱм понйысылы ныр улас.

— Кӱвъясис ме дорӱ,— индіс Куля понлань.— Коркӱ тай явитчис — сӱсянь и олӱ. Ме ог жӱ вӱтлы. Ми ськӱд лӱсялам — кыкнанным бӱръя лунъяс вӱльнӱй свет вылас видзӱдам.

— Ланги!— бара копыртчис понйыслань Тавет.— Мунам мекӱд! Ме ӱд тӱла локті. Тӱла, кылан?

Дед ыззис.

— Мый тӱ думыштін? Понйыс дзик нин эбӱстӱм. Мудзтан сӱмын туйс. Да и менӱ ӱтнамӱс колян. Мед нин тані олӱ, мый олас. Меным гаж пыдди.

Ланги садъмис да заводитіс мурчкыны печенньӱӱн. Но сӱйис сійӱ кызкӱ эз окотаысь, веськодя, аттьӱавтӱг. Тавет сылы вӱлі Некодӱн нин.

«Да,— думыштіс Тавет,— понйыд морт моз жӱ оз прӱщайт пӱръялӱмтӱ».

— Аддзан,— кызӱктыштіс да шуис дед.— Оз тӱд нин тӱнӱ. Коль татчӱ, эн мучит понсӱ...

Аскинас Тавет муніс бӱр. Пристань вылас колльӱдны локтіс Логи Джекыскӱд, а бӱръя здукас другысь воис и пӱрысь Куля. Сы бӱрын гажтӱма кыссис Ланги.

— Видзӱд, кодӱ воис!— шуис Логи.— Кай ӱдйӱджык трап вылас!

Теплоход тутӱстіс. Друг лайка нетшыштчис да уськӱдчис юланьыс.

— Ланги!— мый вынсьыс горӱдіс Тавет.— Прӱщайт! Прӱстит менӱ! Тӱлка пон! Зэв тӱлка пон!

Трап поручниӱ шашаритчӱм чуньясыс Таветлӱн едждісны, голяас тасасис курыд ӱкмыль.

Пон лӱбыштіс кӱдзыд ваас. Гӱна морӱсыввса еджыд пасыс бӱръяысь вирдыштіс Тавет син водзын.

Кымынкӱ минут мысти ю веркӱсас гартчисны сӱмын теплоход винтьяслӱн быгъя гыяс.

Берегсянь мыйкӱ горзісны Логи да Куля пӱль, но регыд и найӱ саймовтчисны.

Кор тыдовтчис Сотчӱм дӱ, Тавет пырис каютаас. Водіс чужӱмнас стенланьыс да рытӱдзыс сӱсся эз нин вӱрзъыв.

Комиӱдіс *Нина Обрезкова.*



Ичөтдырся казътылөмъясысь

Вис выв

Мыйлакө пыр казътывсьö гортувса Вис выв. Ас тшөтшгъяс помнитöны на колхоздырся озыр овмөссö: скöтнöй двор, конюшня... Вой и лун сэнi мырсисны ай-мам. Тöждысяна баксiсны мөс-куканъяс, руксiсны госа порсьяс, гөрäлiсны статя вöвъяс. Мамыс Шуриклөн бура дыр уджалiс сливпунктын. Талун танi сулалö рөзöра да повзöдчана чöv-лөнъ. Кажитчö, колхозса овмөсыс ай-мамъяскöд тшөтш кусiс.

Войвывса гожöмыд быд ловъя ловлы козыналö озыр пызан выв. Ставыс, майбыр выйым: и тшакыд, и быдсикас вотöсыд! Колхоз дырйи Вис вывса шыльыд эрдъясö көдзлiсны зөр да анькытш. Сук бадъяс пытшкын нем виччысьтөг воссöны туруна кулигаяс, көнi көджаяс ытшкылiсны, дасьтылiсны чöскыд дука көрым. Воддзадыр быд челядя котыр видзлiс йöла мөс. Уна лов бурдöдчана турун-дзоридзьясөн тырöмаöсь Вис вывса видзьясыс.

Син водзын Дiн-тылөн алькөс берегвывса нёровтчöм бадъяс. Танi посни войтыр лунтыр чöсмасисны ягвывса юмов öмидзөн. Лём пуяслөн паськыда шевгöдчöм увъяс вылын ышöдана сярвидзöны тусьяс. Кыдз нö он кавшась пу вылас да он курав чöскыд, вом көрталысь вотөссö! Оз öд прöста сiдз ошкыны тайö вотөссö ай-мам: кынöм висьöмысь пö медбур зельö! Танi быдмö лөзöват рöма курыд ыжман, бытшласяна лежнөг, кодлөн вижоват мольяс-ыс öшалöны, ышöдöны видлыны, но налөн чöсмасян кадыс воас арся кынмалöм бöрын. Кыдз и пелюклөн*, войвывса мөлöйтчалөн** тövбыд красуйтчöны гөрä пелысь розъяс. Да кадысь кадö нöшта чöскаммöны!

...Рыгъя синма Ванька Митя водз водас шойччыны, водзсьыс-водз и чеччас, чуксалас пиянсö. Кыкысь оз кор. А чаюйтас, босьтас сьöрсьыс коса-куран да шаговтас Вис вывса видзьяс былö. Шурик, карса тшöгöль, ок, и радейтö нюжмасьны шоныд вольпасын. Коркö чеччас жö. Яндзим öтпускниклы прöста овны, бовъявны сикт кузяла. Но айыслөн и дукыс абу, мунöма нин. Дыр ковмас шöйтны Ыджыд ты дортi, көнi шыльквидзöны ягвывса видзьяс.

Сиктса гожöм — пöсь сора страдна кад. Лöсьыд ытшкыны водз асылын. Асья туруныс небыд. Но регыд мыччыяс гожся шондi да косьтас асья лысвасö, сэк сьöктаммас ытшкысян

* Пелюк — *пелысь*.

** Мөлöйтча — *том көзйика*.

уджыс. Завидыпырпысь видзёдо Шурик, кызди батыслён югъялө косаыс, бритва моз өтрөвнө вундо турунсö. Шорөн киссьö ннылөм, чегö гырк. Дорся ытшкысьö, упкө-өласьö Валер вокыс, паськыда, батыс моз жö.

Пом ни дор абу ытшкысьöмыслы. Некумын сабриув йитчöмны öта-мöдкөд да. Пуяс сайын тыдовтчылас Ыджыд ты. Здук кежлö асья ыркыдөн пöлыштлас пöсялөм чужöмö. Кылö чöжъяслөн герчкөм шы. Зиньгöны номъяс, сідз и нөрöвитöны пырны синмö. Ванька Митя важөн нин воштöдчöма сабриув* дорөдз, весалö йөр пытшкөссö, дасьтö выль пыкөд, потшöс-майөг. Сёр арын тані шöйтöны яйсялөм вöвъяс. Öти здукөн вермасны пасьвартны сабрисö.

Чайтсьö, быдөн казтылö челядьдырся радейтана ворсанінтыасö, быдөнлөн чужан сиктдорса эм аслас «Вис выв».

Бызэй**

Пикö воисны сиктса войтыр. Кыз нö он шогав, бызэйныс öти кольлі, дай сійöс шöрсиктö нуöдöны.

А кытчö воштысьны мöс видзысьлы? Мый ради сэсся видзны мöс-көрмилечсö?

Казытивсьö, ичөтдырйи кузь төвбыд гажтöмавлі йөвтöгыс. «Суалö Сьöдэйыд»,— шуліс мамö, но миянлы тайö вöлі гөгөрвотөмөн.

Зато кукань вайöм бöрын вежсьыліс кослуналöмным: ыджыд пачö суйöм гырничын пöжсис чöж йөв — дыр виччысяна чöскыдтор! Джодж уланым нэриника баксіс выльөн чужöм лов. Праздник, дай сöмын!

Гожöмбыд ноксьöны мöска войтыр: төвбыд кежлö дасьтöны турун. Öтлаөдчöны семьясөн, артельөн ытшкöны да топöдöны дзоридзалысь видзяссö. Коркö сэсся и сабриас*** йыла майөгъяснас пыкасны енэжсö. Ак, кутшöм чöскыд кос туруныдлөн көрыс! Карсаяс көнкö ылі Турцияын гожъялöны да мыш пöжöны, а сиктын — нбылөм пычкана страдна кад. Войвылад мича гожöмыд гежöда овлö, турун ас кок йылас оз косьмы. Колö ытшкыны, бергöдлыны, куртны, зорöдавны. Татшöм уджыс, колөкө, и öтувтö йөзсö — бырöны төжд-шогъяс, вунöны öбидаяс. Уджыд пö тай мортъяммöдö, шулісны важ йөзыс.

Гашкö, та вöсна нöшта на и колö мöс видзöмыс?



* Сабриув — видз.

** Бызэй — öш, дзулей.

*** Сабри — зорөд.

Выль небөгъяс

УДК 82

ББК 84(2=664.2)-4

A73

Л.А.Ануфриева. Бабушка Лампа и Шурш. Лампа пӧч да Шурш: сказка для детей.— Сыктывкар: АУ РК «Редакция журнала «Радуга», 2023.— 32с.

Дзик неважӧн «Радуга» автономной журнал йӧзӧдис коми гижысь Любовь Ануфриевалысь «Лампа пӧч да Шурш» небӧг.

Тайӧ зӧв интересной да чуймодана петас! Неуджыд, но сы мында шензӧданаторйыс сӧні!

Книгасӧ позьӧ лыддыны коми-ӧн и рочӧн. А нӧшта сійӧс вермасны лыддыны омӧля аддзысь челядь да весигтӧ найӧ, кодъяс дзик синтӧмӧсь. Книга пытшкас эм Брайль шрифта содтӧд петас.

Мыйӧн нӧшта чуймӧдӧ книгаыс? Лампа пӧч, шӧр геройяс пиысь ӧти, быттӧ сӧрнитӧ лыддыськӧд. Сійӧ корӧ аскӧдыс пыравны рӧмыдӧ дзумгысьӧм садьӧ, а сӧсся нуӧдӧ Шуршӧс югъялысь гаг керкаӧ. Шурш-лӧн, вӧлӧмкӧ, жугалӧма пӧнарикыс, и сійӧ бӧрдӧ. А кыззи сӧсся Лампа пӧч бурӧдӧ-лӧньӧдӧ Шуршӧс да отсалӧ сылы, лыддӧй асьныд!



УДК 82

ББК 84(2=664.2)-4я43

K24

Елена Козлова. Рытъя кыаӧй менам: Повесьтъяс, висьтъяс, драмаяс, казътылӧмтъяс / Лӧсьӧдис Е.Е.Афанасьева.— Сыктывкар: ООО «Анбур», 2023.— 368 л.б.

Елена Козловалӧн «Рытъя кыаӧй менам» книгаӧ пырисны верстыӧлы лыддӧм вылӧ повесьтъяс, висьтъяс да кык пьеса. Такӧд тшӧтш челядьлы сійӧм некымын гижӧд, кодъясӧс, чайтам, нимкодъпырысь лыддясны и ыджыдджык арлыда войтыр. Эмӧсь и мукӧд гижысьлӧн казътылӧмтъяс, мед и коми, и роч лыддысьысь колана ног донъяліс Елена Васильевналысь ыджыд сӧлӧмсӧ, шоныдлунсӧ да мывкылунсӧ.

Елена Васильевна аслас гижӧдъясын медсясӧ петкӧдлӧ коми

аньлысь олӧм-вылӧмсӧ, мӧвпаланногсӧ да пытшкӧс сямсӧ. Быд гижӧдын сійӧ корӧ донъявны лӧмторсӧ, геройяслысь вӧчӧмторсӧ.

Тайӧ книгаыс кывкӧрталӧ Елена Васильевналысь уна вося уджсӧ, но эз став гижӧдыс веськав ӧти йӧрышӧ. Чайтам, и мӧдысь, и коймӧдысь на поэяс йӧзӧдны висьтъяссӧ.



ББК 84(2=664.2)-5
В17

Ванеев А.Е. Кумач морёса жонь. Бөрйом гижодъяс (серия «Звёзды Севера»).— Сыктывкар: Коми гижысь котыр, 2023.— 304 л.б.

«Кумач морёса жонь» — та-тшом нима выль книга чужис народнӧй поэт Альберт Егорович Ванеевлӧн гижодъясысь. Дасьтома петассӧ сылӧн 90 во тыригкежлӧ.

Поэttlӧн пӧсь сьӧлӧмыс быттӧ выльысь воис миян дорӧ, нимкодъмӧдӧ-гажӧдӧ ставӧс сӧдз да ловъя кывйӧн, вор-

сысь рифмаясӧн, пыдӧа подулалӧм мӧвпнас.

Книгаӧ пырисны тӧдчана кывбуръяс, сонетъяс, поэмаяс, вуджӧдӧмъяс. А нӧшта лыддысьысь вермас тӧдмасыны поэttlӧн автобиографияӧн да гижысь, журналист Валентин Гринерлӧн статьяӧн, кӧнӧ сийӧ казтылӧ Ванеевӧс кызди ёртӧс да ӧти кодзув улын олӧм томдырся кадсӧ.



*Журналын йӧзӧдтӧм гижӧдъяс
редакция оз рецензируют и авторислы найӧс оз мӧдӧд.
Редакция оз век во ӧти кывйӧ авторъяскӧд.*

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».
Издатель: АУ РК «Издательский дом Коми». Директор Макарова Галина Валерьяновна
Адрес издателя: 167982. Республика Коми, г. Сыктывкар, ул. Карла Маркса, д. 229, Дом печати.
Адрес редакции: 167982. Республика Коми, г. Сыктывкар, ул. Карла Маркса, д. 229, Дом печати.
Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).
Главный редактор Полутрудов Алексей Владимирович.
E-mail: kodzuv@mail.ru; Сайт: www.komikerka.ru

Подписано к печати 07.06.2023. Дата выхода в свет 29.06.2023. Формат 70x108¹/₁₆. Печать офсетная. Усл. печ. л. 7; усл. кр.-отг. 8,4; учётно-изд. л. 7,54. Тираж 330. Заказ № 23-4215. Регистр. ПИ № ТУ11 - 00347 от 24.03.2017 г. выдано Управлением Федеральной службы по надзору в сфере связи, информационных технологий и массовых коммуникаций по Республике Коми. Опубликовано при финансовой поддержке Министерства цифрового развития, связи и массовых коммуникаций Республики Коми. Отпечатано в ООО «Коми республиканская типография», 167610, Республика Коми г. Сыктывкар, ул. В.Савина, д. 81. Цена свободная. Индекс П4364.

